



VIII. 33.

11-27-B-5

12
22
15
33





TRACTATUS.
DE
GLOBIS,
COELESTI,
ET
TERRESTRI,
AC EORVM VSV:

Conscriptus à ROBERTO HVES. *quoniam*
idcirco ab huiusmodi Mathematicis observationibus Illustrationibus
alij Denuo auctior & emendatior habito ad eandem
matriciam, spiritantibus
editus.


Amstel. J. M. N. Magt. Vbi



AMSTELODAMI.

Excudebat IUDOCUS HONDIUS, sub sig-
no Canis vigilantis in Platea Vitulina prope Senatoriam
Domum, ANNO MDLXXI.

Amstel. J. M. N. Magt. Vbi





LECTORI

SALVTEM.

Nihil simul & natum & perfectum esse, inter ceteras res artes & scientiæ manifestè declarant. Reliquas autem ut mittamus (omnes enim temporum successione suas ceperunt accessiones) si quis Astronomica veterum scripta, utpote Arati, & Eudoxi item (ad cuius mentem Aratum sua Phænomena conscripsisse testis est Leontius Mechanicus) cum Ptolemæi scriptis conferat; quanta in ijs imperfectio, quot errores occurrent? In Geographicis autem antiquorum scriptis, siue inter se conferas, priores cum subsequenti-
bus, siue cum accuratioribus recetiorum descriptionibus; quàm multa in ijs corrigenda vel supplenda deprehendas? Eratosthenem, Hipparchum, Polybium, Posidonium, gravissimos antiquorum scriptores, longius aberrantes passim insectatur Strabo. Pytheam enim, Euthemerem, Antiphanem, & Indicarum rerum scriptores Megasthenem, Nearchum, Daimachum, à quibus tam multa fabulosa sunt còmenta, indignos suà reprehensione arbitratur. Marinum Tyrium, diligentissimum ut-
cunq; scriptorem Ptolemæus graviter exagitat. Ipse etià Ptolemæus licet diligentiam rerumq; cognitione & usu cæteris omnibus qui ejus tempora antecesserunt, antecellere videatur: si quis tamen ejus descriptiones Geographicas cum perfectioribus recentiorum chartis; conferat: bone Deus, quàm imperfectus, mancus & mutilus deprehendetur! Quis ejus errores de Australiori Asiæ & Africæ termino non agrosceat? Borealicra Europæ

Europæ quam sunt imperfecta? Atq; hos Ptolemæi & antiquiorum errores, recentes Lusitanorum & Anglorum navigationes detexerunt. Australiora Africæ & Asiæ, Lusitani, Borealiora Europæ nostrates diligentissimè lustrarunt. Primò Hugo Willoughby eques Anglus & Richardus Châcelier has oras aperuerunt. Succedit eis Stephanus Borough. Vterius progressi sunt Arturus Pet. & Carol. Packman. Susceptæ sunt hæ navigationes instigante Sebastiano Caboto, ut, si quâ posset fieri, tractum in regiones Synarum & Cathayæ brevissimum cõsequeremur, at irritò hæc omnia conatu, nisi quòd his medijs firmatum est commercium cum Moschovitis. Hæc cum non succederet, institutæ sunt navigationes ad Borealiora Americæ, quas primò suscepit Martinus Frobisher, secutus est postea Ioannes Davis. Ex his omnibus navigationibus multi antiquorum errores, magna eorum ignorantia detecta est. Atq; his conatibus minus succedentibus, gens nostra navibus abundans, otij impatiens, in alias partes suas navigationes instituerunt. Humfredus Gilbert Eques, Americæ oras Hispanis incognitas, magno animo & viribus, successu non æquali, nostris aperire conatus est. Id quod postea Gualteri Raleigh equitis (viri honoratissimi) auspicijs feliciter susceptum est, quibus Virginia nobis patefacta est, præfecto classis Richardo Crivil nobili equite, quâ diligentissime lustravit & descripsit Thomas Hariotus. Neq; hos limites & terminos præfigi suis navigationib⁹ passi sunt nostrates. Frânciscus Drake fretum Magellanicum pertransiens, Occidentalem Americæ oram prætervectus, Borealia ejusdem Regionis ad 1. usq; Borealis latitudinis gradum detexit. Hujus vestigijs insistens Thomas Candish, non minorem sui nominis gloriam posteris reliquit. Inter hos nō numero Ioannem Mandevil Equitem nostratensem qui ecc. fere retro annis, terrestri annorum 33. peregrinatione, Indiam, Chinam, Tartariam. Persiam, & cõfines regiones diligentissimè lustravit. His & hujusmodi navigationibus perfectum est, ut nostrates cum Lusitanis & Hispanis navigationis gloria certare posse videantur. Neq; dubium est, ad experientiam quam habent quotidianam, si vel modicum

INDEX.

De Zonis & earum numero. Antiquiorum de Zonarum qualitate deliria antiquis testimonijs & recenti experienciâ reiecta. Cap. 4.

De Amphiscijs, Periscijs, & Heteroscijs. Cap. 5.

De Pericæcis, Anticæcis, Antipodibus, & eorum comparatione. Cap. 6.

De Climatibus & Parallelis. Cap. 7

SECUNDA PARS

De ijs quæ propria sunt cœlesti Globo, utpote de stellis : ac primò de planetis sive errantibus Cap. 1.

De stellis fixis & earum efformationibus Cap. 2.

Hemisphæris Borealis constellationes. Cap. 3.

Zodiaci signa, ac primum Borealia Cap. 4.

Hemisphærij Austrini effigies, ac primò in Zodiaco. Cap. 5.

Hemisphærij Australis constellationes extra Zodiacum. Cap. 6.

De stellis in Globo non expressis. Cur stella interdum plures, aliàs pauciores, quandoque majores sæpius minores conspiciantur, ineptæ quorundam rationes refutantur. Americi Vespuccij. Cardani & Patricij deliramenta, de inusitata magnitudine stellarum Austrini orbis, nostrâ experienciâ reiecta Cap. 7.

PARS TERTIA.

De Geographica descriptione Globi terrestris, & partibus terræ cognitæ. Ptolemæi errores de Australi Africa & Asia, uetmque, Boreali Europa termino, ex Antiquorum scriptis, & recentiorum varia experientia damnantur. Cap. 1.

De ambitu terræ & mensurâ unius gradus varie opiniones Græcorum, Eratosthenis, Hipparchi, Posidonij, Cleomedis, & Ptolemæi: diversa Arabum : uetm Italarum, Germanorum, Anglorum & Hispanorum. Posidonius & Eratosthenes ex suis ipsarum observatis & assumptis rejiciuntur. Ptolemæi sententia cæteris prælata, a Maurolyci calumnijs liberatur. Maurolycus taxatur, quod perperam favens Posidonio, iniquè damnavit Ptolemæum. Cap. 2.

P A R S Q U A R T A.

De inveniendâ longitudine, latitudine, distantia, & positionis angulo, vel situ locorum in terrestri Globo expressorum. Cap. 1.

De latitudine locorum. Cap. 2.

De distantia duorum locorum & angulo positionis vel situ inveniendâ. Cap. 3.

De altitudine Solis aut Stellarum. Cap. 4.

De inveniendâ Solis loco ejusque declinatione ad diem datû. Cap. 5.

De inveniendâ loci latitudine ex observata Meridiana altitudine Solis aut stellarum. Cap. 6.

De Ascensione rectâ & obliqua Solis & stellarum inveniendâ, ad datam quamlibet loci latitudinem & tempus. Cap. 7.

Quomodo inveniatur ad datum tempus & locum differentia horizontalis inter Meridianum, & circulum verticalem Solis aut Stelle alicujus, quam vocant *Azimuth*. Cap. 8.

De inveniendâ hora, itemque amplitudine ortus & occasus Solis & stellarum ad datum tempus & latitudinem alicujus loci. Cap. 9.

De triplici ortu & occasu stellarum. Cap. 10.

De inveniendâ crepusculorum initio & fine ad datum quodvis tempus & latitudinem loci. Cap. 11.

Quomodo ad datum aliquod tempus & locum inveniatur quantitas diei artificialis aut noctis, vel quantitas paralleli Solaris, quæ supra horizontem manet, quaque infra latet, idem etiam de stella aliqua invenire. Cap. 12.

De inveniendâ hora diei & noctis tam æquali quàm inæquali ad datum quodvis tempus & latitudinem loci. Cap. 13.

De inveniendâ longitudine latitudine & declinatione stellarum fixarum, ut in globo exprimuntur. Cap. 14.

De inveniendâ deflexione acus magnetica à veri meridiani situ, quam vulgo vocant nostrates compassi variationem, ad datam quamvis latitudinem, ubi multorum errores deteguntur, qui assignarunt acui magnetica certum aliquem meridianum, & fixum aliquod punctum quod respiciat & intueatur: & qui æquabilem faciunt ac regularem hujus deflexionis mutationem, horum autem vana conjectura, & malè assumptæ hypotheses, ex certioribus tum nostris tum aliorum observatis refelluntur. Cap. 15.

Quomodo per Globum construatur horologium sciotericum, ad datam quamlibet loci latitudinem. Cap. 16.

PARS VLTIMA.

De Rumbis in terrestri Globo delineatis ubi eorum natura, origo & usus in navigandi ratione tractatur.

I. HOND.

Postremo adjunxit auctor tabulam geographicam, quam nos (quod veritati minus consentanea videbatur) omisimus, quamvis globos de quibus loquitur, ipse auctori geographia calaverim.

PRÆFATIO.

DVo sunt instrumentorum genera, quibus totam cœli terræque faciem mira & multiplici varietate distinctâ, quadam quasi Synopsi exprimi & sensibus obijci commodissime posse, censuerunt artifices. Alterum quod in solido rotundo ideam hanc proponat, Globus vel Sphæra vocatur: Alterum quod in Plano exprimat, Planisphærium vocarunt. Vtrunque ab antiquis admodum temporibus excogitatum, ad nostra usq; secula continuâ quasi traditione deductum, suas semper per successionem temporis cepit accessiones. Sphæram sive Globum ejusque usum Atlantem Libycum primò invenisse refert Diodotus Siculus: unde orta fabula cœli humeris suis sustinuisse. Alij hoc invetum Thaleti tribuunt. Excoluerunt autem postea Crates, cujus meminit Strabo, Archimedes, Proclus; maxime omnium Ptolemæus: ad cuius præcipuè mentem & præcepta, sphæras solidas à posteris fabricari solitas Leontius tradit Mechanicus. Recentioribus seculis plurimum excultum est hoc instrumentum à Gemma Frisio & Gerard. Mercatore, quorum industriæ & diligentia magna est accessio in his Globis, qui Lōdini editi sunt Anno 1593. ut vix quicquam ulterius addi posse videatur. Planisphæriū quidem præclarum invetum mirum habet artificium, si ex Geometricis & Opti-

Opticis fontibus deducta sit fabricatio: miram etiam cōcinnitatem, suam item jucunditatem habet. Sed alterū illud naturā prius & antiquius, forma conveniētius, intellectu & cogitationi magis accommodum: ut mittam venustatem & delectationem proprijs enim & genuinis formis res ipsas exprimit. Nam cœli formam, quin esset rotunda, vix quisquam vocavit in dubium. De forma etiam terræ utcunq; multæ apud veteres Physicos divulgatæ sint opiniones: alijs planam, alijs cavam, nonnullis cubicam, cæteris pyramidalem contendentibus: hæc tamen sola, explosis reliquis, summa cum ratione obtinuit, ut rotunda censeretur. Rotundam autem dicimus, ut habeat suas in æqualitates, in tanta eminētia montium & depressione valliū. Terram esse formā Globi, non ut toro facti, sed qui habeat quasdam inæqualitates, dixit Eratosthenes. Strabo l. 1. Absoluti orbis figura terræ non inest, in tanta montium celsitate & camporū planitie: recte Plinius l. 2. c. 2 r. Terrā cum aquā Globum cōstituere, nō ut cœlum, sed non multum ab ea formā aberrantem, voluit Strabo l. 1. Astruitur etiam rationibus terræ cum interjecto mari rotunditas. Oriētē & Occidētē versūs Globosam esse probant Sol, Luna & Stellæ, prius Orientalibus posterijs Occidentibus orientes & occidentes. Persæ ad ortū habitātes, prius horis quatuor Solis radios excipiunt quā Iberi ad occasum habitātes, Cleomedes l. 1. Eclipses (præcipuè Lunares) evincunt, quæ eodem tempore factæ, ijsdem horis, eodem dici tēpore nō sunt observatæ, sed posterior est hora observationis Oriētalib⁹ quā Occidentalib⁹. Eclipsim quæ hora quinta in Arbelis accidit, Carthagini hora secunda cōspectam refert Ptolemaeus l. 1. Geog. c. 4. Defectum Solis, quem Campania inter septimā & octavā diei horam vidit, Corbulo dux in armenia inter decimā & undecimā visum prodidit Plin. l. 2. c. 70. In Austrum & Boream quā vergit, rotunditatem eius demonstrant occultationes, emersiones, elationes, & depressiones stellarum & polorum. Lucidū illud sidus, quod in summo Argus gubernaculo cōspiciēte fulget (Canobus Græcis nominatur) in Rhodō ægrè cōspicitur, aut certè ab editis locis, in Alexandria, quarta

eirciter signi portione supra horizontem extante, cōspicuè ad-
 modum cernitur, inquit Proclus in fine libelli de Sphæra. Le-
 go enim, conspicuè cernitur, non ut vulgò, prorsus non cerni-
 tur, utcunque reclamante Græco codice & invito Latino inter-
 prete. In Eclipsibus Lunaribus (quæ fiunt advetu Lunæ in um-
 bram terræ) ejusdem umbræ extremitates rotundas videmus:
 quod ab alio quàm rotundo & Globoso corpore fieri non
 posse probant Optici. Vnica hæc ratio major est omni excep-
 tione, quòd ex alto mari terram petentibus, primò se præbent
 conspicienda montium cacumina, radices non nisi cum pro-
 pius accesseris, propter intervenientem terræ gibbositatem.
 Cava, cubica, pyramidalis & plana forma propter quas causas
 rejecta sit; Ptolemæi interpretes Theon, Cleomedes, vulgati pro-
 pe ad unum Sphæaræ autores, prolixè declarant. Planam terræ
 figuram, tanquam cramben recoctam, ad usque nauseam ap-
 positam novo quodam apparatu denuò obtrudit Franc. Pa-
 tricius frigidis quibusdā rationibus & male intellectis experi-
 mentis planitiem comprobans, rotunditatem destruens. Præ-
 cipua ejus argumenta obiter attingam, neque enim in eorum
 refutatione prolixius insistere nostrum patitur institutum. Ad-
 versus terræ rotunditatem facere videntur montium eminenti-
 tiæ, vallium profunditates, ab æquali camporum planitiæ. Quis
 ferat, inquit Patricius, altissimos Norwegiæ montes, Montem
 sub polo Slotum mundanorum omnium eminentissimum,
 ejusdem esse superficiei cum subiecto mari? Præcipua hæc cum
 sit ratio, qua terræ tum interjecto mari, rotunditas corrui-
 re videatur, minutius paulo discutiamus: quantaque sit hæc
 eminentia, ut de æqualitate hujus Globi detrahare videatur,
 perpendamus. Multa quidem de altitudine Athonis montis
 Macedoniæ, Casij Syriæ, itemq; alterius ejus nominis Arabiæ,
 & de mōte Caucaſo, admiranda & ad fabulā proximè accedē-
 tia, ab Aristotele, Mela, Plinio, & Solino cōmemorantur. Inter
 miracula notarunt, quòd Athos mons, è Macedonia, in forum
 Myrrhinæ, in Lemno insula oppidi, umbram projiciat, cum A-
 thos à Lemno 86. miliaribus distet, Sed cum Athos mons ad

Orientem Lemno sit, ut tabulæ indicant Ptolemaicæ, nō adeo miramur, ad tantam distantiam umbram jaculari; quoniam oriente ut etiam occidēte Sole umbras longissime projici, quotidianā testetur experientia. Hoc fabulis magis annumerarim, quod Plinius & Solinus de eodem monte referunt, adeo clatum esse, ut credatur altius, quā unde imbres cadunt, surgere. Cepit autem (inquiunt) opinio fidem, quia de aris, quas in vertice sustinet, non abluitur cinis, sed quo relinquitur aggere manet. Accedunt huc eclogæ à fine v l i lib. Strab. quæ tradunt, ejusdem montis verticem incolentes videre Solem orientem tribus horis ante eos qui mare accolunt. Aristoteles Caucasi montis celsitatem celebrat; quod ipsius summitas ad tertiam noctis partē cū mane tum vesperi radijs Solaribus illustretur. Plinius & Solinus æquē fabulosē de Casio Syriæ monte referunt, summo vertice à quarta vigilia ortum Solis ostendere, quod de Casio etiam Arabiæ Mela videtur tradere. Hæc autem omnia fabulis annumeranda, Petrus Nonius ex ipsis fontibus Geometricis acutē comprobavit. Ridiculum est quod Eustathius tradit, Calpen & Abennam (Columnas Herculis dictas) propter celsitatem miraculosē celebrari à Dionysio Periēgete; neque tamen assurgere ultra 100 ulnas, hoc est unum stadium. Ad tantam altitudinem assurgunt Pyramides Ægyptiorum teste Strabone, ad majorem arbores Indicæ; si qua fide eorum digna est relatio, qui apud eundem Strabonem referunt, ad flumen Hyarotidem arborem fecisse umbram Meridianam stadiorum quinque. Antiquorum fabulis accedit recentioris seculi vanitas. Tenariffem unam è Canarijs ad xv. Leucarum celsitudinem assurgere; quod efficiat milliaria plusquam lx. ex quorundam narrationibus refert Scaliger. Patrius his non acquiescens, ad lxx. milliaria, effert. Celebrantur & aliorum montium eminentiæ, utpote Andium Peruviz & insulæ Pico Acorensium, at non æque ac Tenariffis. Quam fidem mereantur hæc relationes, disquiramus. Tenariffim quidem adeo exsurgere multorum testantur narrationes, ut probabile sit orbem terrarum editiorem non videre (ne excepto qui-

dem

eirciter signi portione supra horizontem extante, cōspicuè ad-
 modum cernitur, inquit Proclus in fine libelli de Sphæra. Le-
 go enim, conspicuè cernitur, non ut vulgò, prorsus non cerni-
 tur, utcunque reclamante Græco codice & invito Latino inter-
 prete. In Eclipsibus Lunaribus (quæ fiunt adyētū Lunæ in um-
 bram terræ) ejusdem umbræ extremitates rotundas videmus:
 quod ab alio quàm rotundo & Globoso corpore fieri non
 posse probant Optici. Vnica hæc ratio major est omni excep-
 tione, quòd ex alto mari terram petentibus, primò se præbent
 conspicienda montium cacumina, radices non nisi cum pro-
 pius accesseris, propter intervenientem terræ gibbositatem.
 Cava, cubica, pyramidalis & plana forma propter quas causas
 rejecta sit; Ptolemæi interpretes Theon, Cleomedes, vulgati pro-
 pe ad unum Sphæaræ autores, prolixè declarant. Planam terræ
 figuram, tanquam cramben recoctam, ad usque nauseam ap-
 positam novo quodam apparatu denuò obtrudit Franc. Pa-
 tricius frigidis quibusdā rationibus & male intellectis experi-
 mentis planitiem comprobans, rotunditatem destruens. Præ-
 cipua ejus argumenta obiter attingam, neque enim in eorum
 refutatione prolixius insistere nostrum patitur institutum. Ad-
 versus terræ rotunditatem facere videntur montium eminenti-
 tiæ, vallium profunditates, ab æquali camporum planitiæ. Quis
 ferat, inquit Patricius, altissimos Norwegiæ montes, Montem
 sub polo Slotum mundanorum omnium eminentissimum,
 ejusdem esse superficiei cum subjecto mari? Præcipua hæc cum
 sit ratio, qua terræ tum interjecto mari, rotunditas corruere
 videatur, minutius paulo discutiamus: quantaque sit hæc
 eminentia, ut de æqualitate hujus Globi detrahere videatur,
 perpendamus. Multa quidem de altitudine Athonis montis
 Macedoniz, Casij Syriæ, itemq; alterius ejus nominis Arabiæ,
 & de mōte Caucaſo, admiranda & ad fabulā proximè accedē-
 tia, ab Aristotele, Mela, Plinio, & Solino cōmemorantur. Inter
 miracula notarunt, quòd Athos mons, è Macedonia, in forum
 Myrrhinæ, in Lemno insula oppidi, umbram projiciat, cum A-
 thos à Lemno 86. miliaribus distet, Sed cum Athos mons ad
 Orien-

Orientem Lemno sit, ut tabulæ indicant Prolemaicæ, nō aded miramur, ad tantam distantiam umbram jaculari; quoniam oriente ut etiam occidēte Sole umbras longissime projici, quotidianā testetur experientia. Hoc fabulis magis annumerarim, quod Plinius & Solinus de eodem monte referunt, adeo elatum esse, ut credatur altius, quā unde imbres cadunt, surgere. Cepit autem (inquiunt) opinio fidem, quia de aris, quas in vertice sustinet, non abluitur cinis, sed quo relinquitur aggere manet. Accedunt huc eclogæ è fine VI I. lib. Strab. quæ tradunt, ejusdem montis verticem incolentes videre Solem orientem tribus horis ante eos qui mare accolunt. Aristoteles Caucasi montis celsitatem celebrat; quod ipsius summitas ad tertiam noctis partē cū mane tum vesperi radijs Solaribus illustretur. Plinius & Solinus æquē fabulosē de Casio Syriæ monte referunt, summo vertice à quarta vigilia ortum Solis ostendere, quod de Casio etiam Arabiæ Mela videtur tradere. Hæc autem omnia fabulis annumeranda, Petrus Nonius ex ipsis fontibus Geometricis acutè comprobavit. Ridiculum est quod Eustathius tradit, Calpen & Abennam (Columnas Herculis dictas) propter celsitatem mirāculosē celebrari à Dionysio Periēgete; neque tamen assurgere ultra 100 ulnas, hoc est unum stadium. Ad tantam altitudinem assurgunt Pyramides Ægyptiorum teste Strabone; ad majorem arbores Indicæ; si qua fide eorum digna est relatio, qui apud eundem Strabonem referunt, ad flumen Hyarotidem arborem fecisse umbram Meridianam stadiorum quinque. Antiquorum fabulis accedit recentioris seculi vanitas. Tenarissæ unanī è Canarijs ad xv. Leucarum celsitudinem assurgere; quod efficiat milliaria plusquam lx. ex quorundam narrationibus refert Scaliger. Patrius his non acquiescens, ad lxx. milliaria, effert. Celebrantur & aliorum montium eminentiæ, utpote Andium Peruviz & insulæ Pico Acorensium, at non æque ac Tenarissis. Quam fidem mereantur hæ relationes, disquiramus. Tenarissim quidem adeo exsurgere multorum testantur narrationes, ut probabile sit orbem terrarum editiorem non videre (ne excepto qui-

dem

dem monte Sloto, quem quisnam viderit mortalium ignoramus, præterquam quòd de mago quodam Necromantico eò delato fabulantur.) Eam tamen altitudinem attingere non posse quam refert Scaliger, maximam fidem facit, quod perpetuas fere nives jugo sustineat, vix enim uno, saltem altero æstatis mense, nivibus immanem tradunt Hispanorum scripta. Nives autem generari 70. aut etiam 60. milliariibus supra aquæ aut terræ planitiem, nunquam persuadebunt, cum summi vapores, ex assumpta etiam Eratosthenis mensura, terrestris ambitus 48. milliaria non attingant; ex Ptolemaica autem mensura, vix xli. milliaria ad æquent. Cardanus quidem & alij quidam ex professo Mathematici, ad 288. usque milliaria vapores attollunt: at non mediocri labe sui nominis, has nugas scriptis mandarunt. Atlantis montis cacumina ad usque lunaris circuli viciniam assurgere refert Solinus: at suum ipse prodit errorem, quòd ejus verticem nivibus opertum & nocturnis ignibus lucetem fateretur. Nò dissimilia sunt, quæ de ejus altitudine Herodotus, Dionysius Apher, ejusque Scholiastes Eustathius tradunt: unde & cælorum columen vocarunt. Sed vanis ac prodigijs his relationibus omisis, accedamus de ea, quæ majus fidei argumetum præ se ferunt. Eratosthenes instrumentis dioptricis, ex dimensis intervallis, deprehendit, perpendicularium dictum à summi montis cacumine ad imas valles non esse majus stadiis x. Cleomedes refert non inveniri montem editiorem stadiis xvi. atque tantæ altitudinis præruptam & excelsum in Bactiana rupem fuisse, quæ Sisimitræ Petra dicta fuit, lib. xi. sue Geographiæ memorat Strabo. Thessalicorum montium cacumina arctiora esse, quam usquam proceritas montana attolli valeat, tradit Solinus. At si Plinio credimus, Dicaarchus regum curâ montes perniculus, deprehendit Pelion cæcis excelsorem, nò exurgere ultra passus 1250. hoc est stadia 10. At ulterius progrediemur, ne restrictiores in his videamur, aut arctioribus quàm par est limitibus definire. Addeamus summitati montium maris profunditatem. De ea sic scribit illustrissimus Iul. Scaliger exercit. 38. contra Cardanum. *Aqua*
profunditas

PRÆFATIO.

profunditas non multa, nemperaro passus excedit 80. plurimis in locis non accedit ad vicenos, haud paucis senos explet, paucissimis ad centenos accedit, paucioribus hunc superat numeri m. At quia hæc à vero deficere plurimum, quotidiana navigatium testatur experientia, depressionem hanc fundi maris faciamus æqualem montium elationi, ut ad 10. stadia subsideat, quantam esse Sardoï maris maximam profunditatem, apud Strabonem perhibet Posidonius, vel si placet, ad 15. etiam stadia deprimatur, sic enim volunt Cleomedes, & Fabianus apud Plin. l. 2. c. 102. Georgius Valla mala fide Cleomedem transfert, cùm 30. stadiorum mensuram profunditati Maris attribuit.) His ita assumptis fundamentis, videamus quæ sit ratio eminentiæ montium ad totius terræ diametrum, ut inde colligamus, montium elationes vix quicquam à rotunditate detrahare, sed erit hæc excreſcentia quasi festuæ aut pulvisculi in pila, ut Cleomedes affirmat. Si enim accipiamus ambitum terræ esse stadiorum 180000, ut Ptolemæo placet (neque minorem mensuram quisquam antiquorum posuit, ut Strabo testatur) erit ejus dimetiens (ex Archimedeâ ratione diametri ad peripheriam) stadiorum amplius 57272. Si igitur montes exsurgant ad usq; stadia x. (quod placuit Eratostheni & Dicæarcho) erit ratio editioris montis ad diametrum terræ quæ est unius ad 5727 (Lapsus est Peuceus, cùm dixit, dimetientis terræ ad perpendicularum x. stadiorum esse rationem 18000 ad unum, hæc ratio est ad totam circumferentiam non ad diametrum.) Si ad xv stadia altitudo montium excurrat (ut voluit Cleomedes) erit ea ratio quæ est unius ad 3818. Sed ad 30 etiam, si placeat, stadia mōtes emineant, ad quantā altitudinem petram in Sogdiana assurgere refert Strabo lib. xi. (atqui majorem non esse mensuram summi montis, adjecta etiam maris profunditate ad perpendicularum, Cleomedi videtur) ratio ea non erit major quam sit unius ad 1908. Assurgat etiam, si libet, ad quatuor milliaria sive stadia xxxi i) quantum Casium Syriæ in directum surgere autor est Plinius) erit ea ratio aliquanto minor, quam sit unius ad 1789. Tantum igitur abest ut credam Patri-

cio de altitudine Tenariff. LXXII. Milliariorum (nisi multis ambagibus & obliquis itineribus metiatur: quomodo Plinius Alpium cacumina ad L. miliaria effert ut non assentiar Alhazeno Arabi (qui ad VIII. miliaria Arabica vel stadia LXXX. ut ego arbitror, extulit montium cacumina) neque Plinio lib. 4. cap. 11. de montis Hæmi excelsitate VI. miliariorum: vix eidem Plinio de altitudine IV. miliariorum. Vterius assurgere dicenti Mercurio haud facile crederem. Hætenus de montium celsitate, quæ hujus Globi terrestris rotunditatem impedire videbatur.

Adjungit Patricius, aquas etiam in sphaeræ modum non rotundari. Argumentum sumit ab aquarum libratoribus, qui adhibitis instrumentis dioptricis aquas esse æqua & plana superficie (nisi quatenus ventis agitantur) deprehendere. Eratosthenes contra apud Strabonem affirmat, superficiem maris alibi eminere, aliàs subsidere. Inscitiæ suæ testes vocat item architectos sive aquarum libratores, qui Demetrio Isthmum Peloponnesiacum effossuro, renuntiaverunt; comperisse se dimensionibus, mare quod est in sinu Corinthiaco, elatius esse eo quod ad Cenchræas. Sesostrim Ægypti regem Isthmum Arabicum discissurum destitisse ferunt, quod superficiem aquæ in Arabico sinu sublimiorem judicaret, quàm quæ in mediterraneo mari. Arist. in fine libri I. Meteororum. Idem postea Dario contigisse, eodem loco testis est idem Aristoteles. Ecquid Sesostris, Darij & Demetrij Architecti majori fide digni sint, quàm quos Patricius nominat, nō laboro. Strabo Eratosthenē insectatur, quòd eminentias & depressiones superficiem maris attribuit. Archimedes docet omnis humidi, quod consistit & permanet, superficiem esse Sphæricam, & habere cum terra cōmune centrum; ut utrosq; merito rejiciamus, tum qui rectam maris superficiem volunt, tum qui eminentiam & subsidentiam tribuunt. Hoc unum fateamur ratio cogit, exigua hujus Globi portionem, quantam capiat oculorum acies, à recta superficie quibusvis instrumētis non posse discerni: ut inde penitus corruat argumentum illud, quod à libratorum fide & experientia deducit Patricius

Elevationes & depressiones, occultationes item & emerſiones polorum & ſtellarum, quemadmodum quotidiana navigantium experientia teſtatur, fieri poſſe, utcunque plana ſit aqua contendit Patricius. Si enim ſtella aliqua, alicujus loci vertici immineat; hac aut illac ab eo loco ſi diſceſſeris, deprimi videbitur, in plano etiam facto itinere. At aliud eſt quod non advertit Patricius. Aequali curſu conſecto verſus Auſtrum aut Boream, ſtella ſemper æqualiter elevatur aut deprimitur, quod fieri poſſe in recta ſuperficie nunquam docebit. Si ſumamus ſtellam aliquam propè Æquatorem poſitam, ea in curſu LX. milliariorum noſtratium, proximè per unum gradum ab Horizonte attollitur, ſive ea ſtella vertici immineat, ſive inde diſceſſeris ut à vertice deprimatur per triginta, quinquaginta gradus, aut alio quovis numero: quod in plano fieri nõ poſſe, Geometrica demonſtrant fundamenta. Vnum hoc Patricio (in Hiſpanorum navigationibus bene verſato, quod teſtantur eius ſcripta) fidem facere poterat, maris ſuperficiem nõ eſſe rectam: quòd Victoria navis ea, qua Fernandus Megallanes ex Hiſpania ſolvit, inſtituto curſu inter Auſtrum & Occidentem ad Fretum illud quod ab eo nomen accepit, redijt in Hiſpaniam, prætervecta Promontorium Bonæ ſpei, toto terrarum ambitu enavigato. Mitto illuſtriſſimorum noſtratium navigationes D. Fran. Drake, & Thomæ Candish exteris fortaiſis non adeo notas, quæ id ipſum quod dicimus evincunt. Obiter attigimus quæ ſumma habet ſuæ cauſæ fundamenta Patricius. Experimenta, quæ male intellecta ad cauſam ſuam firmandam adducit, omitto, cum ejus opinionẽ deſtruant potius quam aſtruant.

Aſtructa ad hunc modum rotunditate terræ, cum altiſſimorum montium eminentiæ vix habeant eam rationem ad ſemidimetientem terræ, quam unum ad mille (quæ quàm ſit exigua, facile quivis agnoſcet) Globosam formam ad exprimendam cœli terræque imaginem, naturæ convenientiorem, intellectui faciliorem, ipſaque venuſtate jucundiorẽ otioſum arbitramur ut probare contendamus.

In Globis autem materialibus, præter aptam & convenientẽ locorum

locorum delineationem, quod præcipuum est, duo maximè de-
siderantur, magnitudo sive capacitas, ut particulares quàm
fieri potest locorum descriptiones complectantur. Secundum
est levitas, ne pondere & gravitate offendant. Strabo lib. 11.
Globum voluit diametri x. pedum, ut capiat mediocrem re-
rum particularium descriptionem. Immanior plane est hæc
moles quam quæ commode tractari possit. Atqui hac parte,
existimo hos Globos, de quibus tractare instituimus, cæteris
omnibus, qui hætenus editi sunt, jure præferendos, quod & ca-
pacioreſ reliquis, sunt enim diametri pedum duorum & par-
tis sextæ. Ii autem quos Mercator edidit (quib' maiores nemo
ad hæc usque tempora, quod sciam, edidit) pedem unum &
partem tertiam vix attingunt diametri. Erit itaque superfici-
horum Globorum ad eos quos Mercator edidit, ea ratio quæ
est unius ad duo cum tribus octavis, aliquanto etiam major.
Qualibet igitur regio his Globis erit major quam in illis du-
plo amplius, unde quælibet loca facilius multo in his delineari
possunt quam in illis. Sed hæc intelligenda volumus de ijs, qui
majori forma editi sunt à Gulielmo Sanderſono cive Londi-
nensi (de quorum præcipuè usu cōscripsimus hunc tractatum)
Nam & minores etiam edidit, ut mole & magnitudine mino-
res, sic etiam pretio viliori, ut tenuiorum studijs cōsultum esse
videatur. Ad ipsam quod spectat Geographiam, cū ex recen-
tioribus chartis & descriptionibus sit desumpta, cæterorum
descriptionibus multo perfectiorem arbitramur: utcunque
suis fortassis non vacat erroribus. Quod autem in his Globis
dēdis præstitum esse, eorum artifex mea opinione gloriari
poterit.

Vnum hoc monemus, particularium locorum descriptio-
nes aliunde petendas esse, neq; enim in Globis hoc expectan-
dum est. In particularibus autem locorum descriptionibus,
Gerardus Metcator. Tabulis Geographicis cæterorū indu-
striam & diligentiam superasse videtur. Hinc itaque comodis-
simè peti posse ducimus.

PRIMA PARS DE IIS QVÆ
COMMVNIA SVNT VTRIS-
QVE GLOBIS.

CAPVT. I.

*Quid Globus, quæ eius partes, & de circulis
extra Globum.*



LOBOS, quod ad nostrum spectat institutum, vocamus analogicas cœli terræque imagines. Analogicas autem dicimus, non solum propter formam, quia Rotundi; ut sunt cœlum & terra cum interfluo mari: sed præcipue quia cœli sidera suis imaginibus & Asterismis (Constellationes vocant) expressa, terræque tractus & regiones, singula suâ proportionem, magnitudine, & distantiam expressa, nobis exhibent: delineatis etiam ad eorum usum circulis tum maioribus tum minoribus, quos in cœlo terræque congruè suis observatis conceperunt artifices. Circuli autem Majores sunt, qui totam Globi superficiem in æquales duas portiones dissecunt: Minores, qui in duas inæquales dirimunt.

Præter ipsa Globorum corpora, in quibus ea quæ diximus inscripta sunt, quæ Solida sunt rotunda, adhibetur utrique machina cum instrumentis quibusdam necessarijs ad eorum usum: quorum singula ordine explicabimus.

Machinæ fabrica sic habet. Primò basis est ad Globorum sustentatio-

stentationem, cui ad perpendicularum eriguntur sex columellæ, æqualis ad invicem longitudinis, quibus ad libellam insistit cyclus annularis, benè crassus & latus, basi parallelus, quem horizontem vocant, quòd ejus superficies, quæ supera est, veri horizontis officio fungitur. Hæc enim ita est sita, ut Globi superficiem in duas æquas partes dirimat. Quarum altera quæ eminet, conspectam mundi partem nobis indicat: altera quæ deprimitur, inconspexam mundi partem denotat. Is autem circulus, qui conspectam mundi partem ab inconspicua dirimit, Horizon vocatur. Atque illud punctum quod in supero hemisphærio vertici imminet, æqualiter undiquaque ab horizonte semotum, Zenith vulgo vocatur: Arabes Semith vocant. Sed corruptum illud nomen obtinuit, ut vulgò reciperetur. Huic è regione in infero hemisphærio quod opponitur, Nathir vocant Arabes, vulgò Nadir. Hæc duo puncta Poli horizontis dicuntur.

In horizonte Globi materialis hæc adscribuntur ad oram. Primò duodecim Zodiaci signa. Quodlibet ex his in triginta minutiores partes dividitur, ut totus Horizon in 360 partes (quos gradus vocât) dirimatur. Si gradus autè in LX. etiã partes divisus còspiciatur, quolibet earum scrupulû vel minutû dicitur, & ex simili minorum divisione fiunt secunda, dehinc tertia, itémq; quarta & quinta, &c. ex simili semper partitione. Adscribitur item huic horizonti Calèdarium Romanum, atq; illud triplici forma. Antiqua, quæ etiamnum apud nos in usu. Recèti, à Gregorio XIII. Papa instituta, quæ æquinoctia & solstitia restituuntur ad eas sedes, quas tẽpore Còcilij Niceni tenuerunt. Tertium restituit eadem æquinoctia & solstitia ad sedes, quas obtinuerunt tempore nativitatis Christi. Calendarij menses dividuntur in dies & septimanas, quibus adjiciuntur Characteres earum indices, nèpe VI I priores literę Alphabeti Romani. Qui modus designandi mensium dies introductus est post tempora Còcilij Niceni, autore Dionysio exiguo Abbate Romano. Extima horizòtis ora in XXXI I. partes dividitur pro numero vètorum, quos recentiores Nautæ in navigationibus obser-

observant, quibusque cœli plagas & regionum tractus solent designare. Antiquiores enim IV. ventos numerabant: sequuti, eis præterea quatuor adjecerunt: deinde numerabant XII: postea introducti sunt XXIV. ut Vitruvius docet. Recentior ætas XXXII. numerat, quorum nomina Anglica itémque Latina in horizonte Globorum materialium exprimuntur.

Huic horizonti in duplici fissura circulus æneus insistit ad rectos angulos, ita ut hæc illæ, per easdem fissuras circumduci queat, ut usus postulat. Hic vocatur Meridianus, quia altera ejus superficies, quæ in gradus 360. (ut & horizon) dividitur, veri meridiani vicem sustinet. Est autem meridianus, circulus major transiens per polos mundi itemque horizontis, quem cum Sol attigerit diurna revolutione in supero hemisphærio, medios dies, cum in infero, medias noctes efficit.

Hi duo circuli, Horizon & Meridianus, in cœlo terræque varij sunt & mutabiles pro locorum mutatione. Sed in Globis materialibus facti sunt simplices, constantes & invariables: Terra autem facta est volubilis, ut eidem Meridiano omnium locorum vertices applicari possint.

Duobus hujus Meridiani punctis oppositis affixæ sunt extremitates stili per Globi soliditatem ejusque centrum trajecti. Harum extremitatum alteram, polum mundi Boreum sive Arcticum: alteram, Austrinum vel antarcticum: ipsumque stilum, axem vocant mundi. Axis enim mundi est dimetiens ipsius circa quam voluitur. Axis extremitates poli sunt.

Alterutri polorum, cum postularit usus, adjungendus est circulus minutior, & ipse æneus, in XXIV. æquas partes divisus pro numero horarum integræ diei & noctis. Ideoque circulum nominant horarium. Hunc alterutri polorum ita oportet applicare, ut sectio utriusque horæ duodecimæ, tum mediæ diei tum mediæ noctis, veri meridiani superficiei exactè congruat.

Extremitati axis per cœtrum horarii circuli trãseuntis adjiciendus est stilus minutior, quem Indicem vocant horarium, qui sic fabricatus est, ut volutato Globo stilus axi adhærens per omnium horarum sectiones percurrat. Hunc indicem licebit

circumquaq; movere, & ad singulas horas horarij circuli, ejus cuspidem, ut libuerit, applicare.

CAPVT. II.

De circulis, qui in Globi superficie delineantur.

SEquuntur circuli in ipsa Globi superficie descripti. Primò æquali ab utroque polo distantia siue xc. graduum intervallo delineatur major circulus, qui vocatur Æquinoctialis vel Æquator, ideo quia cum Sol in hoc circulo cōstituitur, dies noctibus ubique locorum adæquat. Huius circuli revolutione definitur dies naturalis, *νυχθήμερον*. Est enim dies duplex: Naturalis & Artificialis. Naturalis est spatium, quo integra æquatoris periodus absolvitur, & est xxiv. horarum. Artificialis est spatium, quo Sol superum percurrit hemisphærium, cui nox opponitur, cū scilicet Sol in infero fertur hemispherio. Artificialis dies eiusque nox æquatur diei Naturali.

Diei partes horæ sunt, quæ vel æquales vel inæquales. Æqualis est vicesima quarta pars diei Naturalis: quo tempore quindecim æquatoris gradus supra horizontem emergunt & deprimuntur. Inæqualis est duodecima pars diei Artificialis, inter orientem & occidentem Solem. Horarum partes sunt Minutæ. Minutum est pars sexagesima horæ æqualis: quo tempore quadrans unius gradus æquatoris siue minuta xv. oriuntur & occidunt.

Æquatorem in duobus punctis oppositis obliquè secat circulus etiam major, qui Zodiacus & signifer nominatur. Ejus obliquitatem primum intellexisse Anaximandrum Melesium Olymp. LVIII. refert Plin. lib. 2. cap. 8. Hunc in XII. partes (quæ Signa vocant) divisum cernimus, eaque Cleostratus Tenedius primus observasse dicitur ab eodem Plinio eodem capite. Harum quælibet in xxx. rursus minutiores partes secatur,

ut totus Zodiacus (sicut reliqui etiam circuli) gradus complectatur 360. Primam partem duodecimā ab altera interfectionum Æquatoris & Zodiaci, ab occidente ortum versus numerando, Aries occupat, secundam Taurus, &c. Sed dubitare jure poterint rerū Astronomicarum imperitiores, propter quam causam primū triginta gradus, vel prima pars duodecima, totius Zodiaci, tribuantur Arieti, cum prima stella imaginis Arietis non minus xxvi. gradibus sequatur interfectionē æquatoris & Zodiaci. Causa hæc est. Antiquiorum Græcorum temporibus, qui primū stellarum fixarum loca & sedes observarunt, easque suis asterisismis expresserunt, prima Arietis stella ab ipsa interfectione vix modico intervallo distabat. Nam Thaletis Milesij ætate duobus gradibus antecedebat interfectionem. Metonis Attici tempore in ipsa stetit interfectione. Timochæris ævo duobus gradibus sequebatur. Qb hanc propinquitatem, primam partem Zodiaci antiquiores dederunt Arieti, secundam Tauro, & reliquis suo ordine. Eorum traditionem qui subsequuti sunt ad nostra usque tempora retinuerunt.

Sub hoc circulo Sol reliquique Planetæ suos motus peragunt, suo quisque modo & tempore periodum absolvens. In medio Zodiaci spatio Sol suum iter peragit: ad ejus cursum ecliptica describitur. Cateri ab ecliptica sive Solis cursu, suas habent in latitudinem aberrationes. Propter eorum digressiones Zodiaco latitudo tribuitur apud antiquiores graduum xii. Recentiores propter Martis sed præcipue Veneris evagationes binos utrinque gradus adjecerunt, ut tota ejus latitudo gradibus xvi. definiatur. Sed ecliptica sola in Globis delineatur, eaque in 360. gradus divisa, ut reliqui circuli. Hanc Sol annuo motu percurrit, singulis diebus gradum ferè unum medio motu conficiens, hoc est LIX. minuta, viii. secunda, bis æquatorem pertransit, indeq; aquali utrinque intervallo discedit. Cum æquatorem pertransit in principio Arietis & Libræ constitutus, sunt æquinoctia, & dies nocti æquatur. Cum longissimè ab æquatore discesserit, & initium Cancris aut Capricorni attingit, Solstitium fit & Bruma. Aliam scio mentem (at

ab alia causa) Virtruvio, Plinio, Theoni Alexandrino, Censorino, & Columellæ: cum docent, æquinoctia fieri Sole percurrente octavum gradum Arietis & Libræ; solstitium & Brumam, cum octavum item gradum Cancræ aut Capricorni occupaverit. Hi enim solstitia definierunt retrocessione umbrarum gnomonum umbra autem non percipitur retroagi, ut Theon docet, antequam Sol octavum gradum Cancræ aut Capricorni attigerit. Hinc etiam æquinoctia octavis gradibus Libræ & Arietis tribuerunt,

Spatio, quo Sol Zodiacum percurrit, Annus definitur, est autem illud dierum 365 cum quadrante, paulo minus. Accuratum enim hujus periodi tempus qui quærunt, frustra quærant. Inæquali enim tempore absolvitur. Magna de hoc tempore controversia inter antiquiores, nondum apud recentiores definita. Philolaus Pythagoræus statuit dierum 365. Reliqui omnes huic tempori aliquid adjecerunt. Harpalus definivit diebus 365 & dimidio. Democritus 365 cum quadrante & centesima sexagesima quarta parte. Oenopides diebus 365. horis 9. fere. Meton Atticus statuit anni quantitatem dierum 365 hor. 6 m. 19. fere. Post hunc Calippus ad dies 365 & quadrantem reduxit, quem secuti Aristarchus Samius & Archimedes Syracusanus. Ad eorum mentem Julius Cæsar descripsit annum civilem, edoctus (inquit Dion) ab Alexandrinis, adhibito (ut ferunt) in consilium Sosigene Peripatetico magni nominis Mathematico. At majorem justo anni quantitatem, hi omnes præscripserunt præter Philolaum, qui defectu aberravit. Minorem enim diebus 395 & quadrante, evincunt, accuratiores omnes omnium temporum & artificum observationes. At quantum hoc spatium excedat justam anni quantitatem, non est adeo facile explicatu. Hipparchus cumque secutus Ptolemæus voluerunt eximendam trecentessimam partem diei, ut non recte monuerit Jacobus Christmannus, annum Tropicum ex Hipparchi & Ptolemæi sententia constare diebus 365. & trecentesima parte. Statuunt enim ii minorem diebus 365. cum quadrante, diei unius trecentesima

ima parte, ut patet 2. cap. lib. 3. Almag. Ptolemæi, & ipse Christmannus alibi rectè advertit. Hanc anni quantitatem iustam, perpetuam & immutabilem voluit Ptolemæus. Neque Hipparchi de inæquali periodi solaris restitutione observata, contrarium persuadere poterant. At eorum qui secuti sunt observationes, cum Hipparchi & Ptolemæi observatis collatæ, contrarium probant. Albategnius adimit sexcentessimam partem diei. Indi & Iudæi partem centesimam vigesimam: Persæ centesimam decimam quintam; ad quorum mentem Meissalah & Albumasar conscripserunt tabulas mediæ motus Solis, Azaphius, Avarius & Arzachel dixerunt excessum hunc esse centesimæ tricesimæ lectæ partis diei. Alfonsus eximit centesimam vicesimam secundam partem diei. Alij centesimam vicesimam octavam: Alij centesimam tricesimam demunt. Qui nuper Calendarium Romanum restituerunt, centesimam tricesimam tertiam partem fere eximendam voluerunt, quadringentis annis tres dies integros accrescere arbitrati. Copernicus centesimam decimam quintam partem diei huic temporis deesseprehendit. Rectè igitur Censorinus ait, annum completu dies 465, & portionem nescio quâ Astrologis adhuc inexploratâ.

Ex ijs Dion erroris planè ridiculi convincitur; qui in annis MCCCXXI. Julianis arbitratur diem integrum deficere ad iustam anni quantitatem, quem intercalandum vult, ut annus civilis Iulianus accurate cõgruat Solaribus revolutionibus. Gravius etiam aberrat Galenus, magnus ille Medicorum princeps, qui arbitratur annum esse dierum 365 eum quadrante, & præterea partis cuiusdam propemodum centesimæ, unde in singulis annis centesimis sequeretur nova intercalatio integræ diei.

Æquinoc. & solstit. mutatio.

Quoniam autem annus Iulianus (qui à Iulio Cæsare institutus, & post ejus tempora receptus, hodie est in usu) aliquanto majorem iusto quantitatem obtinet, hinc fit, ut æquinoclia & solstitia antiquas in Calendario sedes anteverterint. Annis circiter 432. ante incarnationem Christi, æ-

quinoctium vernali à Metone & Euctemone observatum, in viii. Kal. Aprilis vel xxv. Martij, secundum computum anni Iuliani, hæsisseprehenditur. Anno cXLvi. ante incarnationem, ex Hipparchi observatis ad xxiv. ejusdem mensis vel ix. Kal. referendum esse constat. Hinc patet Sosigenis (ut ait magni Mathematici) error, qui c. amplius post Hipparchum annis, in ordinatione Calendarij Iuliani idem æquinoctium statuit in xxv. Mart. vel viii. Kal. April. quem locum propemodum cccc. annis ante ejus tempora occupare debuisset. Atque hic error Sosigenis ad posterios etiam dimanavit, unde Galeni tempore (cc. paulo minus post Casarem annis) æquinoctia circa xxiv. dies mensium Romanorum (Martij & Septembris, insigniri solita, autor est Theodorus Gaza. Anno incarnationis Christi factum est x. Kal. sive xxi. Martij. Annis cxl. post incarnationem, Proleptius observavit xi. Kal. Tempore Concilij Nicæni circa annum Christi cccxxvii. hæsit in die xxi. Martij, vel xii. Kal. April. Octingentesimo tricesimo primo post incarnationem anno, Thebit Benchorah observavit æquinoctium vernali die xvi. Martij. Alfragani ætate hæsit in xvi. Martij. Arzachel Hispanus millesimo nonagesimo anno observavit Id. Mar. sive die xv. ejusdem mensis. Anno mcccxvi observatum est die Martij xii. Nostra ætate ad xi. & x. ejusdem mensis devenit. Ita ut annis circiter mille viginti duobus, non minus diebus xiv. antiquas sedes anteverterint. Tempus item solstitij à Metone & Euctemone observati annis circiter 388. ante natale n. Domini congruit xxvi. Junij, ut docent Josephus Scaliger & Jacobus Christmannus. At nostris temporibus in xi. ejusdem mensisprehenditur.

Coluri Solstitiorum & æquinoctiorum.

Eclipticam & Equatorem transversim secant duo circuli, majores item, qui Coluri vocantur. Uterque per mundi polos transit & æquatorem recte secat. Alter per utriusq; intersectionis puncta transit, & vocatur Colurus æquinoctiorum: Alter per puncta maximæ distantia, & Colurus solstitiorum nominatur. Vtrumq; Colurum, ut & æquinoctiorum puncta, ab anti-

quis quas in cœlo tenuerunt sedibus discessisse, qui motus celestes diligentius speculati sunt, facile aduerterunt, siue stellæ fixæ progressæ sint in antecedentia secundum signorum ordinem, ut Ptolemæo placuit, vel puncta æquinoctiorum & solstitiorum retrocesserint in consequentia contra ordinem signorum Zodiaci, ut voluit Copernicus. Prima Arietis stellæ, quæ Metonis Attici tempore in ipsa interfectione vernali fuit, Thaletis Milesij tepore eandem interfectionem duobus gradibus antecessit. Timocharis ætate 2. gr. 24 m. sequebatur. Hipparchi ævo 4. gr. 49 m. Albumasaris 17. gr. 50. m. Albateni 18. gr. 10. m. Arzachelis 19. gr. 37. m. Alfonsi 23. gr. 48. m. Copernici & Rhatici 27. gr. 21. m. Hinc Francisci Barocij error deprehenditur, qui voluit primam Arietis stellam tempore natalis Christi in interfectione verna habuisse: præsertim verò quod ex Ptolemæi observatis illud contendit; è quibus non minus quinque gradibus secutam esse comprobatur. Eodem modo & solstitiorum sedes mutata sunt, quia aquali semper spatio ab æquinoctiorum punctis distant. Hanc motionem fieri super polis eclipticæ Ptolemæus, ante eum Hipparchus, & ij omnes qui secuti sunt, fatentur. Quæ de causa stellarum fixarum latitudo eadem semper manet, declinationes autem mutantur. Multa huius rei testimonia petantur ex c. 3. l. 7. Alm. Ptolemæi. Vnicum cæteris magis insigne proferam ex 7. c. 1. i. Geograph. Ptolem. Stellam quam vocamus Polarem, in extremitate caudæ ursæ minoris, nostra ætate vix tribus gradibus à polo remotam certissimum est: hæc tamen Hipparchi tempore xii. amplius gradibus distantem Marinus apud Ptolemæum docet. Ipe grum locum profero. *In Zona torrida Zodiacus totus super ipsam fertur, quare utrinque projiciuntur umbra, ac æterna astra oriuntur. & occidunt. Sola Ursæ minor tota supra terram apparere incipit in locis Ocei Boreahoribus. 500 stadys. Parallelus enim per Ocelem grad. 11. & duabus quintis ab æquatore distat. Ab Hipparcho autem traditur minoris in se stellam Australissimam, in ipsa cauda extremam, à polo distare gradibus 12. & duabus quintis. Pulcherrimum hunc locum interpretes malè vertendo turpissimè*

deformarunt (quod post Ioannem Wernerum advertit etiam P. Nonius) pro quingentis stadiis *quinque mille*, pro *Australissimam* reponentes *Borealissimam*: decepti fortassis, quod nostro ævo borealissima sit. Si Marini & Ptolemæi fidem in hac re suspectam habeant, Strabo 2. l. Geogr. liberabit eos hoc crimine. Sic autem scribit. *Aut ergo Hipparchus, eos qui in Cinnamomifera parallelo habitant (qui à Meroë versus Austrum abest 3000 stadys, rursumque ab hoc æquinoctialis 8800) proxime omnino abesse à summo inter æquatorem & æstivum tropicum, qui per Syenem transit (quæ à Meroë abest 5000. stadys) apud hos autem primos usque minorem totam arctico circulo includi, nunquamque occidere, nam stellam in extrema cauda lucidam (quæ maxime versus Austrum vergit) in ipso circulo ita collocari, ut horizontem tangat.* Hæc Strabo, eadem plane mente, qua Ptolemæus & Marinus, nisi quod ex Eratosthenis sententia tum hic tum alibi semper 700. stadia uni gradui in terra tribuit, cum Marinus & Ptolemæus 500. solum stadia congruere faciant, de qua re postea agemus.

Sequuntur circuli minores in Globis delineati. Hi omnes æquatori sunt paralleli. Primo Tropici, qui per puncta maximæ declinationis eclipticæ ab utraq; parte æquatoris ducuntur. Qui ad Boream vergit, Tropicus Cancræ; qui ad Austrum, Capricorni dicitur. Sol enim annuo motu eclipticam percurrentes, cum ad terminum maximæ ab æquatore distantia pervenerit, retrocedit æquatorem versus. Hunc retrocessum *τροπή* Græci vocant, & parallelos circulos per initia retrocessionis ductos, Tropicos nominant. Hanc etiam Tropi corum ab æquatore distantiam variè immutatam esse, ex collatis veterum & recentiorum observatis facile constat. Ut enim mittamus Strabonem, Proclum, & Leontium mechanicum, qui distantiam alterutrius Tropici ab æquatore graduum 24. posuerunt (neque enim satis accurate tractasse videtur) ex accuratioribus maximorum artificum observatis hoc ipsum licebit deprehendere. Ptolemæus enim alterutrius Tropici ab æquatore distantiam 23. gr. 5 r. & tertia partem invenit, quantam ante eum Eratosthenes & Hipparchus, ideoque immu-

immutabilem existimavit. Machometes Aretensis distantiam hanc observavit 23. gr. 35. m. quantam ante eum Almanion Arabum Rex. Arzahel Hispanus 23. gr. 34. m. Almehon filius Albumafaris 23. gr. 33. cum dimidio m. Prophatius Iudæus 23. gr. 32. m. Purbachius & Regiomôtanus 23. gr. 28. m. Ioannes Wernerus 23. gr. 28. cum dimidio m. Copernicus 23. gr. cum dimidio m. deprehendit.

Circuli Arct. & Antarct.

Tantâ ab utroq; polo distantia quanta est Tropicorum ab æquatore, ducuntur duo circuli minores, qui à polis ad quos accedunt sumpserunt nomina; ut alter dicatur circulus Arcticus, vel Borealis; oppositus autem, Antarticus, vel Austrinus. In his circulis poli ellipticæ siti sunt, ubi Colurus solstitiorum eos intersectat. Strabo, Proclus, Cleomedes Græci, & quidam Latinarum certam aliquam distantiam hisce circulis à polis non attribuunt; varios faciunt & mutabiles pro diversa poli elevatione, sive inclinatione sphaeræ: ut alter describi concipiatur intervallo poli manifesti ab horizonte; & erit maximus parallelorum semper apparentium; alter æquali ab infero polo distantia; & est maximus semper latentium.

Circuli verticales.

Præter hos circulos in Globis expressos, in familiari usu sunt rerum cœlestium observatoribus, circuli quos vocant Verticales. Hi majores sunt circuli, quot libuerit, à vertice ad horizontem ducti. Arabes circulos Azimuth vocant, quo etiam nomine ut plurimum vulgò appellantur. Horum officium in Globorû usu præstabit quadrans circuli ænei in 90. partes divisus. Hunc vertici cujusq; loci, cùm postulât usus, oportet adjungere, ut terminus 90. à vertice graduum horizontem ubique attingat. Hic mobilis factus est, ut vertici cujusque loci affigi queat. Vocant quadrantem altitudinis.

CAPVT. III.

De sphaera. parallelâ, rectâ & obliquâ.

PRO varia habitudine æquatoris ad horizontem (vel enim parallelus est, vel secatur, idque vel ad angulos rectos vel obliquos) triplicem sphaeræ vel globi situm nobis tradiderunt. Primus est eorum, quorum verticibus polus alteruter immittitur, his enim æquator & horizon paralleli sunt, vel potius eundem circulum constituunt. Secundus est eorum, quorum zenith est sub æquatore. Tertius omnibus præterea locis congruit. Primum situm liceat vocare sphaeræ Parallelam, secundum Rectam, tertium Obliquam. Prima & secunda positio simplex est, tertia multiplex & varia pro varia locorum latitudine. Harum omnium consequentes affectiones sic habent.

Sphaera Parallela, diurnâ revolutione neque orientes neque occidentes, nec altiores aut depressiores videt vel Solem, vel stellas. Præterea cum Sol annuo motu Zodiacum percurrat; quem æquator in duas æquas partes despescit; quarum altera ad Boream, altera ad Austrum vergit; sequitur ut Sol cum percurrat ea signa quæ polo verticali propiora sunt, nunquam sub horizonte demergatur, idcircoque perpetuum faciet diem artificialem dum ea pertransit; quod spatium est sex plus minus mensium. Contra cum signa à polo eminente remotiora peragrât, continuam faciet noctem per æquale plus minus spatium. Quo autem tempore Sol æquatorent attigerit diurna revolutione ita feretur, ut neque totus supra horizontem appareat, neque penitus occultetur, sed quasi dimidiatus apparebit, reliquus occultabitur.

Sphaeræ Rectæ hæc sunt affectiones. Sidera omnia oriuntur & occidunt æquali tempore; supra horizontem conspiciuntur, & infra horizontem demersa latent: artificiales dies perpetuò æquantur noctibus.

Sphaeræ Obliquæ hæc accidunt. Dies habent noctibus majores, minores, æquales. Cum Sol in punctis æquinoctialibus constituitur (quod bis in revolutione annua fieri diximus) dies noctibus æquantur. Cum ab æquatore versus polum eminentem accesserit, augentur dies, minuuntur noctes, quousque ipsum Tropicum attigerit, quo loco constitutus, longissimas dies, bre-

brevissimas noctes facit. Cùm ab æquatore ad polum latentem processerit, noctes facit majores diebus, usque dum pertingat Tropicum latetì polo viciniorem: ubi longissimas noctes, brevissimas dies efficit. Sidera quædam nunquam occidunt, quæ cõtinentur parallelo delineato distantia poli manifesti ab horizonte: alia nunquam oriuntur in æquali à polo occulto parallelo comprehensa. Hi paralleli sunt: quos (ut diximus) Græcè, ut etiam nonnulli Latinorum, vocant Circulum Arcticum & Antarcticum, alterum semper conspicuum, alterum semper latentem. Reliqua omnia sidera quæ hisce parallelis non continentur, suos habent ortus & vicissim occasus. Qui intra æquatorem & parallelum semper apparentem versantur, majori tempore superum, minori inferum hemisphærium pertranseunt. Contra, quæ parallelo semper latenti vicina sunt, majore tempore in infero horizonte versantur, minore in supero. Harum omnium affectionum hæc est causa. Sol in æquatore constitutus (ut & stella etiam si qua alia) diurnâ revolutione versatus, æquinoctialem describit circulum: extra æquatorem, parallelum majorem vel minorem, pro diversa quantitate declinationis Solis aut Stellæ ab æquatore. Hos omnes parallelos, cum ipso etiam æquatore, Horizon in Sphæra recta secat ad angulos rectos. Cùm enim mundi poli in horizonte constituti sint, vertex autem in æquatore, sequitur ut horizon æquatorem secet rectè, quia per polos transit, deinde quia æquatorem rectè secat, omnes etiam circulos æquatori parallelos secabit etiam rectè, ideoque singulos in binas æquas portiones dispescet. Æqua autem portione omnium parallelorum (ut & æquatoris etiam) eminente supra horizontem cum ea quæ demergitur, necessarium est, ut æquali tempore Sol & omnes stelle, diurnâ revolutione percurrant eam portionem quæ eminet, atque eam quæ latet. Ideo diès omnes æquantur noctibus, ideo sidera omnia duodecim horis in supero hemisphærio, totidem in infero permanent. At in obliquâ sphæra, quia alter polus ab horizonte elevatur, alter deprimitur, diversa omnia accidunt. Cùm enim horizon non transit per polos æqua-

æquatoris, parallelos simili cum æquatore ratione non secabit, sed eorum, qui polo conspicuo viciniōres sunt, majus segmentum eminet, minus demergitur. Ex ijs, qui polo latenti viciniōres, minor pars apparet, major delitescit, solus æquator bifecatur, ut pars conspicua æqualis sit latenti. Hinc fit, ut in omni obliquæ sphaeræ positione Sol, in æquatore constitutus, dies æquet noctibus. Cum manifesto polo accesserit, augentur dies, quia major arcus apparet. Cum versus polum latentem processerit, majores fiunt noctes, quia majus paralleli segmentum infra horizontem occultatur. Et quanto magis polus alteruter attollitur, tanto majores fiunt dies æstivales itemque noctes hyemales.

CAPVT IV.

De Zonis.

Quatuor Minores circuli æquatori paralleli universam terram in quinque tractus dividunt. Zonas Græci vocarunt. Atque hoc nomen obtinuit, ut apud Latinos etiam usurpetur. Sed & plagas etiam nominant. Græci interdum Zonæ nomen alienè à nostro instituto Planetarum orbibus attribuunt, ut Theon Alexandrinus in Cōmentarijs Aratais. ἔχει γὰρ ὁ οὐρανὸς 5. ζώνας ἐκ ἀντιμέσσης τῷ ζωδιακῷ. ὧν πρῶτη μὲν πρώτην ἔχει ὁ Κρόνος; τὴν δὲ δευτέραν ὁ Ζεὺς. i. e. Sunt autem in cælo Zonæ septem, Zodiaco neutiquam conterminæ, quarum primam Saturnus, secundam Iupiter obtinet, &c.

Quinque zonarum sive plagarum terræ tres intemperatas & inhabitabiles veteres Physici & Geographi existimarunt: alteram propter æstum Solis perpetuò incumbentem, quā Torridam ideo nominarunt (hanc Tropici utrinque terminari voluerunt): reliquas propter frigus, quia remotissimæ sunt à Solis radijs, incolæ non posse duxerunt: quarum altera Arctico, altera Antarctico circulo tota continetur. Duæ reliquæ Zonæ habitæ sunt temperatæ & habitabiles, altera ex his terminatur circulo Arctico & Tropico Boreo, altera Antarctico & Tropico Austrino. Hæc recepta apud veteres de numero & finibus Zo-

Zonartimopinio, naſta eſt inter antiquiores etiam ſuos oppugnatores.

Parnienides Zonam, quam vocant aduſtam, longè ultra utrumque Tropicum extulit, ut ſerè duplām fecerit ad eam quæ Tropicis definitur. Hunc reprehendit Poſidonius, quod amplius dimidio ejus ſpatij, quod æſtivo noſtro Tropico & æquatore continetur, habitari cognoverat. Ariſtoteles Zonam torridam Tropicis, temperatas Tropicis & circulis Arctico & Antarctico terminavit : quem Poſidonius etiam taxat, quod Arcticos circulos, quos varios & mutabiles fecerunt Græci, Zonarum terminos conſtituerit. Polybius ſex Zonas fecit: aduſtam, Tropicis definitam, in duas etiam dividens per Circulum Æquinoctialem. Alij Eratoſthenis autoritate moti, Zonam quandam anguſtam, temperatam & aptam habitationi, æquatori ſubjiciunt, quorum ſententiæ accedit Avicenna Arabs. Recentiores nonnulli, nescio qua ratione adducti (hi ſunt Nicolaus Lyranus, Thomas Aquinas, & Campanus) terreſtrem Paradifum celebratum principio Geneſeos, Æquatori ſubjicere non dubitarunt. Eratoſthenes & Polybius univerſam Zonam, quam alij Aduſtam duxerunt, temperatam eſſe voluerunt.

Poſidonius receptæ à veteribus Phyſicis opinioni refragatus eſt, quod Syenem ſub Æſtivo noſtro Tropico poſitam, & Æthiopiam Syene interiorem, habitatam cognoverat, quorum verticibus Sol diutiùs immoratur, quam eorum qui Æquatori ſubjiciuntur. Inde concludit, loca Æquatori ſubjecta non eſſe inculta, quia quæ ſub Tropico, non ſunt incolis vacua. Ptolemæus c. 6. l. 2. Almag. conjecturam potius quam veram hiftoriam exiſtimat, quæ de habitationibus Æquatori ſubjectis referuntur. At in Geograph. l. 5. c. ultimo, deſcripſit nobis longe ultra Æquinoctialem, Agilymbam Æthiopum regionem (hanc regionem novi recentiores quosdam, ſed contra Ptolemæi fidem, Borealiorem facere Æquatorè.) Hæc Ptolemæi incoſtantia præbuit quibusdam occaſionem ſuſpicandi, non eſſe utrumque hoc opus ejusdem Ptolemæi.

Vana hæc esse figmenta, quæ de Zonis intemperatis veteres excogitarunt, si non persuadeant Eratosthenis & Polybij autoritas, neque Posidonij ratio: at hodiernæ Lusitanorum & nostratium navigationes evincunt, nō solum Zonam, quæ torrida antiquioribus dicta est, incolis repletam esse, sed & intra circulum Arcticum, longè ultra septuagesimum ab Æquatore gradum, omnia esse habitata: ut nullus amplius nostra ætate dubitationi locus sit relictus, nisi forte quispiam malit, cum sacra & veneranda antiquitate etiamnum errare, quam cum recenti experientia utrunq; testata & comprobata benè sentire.

CAPVT. V.

*De Amphiscijs, Heteroscijs &
Periscijs.*

HArum Zonarum incolas, ex diversa umbrarum ratione, in Amphiscios, Heteroscios & Periscios diviserunt. Qui inter duos Tropicos habitant, Amphiscij dicuntur, quod eorum umbræ meridianæ, nunc in Austrum (cùm Sol eorum verticibus Borealior) nunc in Septentrionem (cùm Sol verticibus Australior extiterit) projiciantur.

Qui inter Tropicos & circulum Arcticum degunt, Heteroscij nominantur: quod umbræ meridianæ vel in Austrum vel Septentrionem solum projiciantur. Sol enim ad Septentrionem æstivi nostri Tropici nunquam accedit, neque ad Austrum Tropici hyemalis unquam progreditur. Itaque qui sunt Borealiores Tropico Æstivo, umbras semper mittunt in Septentrionem: qui Australiores Tropico hyemali, umbras meridianas in Austrum jaculantur.

Qui intra circulos Arcticum vel Antarcticum versus polos incolunt, Periscij vocantur, quia gnomones projiciant umbras in orbem: quoniam Sol totâ diurnâ revolutione supra horizontem fertur.

De Pericæcis, Antæcis & Antipodibus.

Temperatarum Zonarum incolas, ex comparatione ejusdem Meridiani & paralleli ejusdem aut equalis ad diversas æquatoris partes, antiquiores Geographi ita diviserunt, ut cuilibet habitationi in his plagis tres alias diversas adjecerint, earumq; incolas, Pericæcos, Antæcos & Antipodes vocarunt.

Pericæci degunt sub eodem Meridiano, temque parallelo, æqualiter ab Æquatore (sed ab oppositis ejus punctis) discreti.

Antæci eundem Meridianum & æqualem parallelum, ab eodem Æquinoctialis puncto in diversas partes æqualiter disiti, incolunt.

Antipodes (qui & Antichthones) sunt, qui sub eodem Meridiano æquali parallelo, in oppositas ejus punctis æqualiter disiti, habitant, vel qui incolunt terræ partes è diametro oppositas.

Sunt itaq; nostri Pericæci Antipodibus nostris Antæci, nostri Antæci Antipodibus nostris Pericæci: nostri Pericæci Antæcis nostris sunt Antipodes.

Nobis cum nostris Pericæcis multa sunt communia. Eandem temperatam incolimus. Hyemem, æstatem, incrementa dierum & noctium, eadem eodemque tempore habemus. Diversum hoc, quod quo tempore nobis media dies illuceat, Pericæcis intempesta nox adest, qui hoc etiam discriminis posuerunt, quòd cum nobis Sol oritur, nostris Pericæcis occidit, & è contrario; errores nobis suos conscripserunt. Ita enim fieret, ut cum dies nobis est longissimus, ijs esset brevissimus, quod à veritate alienissimum. Eundem etiam de Antæcis errorem cômiserunt, cum eundem nobis & illis ortum & occasum Solis faciunt. Erroris causa fortassis: quòd eundem horizontem nobis & Antæcis statuerunt, itemq; Pericæcis: nisi quòd nos superum, illi inferum hemisphærium incolimus. Lapsus vel me-

diocriter in Astronomia exercitato indignissimus. Nobis & Antœcis hoc commune, quod media dies simul utrisque, itemque nox. Diversa hæc. Tempestates anni permutantur. Nostra æstas ipsorum hyems, noster dies longissimus ipsorum est brevissimus. Diversas Zonas temperatas incolimus. Nobis & Antipodibus omnia sunt contraria: dies, noctes, eorumque initia & fines, & anni etiam tempestates. Nam quo tempore Sol nobis æstatem & diem maximum largitur, ipsis hyemem & noctes maximas, nobis cum oritur, illis occidit, & è converso. Nos enim superum, illi inferum ejusdem horizontis hemisphærij, incolimus.

CAPVT VII.

De Climatibus & Parallelis.

PRO diversa maximorum dierum quantitate, Geographi totum terrarum orbem ab Æquatore utrinque ad Polos diviserunt in Climata & Parallelas. Clima vocant terræ spatium comprehensum inter duo quævis loca, quorum dies longissimi semisse unius horæ differunt ab invicem. Parallelum dicunt spatium, quo dies maximi quarta horæ parte se excedunt; ita ut quodvis Clima duos parallelas cõplectatur. Sunt autem Climata, ut Paralleli, spatio inæqualia. Primum enim Clima (itemque parallelus) majus est secundo, secundum tertio. In hoc conveniunt, quod æquales obtinent maximorum dierum differētiās. Antiquiores numerabant Climata septem, alij duo adjecerunt: ut hinc paralleli oriantur quatuordecim, illinc octodecim. Ptolemæus per quadrantes horarum Parallelas numerat viginti quatuor: per integras horas, quatuor: per totos menses, sex. unde præter Æquatorem ab utraque parte triginta octo paralleli exsurgunt.

In meridiano materiali horum Globorum novem signata sunt Climata, ad horarum semisses ad invicem distantia. Deinde notata sunt ulterius discrimina dierum per integras horas, postea

postea ad usque Boreum polum per totos menses, ad suam quæque latitudinem expressa.

Singulorum Climatum & Parallelorum latitudines ab Æquatore, distantias abinvicem, & maximorum dierum longitudes, sequens sub hoc signo tabula indicabit.

S E C V N D A P A R S.

C A P V T I.

*De ijs qua propria sunt Cælesti Globo,
ac primo de Planetis:*



M A C T E N V S, quæ utriusque Globi sunt communia. Sequuntur quæ cuique sunt peculiaria & propria, ac primò, quæ cælesti: ut sunt stellæ in suos Asterismos atque constellationes efformatæ.

Stellarum autem in cælo lucentium duo genera deprehenderunt, qui primi rerum cælestium motus attente observarunt. Primum est Planetarum, secundum stellarum Fixarum. Planetas sive errantes ideo vocarunt, quia nec ad invicem, nec ad eas quæ fixæ nominantur, eundem situm vel positionem semper obtinent. Fixas autem eundem inter se situm semper tenere, Ptolemæus, collatis suis observationibus cum ijs quæ ab Hipparcho tradita sunt, multis exemplis comprobavit. c. 1. l. 7. Almag.

Planetas præter duo Luminaria (Solem inquam & Lunam) quinque numerant. Hi præter motum diurnum, quo ab ortu ad occasum feruntur, secuti raptum primi mobilis; liberum habent & proprium quisque motum quo contra ab occasu ad ortum, secundum successionem signorum, super polis Zodiaci feruntur, quem suo quisque modo & tempore absolvit. Eorum ordo motuumque periodus sic habet.

Saturnus, Κρόνος & Φαίνων (Iulius Higinus stellam Solis vocat) omnium Planetarum supremus, maximo ambit circulo non tamen (ut inde coniecit Plinius) idè minimus videtur. Periodum absolvit 29. ann. 5. mens. 15. dieb. ut Alfragano placet.

Iupiter, Ζεύς & Φαίδων; Zodiacum percurrit an. 11. men. 10. dieb. 16. fere.

Mars Ἄρης & Πυροεὶς (quod & Herculis sidus quidam vocāt) duobus annis conficit suum cursum.

Sol ἥλιος uno anno, hoc est diebus 365 & quarta parte paulo minus, suam facit conversionem.

Venus, Ἀφροδίτη; quam alij Iunonis, alij Isis, alij matris Deūm nomine appellavêre; cū præcedit Solem, præveniens & ante matutinum exoriens, Φῶσφορ Lucifer nominatur, ut alter Sol diem maturans: cū subsequitur, ab occasu refulgēs, & prorogans Lucem, vicem Lunæ reddens, Ἑσπερ Vesper nuncupatur. Quam ejus naturam Pythagoras Samius primusprehendit, Olympiade circiter xxxi. eodem attestante Plinio lib. 2. cap. 8. Peragit autem cursum suum, annuo item; ut proximè, spatio. Neque, ut Timæo placuit, unquam recedit à Sole amplius 46 grad. Recentiores multo liberaliores, duobus signis vel 60. gradibus nunquam à Sole discedere affirmant.

Mercurius Ἑρμῆς & Στίλβων; à quibusdam Apollinis Sidus appellatum, anno etiam uno signiferum lustrat: & ut Timæo & Sosigeni placet, nunquam remotior à Sole 25. grad. ut recentioribus videtur, non amplius unius signi intervallo sive partibus 30. absistit à Sole.

Luna Σελήνη; infima Planetarum, suam periodum absolvit diebus 27. hor. 8. paulo minus. Hujus varias φάσεις & figuras, (quod interdum curvata in cornua, modò æquâ portione divisa, modò sinuata in orbem, aliàs pleno orbe conspicitur, aliàs prorsus nulla) & cæteras hujus Sideris diversitates, primus (inquit Plinius)prehendit Endymion, ideoque Lunæ amote captus famâ traditur.

Feruntur Planetæ omnes orbibus ad terram eccentricis, hoc est,

Est, quorum centra à terræ centro diversa sunt. Horum orbium semidiametri ad semidimetientem terræ comparati, habent rationem.

Qualium semidiameter terræ est 1. taliū semidiameter orbis.	{	Lunæ.	48. 56. m.
		Mercurij.	116. 3. m.
		Veneris.	641. 45. m.
		Solis.	1165. 23. m.
		Martis.	5032. 4. m.
		Iovis.	11611. 31. m.
		Saturni.	17225. 16. m.

Eccentricitates orbium comparatz ad ipsos orbes, sic habent.

Qualium semidiameter deferētis est 60 talium eccentricitas.	{	Lunæ.	12. 28. m. 30. sec.
		Mercurij.	2. 0. m.
		Veneris.	1. 8. m.
		Solis.	2. 16. m. 6. sec.
		Martis.	6. 0. m.
		Iovis.	2. 45. m.
(Maurol. ex Alphon.)		Saturni.	3. 25. m.

Eccentricitates quorundam Planetarum (præcipuè Solis) à Ptolemæi ætate imminutas decrevisse deprehensum est. Eccentricitatē Lunæ Ptolemæus 12. grad. 30. m. definivit. Alphonf. 12. gr. 28. & dimid. m. Veneri Ptolemæus tribuit eccentricitatis 1. grad. 15. m. Alphon. 1. gr. 8. m. Eccentricitatem Solis Ptolemæus ex suis & Hipparchi etiam observatis deprehendit 2. gr. 30. m. Alphon. 2. gr. 16. & decima parte m. Anno 1312. deprehensa est 2. gr. 2. m. 18. sec. Copernicus invenit ulterius etiam imminutam 1. gr. 56. m. 11. sec. Vt immeritò hac de causa Copernici scripta spongijs, vel autorem scuticis dignum censeat illustrissimus Iulius Scaliger, iniquior quàm par est in Copernicum.

Hactenus de Planetis. Fusius tractantur à Ptolemæo, Copernico, & ijs qui Planetarum Theorias conscripserunt. Prolixior eorum tractatio aliena à nostro instituto: cum in Globis propter erraticum & vagantem eorum motum depingi nò possint. Hæc obiter dicta sint.

De Stellis fixis & earum efformationibus.

Sequuntur stellæ Fixæ suis Asterisnisi expressæ, sive formis & constellationibus, si malis. Plinius Signa & Sidera vocat. De numero harum constellationum, figurâ item & nominib⁹, stellarum etiam numero, quæ cuique tribuuntur, dissentiunt autores. Plinius numerum 72. Signorum agnoscit lib. 2. cap. 41. Ptolemæus, Alfraganus & qui secuti (ut plurimum) cōstellationes 48. enumerant. Alij unum & alterum adjiciunt: Cincinnum sive Crinem Berenices, & Antinoum. Germanicus Cæsar & Festus Avienus Rufus, Aratum secuti, pauciores faciunt. Iulius Higinus 42 statuit: Serpentem cum Ophiucho conjungit: Præcisionem equi vel Equiculum prætermittit: Libram Signis nō annumerat: Scorpionem in duo dividit: quod præterea multi faciunt: Corvum, Feram & Coronam Australem, suis constellationibus non annumerat; obiter solum meminit. Taurum, quem Ptolemæus, ante eum Hipparchus & plerique secuti diuidiâ parte conspicuum fecerunt: Virtuvius, Plinius & ante hos Nicander (ut Theoni placet Arati Scholiasti) integrum faciunt, & Pleiades in ejus cauda statuunt. De numero stellarum quæ cuique Imagini tribuuntur, plurimum à Ptolemæo dissentiunt Iul. Higinus, Commentator Germanici, (sive is Bassus sit, ut Philander vocat, sive ab ipso Germanico conscripta sint ea Commentaria, ut è Lactantio alij volunt) quandoque Theon in Commentarijs Aratais, semel & iterum Alfraganus. Si causam, cur his nominibus, Constellationes insigniantur, aliam quaris, præter hanc quod stellarum positio has formas quodammodo exprimit, legas Bassum & Iulium Higinum, abundè è Græcorum fabulis de hoc argumento, disputantes. Hipparchum primum nomina, magnitudines & loca stellarû posteris tradidisse, Plinius sua fide refert. Sed ipsæ ante Hipparchum nominibus, Timochares, Aratus, Eudoxus,

doxus, usi sunt. Neque enim Hipparchus Arato antiquior, ut Theon voluit. Alter floruit anno eccexx ab initio Olympiadum, ut palam est ex ejus vita à Græco scriptore tradita. Hipparchus autem vixit post annum DC. à principio Olymp. ut ejus observationes à Ptolemæo traditæ testari poterunt, præterquam quòd Hipparchi nomine extant Commentaria quædam in Eudoxi & Arati Phænomena, nisi hæc Commentaria ab Eratosthene (ut alijs videtur) conscripta sunt, qui Hipparchi tempora antecessit.

Stellas Fixas effectu insignes 1600 annumerari dixit Plin. lib. 2. cap. 41. quorum autoritate & fide suffultus, nondum cognoscere potui: cum Ptolemæus 1022. in univ. posuerit, annumeratis etiam ijs, quæ sporades, vagæ & informes nominantur. Quas pro splendoris magnitudine & claritate in sex ordines distribuit: ut sint primæ magnitudinis xv secundæ xlv, tertiæ ccviii. quartæ cccclxxiv. quintæ ccxvii. sextæ xlix. quibus obscuras ix. & nebulosas v. addere oportet. Has omnes suis quasque imaginibus expressas & magnitudinibus, adjectis etiam nominibus, quibus à Græcis & Latinis appellantur, (nonnullis etiam, quibus Arabes utuntur nominibus, apposis) in Globo cœlesti depictas videas.

Has omnes constellationes (adjectis appellationibus Arabicis, partim ex Alfragano, partim ex Scalig. comment. in Manil. & Grotij notis ad Arati Imagines, præcipuè ut Iacobus Christmannus ex Epitome Arabica Almagesti Ptolemæi nobis tradidit) suo ordine enumerabimus. Qui autem fusiores tractatum desiderat, consulat 7. & 8. l. Almag. Ptolé. Copernici Revolutiones cœlestes, & Erasmi Reinoldi Tabulas Prutenicas: ubi singulæ Stellæ numerantur, suâ cuique longitudine, latitudine & magnitudine adjecta. Sed hoc observandum est, quod Copernicus & Erasmus Reinoldus longitudes stellarum numerant à prima stella Arietis, Ptolemæus ab ipsa intersectione æquatoris & eclipticæ. Neque enim rectè monet Victorinus Strigelius, Ptolemæum numerare stellarum fixarum longitudes à prima etiam Arietis stella.

Hemisphærii Borealis constellationes.

VRsa minor. Arabibus *Dub Alasgar*, hoc est, Vrsa minor, & *Alrucaba* quod plaustrum significat: hoc tamen nomen tributum est extremæ illi in cauda, quæ nostris temporibus stella nominatur Polaris, utpote quia polo vicinissima. Duæ sequentes in cauda, Græcis *χορευται* quasi ludentes. Duas lucidiores in anteriori corporis parte *Alferkathan*. Arabes vocare docet Alfraganus. Stellas numerat vii. & una est prope hanc informis. *Thales* constellationem hanc primus reperit, & canem vocavit, ut docet Theon Arati Scholiastes.

2. Vrsa major *Dub Alacher*. quæ in dorso prima est, numero autem 16^a. Vocatur κατ' ἐξοχὴν *Dub*. & quæ in ilibus, numero 17 *Miraë*, potius ut Scaligero placet *Mizar*, quod significat locum præcinctionis, prima in cauda, 2^a numero, Alphonfinis *Aliore*, Scal. *Aliath*. Hunc Asterismum Nauplium invenisse Theon asserit. Stellas habet 27. Theoni 24. Vtranque Vrsam, ut testatur Aratus, Græci *ἄμαξαν* hoc est currum vocarunt. At propriè 7. lucidiores ursæ majoris, quæ currus figuram gerunt, *ἄμαξα* dicitur. Has Arabes *Beneth As* vocant, h. e. filias feretri, ut Christmann. docet: corruptè legunt *Benenas*, & ad extremâ caudæ retulerunt: alij autem legunt *Benethasch*, quod filium ursæ significare volunt. Majorem ursam in navigationibus Græci observarunt, unde ἐλικωπας vocavit Homerus, ut Theoni videtur, ursam enim majorem ἐλικὴν Græci dixerunt: minorem Phœnices secuti sunt, ut testatur Aratus.

3. Draco, Arabes *Atanin* vocant, & frequentius *Aben*. Scal. legit *Taben*. unde quintam numero, quæ est in capite, vocat *Rastaben* quæ vulgo dicitur *Rasaben*. Huic annumerantur stellæ 31.

4. Cepheus *Alredaf*. Huic præter duas informes prope Tiarâ, stellas tribuerunt xi. quarum quæ numero est 4^a. dicitur *Aldera*.

Alderaimin. hoc dextrum brachium significat, vocatur etiam hæc constellatio Arabibus *Phicares*, & Flamminigerum interpretantur, fortè à Græco *πυγμαίων* deductum.

5. Bootes, *Βούτης*. Bubulcus, sed Arabes, quasi scriptum esset *Βουτης*, quod est clamator, vocarunt *Alhava* hoc est vociferator & *Alsamech alramech*, hoc est, deferens lanceam. Huius inter crura micat stella informis primæ magnitudinis, Græcis itemque Latinis Arcturus, Arabib. *Alramech*, vel stella lucidissima *Somech haromach*. A Theone in medio Zonæ vel cinguli locatur. Stellis 22. constat hæc Imago.

6. Corona Borea. Arabes vocant *Acilafchemali*. Lucida, quæ est, quâ parte corona est solubilis, & est numero 1^a. dicitur *Alphecca* id solutionem significat. dicitur & *Munir*. id omnibus lucidis stellis commune. Stellæ habet 8.

7. Hercules *Alcheti hale rechabateh*, hoc est, procidens in genu suum, & simpliciter *Alcheti*: est enim laboranti & defatigato similis (ut vult Aratus inde latinis Nifus vel Nixus (quod apud Vitruvium in Nesses malè transformatum) & Græcis *ἐν γόνασι* quod est ingeniculatus. Hujus numero 1^a. quæ est in capite, dicitur *Rasalchri*, malè Alfonso *Rasaben*. Quæ 4^a. est, dicitur *Marsic*, rectius *Marsic* quod est reclinatorium, pars Brachij qua innitimur, 8^a. numero, quæ est ultima trium in lacerato, dicitur *Mazim* vel à fortitudine *Maasim*. Stellæ habet 8. præter eam, quæ in extremitate pedis dextri, cõmunis Bootæ & unam informem ad dextrum brachium.

8. Lyra *Schalaf* & *Alvakah*, hoc est, cadens scil. vultur, constat Stellis 10. Hippar. & Ptolémæo. Timochares 8. tribuit, ut Theon asserit. Alfraganus 11. Hujus lucida, numero prima, Alfonso *Vega* dicitur.

9. Gallina, Cygnus, Aldigaga & Altayr, hoc est, volans sc. vultur, huic dederunt, præter informes duas prope alam sinistram, stellæ 17. quarum 5^a. vocatur *Deneb adigege*. i. cauda gallinæ, & peculiari nomine *Arided*, quod interpretantur quasi redolens lilium.

10. Cassiopeia *Dhath Alkursi*, hoc est, domina fellæ, stellæ

numerat 13. quarum 2^a. Alfonso Scheder, Scal. Seder, quod pectus significat.

11. Perseus *Chamil Res Algol* hoc est, deferens caput Algol vel Medusæ, quæ enim in summa sinistra manu spectatur, dicitur Arabib. *Ras Algol*; Hæbreis *Rosch hassatan*, quod est caput Diaboli. Huic præter tres informes attribuunt stellas 26. quæ autem 7^a. est numero, Alfonso *Alchimb*, pro *Alchenib*, vel *Algenib*, ut Scal. vult, quod latus significat.

12. Auriga id est *Roha* & vocatur *Memassib Alhanam*, hoc est, retinens habenas. Stellas habet 14. quæ autem in sinistro humero præluet, numero 3^a. A^l Capra, Arabib. *Alhajok*, Sca. ligero *Alatod*, quod hircum significat, dux verò quæ in manu sinistra 8^a. & 9^a. *iephoi* hædi, Alfon. *Suclateni*; Scal. *Sadateni*, hoc est, brachium sequens. hos primus inter sidera ostendit Cleostratus Tenedius, ut Higino placet.

13. Aquila *Albhakkab*, recentiores vulturem volentem vocant sive *Altayr*, sed contra mentem Alfragani, qui Cygno ut diximus hoc nomen attribuit. Huic stellas 9. annumerant, præter 6. informes, quas in Antinoi amasij sui memoriam Hadrianus imperator Antinoi nomine insigniri voluit.

14. Delphinus *Aldephin* stellas numerat 10.

15. Telum, Sagitta, *Alsham*, dicitur etiam *Isthusc*, quod à Græco *ἰσθός* formari existimat Grotius Stellas habet 5.

16. Serpentarius *Alhava* & *Hafalangue*. Stellas habet 24 & 5. informes. 1^a. autem dicitur *Raslangue*.

17. Serpens *Alhafa*, constat stellis 18.

Equiculus, *Kataat Alfaras* hoc est, *καταὰ τὸν ἵππον*, Equi sectio, obscuris quatuor stellis constat.

19. Pegasus *Alfaras alathem*, hoc est, equus major, stellas habet 10. Hujus dexter humerus *Almeukeb*, atque eadem numero 3^a. dicitur *Seas Alfaras* brachium equi: quæ autem in ictu,

17^a. numero vocatur, *Enif Alfaras* hoc est, nasus equi.

20. Andromeda *Almara Almafulsela*, hoc est, fœmina catenata. Alfraganus vocat fœminam quæ non est experta virum. Stellas numerat 23 quæ est 12^a. & in perizomate, vulgo *Mirach* Scal.

Scal. *Mizar*. quæ autem 15^a, vocatur *Alamac*, potius *Almaac* quod foccum vel cothurnum significat.

21. Triangulum *Almutaleth* & *Mutlethun*, quod triplicitatem significat. Stellarum est 4.

CAPVT. IV.

Signa Zodiaci Borea.

ARIES *Alhamel* stellas habet 13. Ptolemæo, Alfragano 12. Præter 5. informes.

2. Taurus *Altor* vel *Ataur*, hujus in oculo prænitens, Romanis Palilicium, Arabibus *Aldebaram*, quasi dicas stellam prælucidam, itemque *hain Altor*, id est oculus Tauri. Quinque verò, quæ visuntur in fronte ejus, hyades Græcis (Latinis succulæ) sic dictas volunt Theon & Hero Mechanicus, quòd literæ Y figuram obtinent; potius fortassis quòd pluviarum effectrices. Thales Milesius duas hyades dixit, borealem & australem. Euripides 3. Achæus 4. Hippias & Pherecides 7. Sex autem vel potius 7. quæ in ejus dorso conspiciuntur, Græcis Pleiades (forte à multitudine) Latinis Vergiliæ, Arabes *Atauria* quasi Taurinas dixeris: Nicander post eum Vitruvius, & Plinius in cauda tauri, Hipparchus extra taurum in sinistro pede Persei, posuerunt. Hæc in Taprobana insula nunquam conspici, Plinius & Solinus referunt. Ridicula planè relatio, neq; alio quovis quam Plinio aut Solino digna. Eorum enim, qui Taprobanam incolunt, verticibus prope imminet. Taurus habet stellas 33. non annumeratis informibus 11.

3. Gemini *Algenze*, hos alij Castorem & Pollucem; alij Apollinem & Herculem: unde apud Arabas alter *Avellar* pro Apollin, alter *Abracaleus* pro *fracteus* Scal. dicti videntur. Stellas (præter septem extra formam) 18. obtinet, quarum est in capite, *Rasalgenze*.

4. Cancer, *Alfartan*, præter quatuor informes stellis constat novem, quarum quæ in pectore nebulosa & est 1^a numero, *Mellej*

Mellef vocatur, id concretum vel densitatem Scaligero significat.

5. Leo, *Alased*, hujus in corde lucidissima quæ prænit, 8^a. numero, *Kale alased*, id est, cor leonis vocatur, Græcis βασιλεύς, quod qui sub eâ nascuntur, regiam habent nativitatem, inquit Proclus, quæ autem in extrema cauda ut ultima numero est, *Deneb Alased* hoc est, cauda ea leonis, quæ Alfragano dicitur *Asumpha*. Stellæ habet 27. cum informatis 8. Ex informibus inter extrema leonis & majorem ursum, ut Ptolemæo placet (Theon Aratum secutus Virgini annumerat) Cincinnum novum sidus efformarunt. Conon Mathematicus in Ptolemæi & Berenices gratiam Crinem Berenices vocavit, & Callimachus poeta suis versibus celebravit.

6. Virgo *Eladari*, frequentius vocatur *Sunbalu*, id spicam significat, quæ autem in summa sinistra manu præfulget, *σάχυν* spica vocatur, Arabibus *Hazimeth Alhasel*, quod manipulum farraginis significat: malè in dextra Vitruvius & Higinus spicam collocant. Stellæ habet Virgo 26. præter sex sporades sive informes.

CAPUT V.

*Australis hemisphærii effigies, ac primò, quæ in
Zodiaco.*

Libra *Almizan*, cujus lanx meridionalis vocatur *Mizan Aljemin*, id est, libra dextra vel meridionalis. Librari antiquiores in signis non numerabant: Posteriores Chelas Scorpio amputatas, libræ tribuerunt, inde Arabes lancem boream vocant *Zubeneshchi mali* hoc est, *χηλὴ βόρει* ☿, quæ autem ad Notum vergit, *Zubenelgenubi* *χηλὴ νότι* ☿ vocatur. Stellis 8. insignita est præter 9. extra signum.

8. Scorpio, vulgo *Alatrab*, rectius *Alacrab*. unde quæ in corde, numero octava, dicitur *Kelebalacrab*. hoc vult cor Scorpii. quæ autem in extremâ caudâ secunda, *Leschat*, rectius *Lesath*, quod

quod ictum venenatorum significat, hoc nomine vocatur Scorpij aculeus, Vocatur etiam *Schomlek*, Scalig. per transpositionem legit *Mofclek*, id flexum vel arcuationem caudæ significat. Stellæ habet 21. & tres extra formam.

9. Sagittarius, *Ekusu* vel *Elcausu*. id arcum significat. Stellæ 3. insignis conspicitur.

10. Capricornus, *Algedi*, huic dederunt stellæ 28. quarum quæ est 23^a. dicitur *Deneb Algedi*, hoc est, cauda capri.

11. Aquarius. *Eldelu*. hoc situlam significat. Hujus 10.^a. num, in extrema manu, *Seat*, id brachium est, vocatur. Stellæ 42. numerat.

12. Pisces, *Alsemcha*. Stellæ habet 34. & informes quatuor.

CAPVT VI.

*Australis hemispharij Imagines extra
Zodiacum.*

Cetus. Arabibus, *Elkaitos*, Stellæ 22. numerat. Hujus 21. vulgo *Menkar*, Scaligero *Monkar Elkaitos*, hoc rostrum ceti. decima quarta, *Baren Elkaitos*, venter ceti, penultima *Deneb Elkaitos*, id cauda ceti.

2. Orion vocatur Arab. partim *Asugia*, hoc audacem vel furiosum significat: quod nomen hydræ etiam accommodatur: partim *Elgeuze*. *Genze* autem est juglans, forte allusum ad Latinum *Iugula*. quo nomine Festus Orionem indigetat, quod amplior sit cæteris, ut Nux Juglans. hoc autem nomen *Elgeuze*, Geminis etiam tribuitur. Dicitur item *Algibbar*, quod fortem vel Gigantem significat. Stellæ 38. conspicuus est. Harum secunda, quæ in humero dextro, *Ied Algeuze*, hoc est manus Orionis, ut Christmanno placet: vulgò *Bet' Elgeuze*, fortè *Bet elgeuze*, quod est Lucida Orionis: tertia numero, vocatur *Alfon* finis Bellatrix, Quæ est in sinistro pede, numero trigesima quinta, dicitur *Rigel Algeuze* vel *Algibbar*. id pedem Orionis significat.

3. Eridanus, *Alvahar*, id est, fluvius, unde *Nar* Hetruriz fluvius per contractionem dictus quibusdam videtur. Stellæ habet 34. Quæ autem 19^a. vulgo *Angetenar*, Scal. *Ancheneienar*, hoc flexum vel curvaturam fluvij significat. & 29^a. dicitur *Bee-mim* vel potius *Theemim*, quod geminas & sibi conjunctas significat, ut dubium sit, an non ad duas stellas ubivis vicinas; hoc nomen applicetur. Lucida autem in ejus extremitate, ultima numero, dicitur *Acharnahar*, quasi dixeris, post fluvium, vel in fine fluvij. Vulgò *Acarinar* nominatur.

4. Lepus, *Alarnebet*, stellas 12. numerat.

5. Canis *Alcheleb* *Alachbar*, hoc est, canis major, & *Alfahar* *aliemalya* i.e. canis dexter vel meridionalis. Illud autem *Alfahar*, quod & *Suera* Scaliger arbitratur, ductum ab Arabico nomine, quod *ὀδονόλαια* significat, morbum quo rabiosi canes afficiuntur. Grotius dubitat, an non potius sit *Elferri*, quod deductum videri possit à Græco *σύνερα*. Sic enim vocatur splendidissima in ore, Arabibus *Gabbir* vel *Echer*, corruptè *Habor*. Habet stellas 11.

6. Procyon, Antecanis; quia ante canem oritur. *Alcheleb* *Alasgar*, hoc est, canis minor, & *Alfahar* *alfemalya*, hoc est, canis sinister vel septentrionalis, vulgò depravatè *Algomei*. Stellas habet duas.

7. Argo, Navis. *Alsephina* Arabib. *Sephina* navem significat. Dicitur etiam *Merk-b*, id currum denotat (sic poetis Græcis *ἄρμα θαλάσσης*, eurus maris pro navi solet dici) Hoc autem nomen Alfonso, apponunt ei, quæ numero sexta est. Stellis 45. insignitur, quarum penultima *Sohel* vel *Syhel*, id ponderosum notat, vocatur: forte ab eâ mente, quâ Basso terrestris nominatur, quod humillima & circa terram esse videatur. Græcis *Κάνωρος*, Hebræis *Chesil* vocatur, ut Christmanno videtur. Quod si verum sit, Arias Montanus in Itinerario Benjaminî Tudelêsis non rectè pro Orione capit. Azaniæ incolæ Equum vocarunt, ut testatur Ptolemæus.

8. Hydra, *Alfugabbh* vel *Asuia*, id fortis est vel furiosus. Egyptij vocarunt Nilum, ut Theoni placet in comment. Aratæ.

Præter duas extra imaginem, stellas habet 25 quarum 12. *Alfonfinis Alphart* vocatur.

9. Crater, *Vrna Albatina & Elkis*. id pateram significat, Stellas habet 7.

10. Corvus, *Algorab*, habet item 7.

11. Centaurus eodem nomine Arabibus vocatur. Stellis 37. insignitur. Ex his, quæ in pedibus posterioribus sunt, effingunt crucem illam adeo in Hispanorum navigationibus celebratam.

12. Fera, *Asida*, quod leonem, & *Alsubahh*, id feram vel lupum significat, cui attribuerunt stellas 19.

13. Ara sive Thuribulum, *Almugamra*, Bassus vocat sacrum. Stellas habet 7.

14. Corona Australis. *Ala clil algenubi*. Stellas habet 13. in duplicata spira fulgentes, ut inquit *Alfraganus*. Theon. xi i. tribuit.

15. Piscis austrinus, *Ahaut Algenubi*, stellas habet 12. *Ptolemæo*, *Alfragano* 11. Hujus in ore quæ conspicitur lucens, *Phom ahaut*, hoc est os piscis, vulgò somahant.

Describitur etiam in Globo celesti Zona quædam colorem quasi lactis tota retinens: unde nomen invenit, ut vocaretur via lactea. Est autem non equalis & regulata, sed latitudine, colore, stellarum frequentia, & ipso situ differens atque varia; quibusdam partibus simplex, alijs gemina cõspicitur. Tractum ejus in Globo expressum & à *Ptolemæo* fusè explicatum videat 3 c. 2. 8. l. *Almag.*

C A P V T VII.

De Stellis in Globo non expressis.

PRÆTER hæc astra, à *Ptolemæo* nobis enumerata, multa alia se conspicienda præbent, præsertim hyberno tempore & serena nocte; cum & plurà se exhibent conspicienda, & quæ videntur, majora apparent. Causam quæris, extrâ nostrum institutum. Sed paululum digrediamur, præsertim

tim quòd nonnulli in causa hujus rei designanda longiusculè aberrarunt. Sunt enim qui (pro eâ quam habent in Physicis & Opticis peritiâ) volunt vel concipi plura, quam tèvera, sint per imaginationem vel deceptionem visus, vel (quod æquè est ridiculum) aerem hyeme tenuiorem & puriorem ea præbere conspicienda, quæ æstate (cùm est crassior) latent. Atque hunc errorem non tam apud alios deprehendo, quam demitor maximè, quòd Iohannem de Benedictis magni nominis Mathematicum devium traduxerit. Diverfa enim & plane còtraria est ratio. Ideo enim quia aer crassior, ea propter plura itemque majora perspiciuntur. Ratio ex Optices cognitione probat, visus judicat, experientia docet, autoritas suadet. Radios per medium quod est crassius refractos, & veluti in canales quosdam diffusos, majorem verâ objecti imaginem visui objicere, non alienè ab Opticorum mente docet Strabo ex Posidonio. Perspicillorum ope plura videri, & quæ videntur, majora quam sine ijs concipi, norunt infimi è vulgo. Fertur (inquit Cleomedes) Sol de profundis spectatus puteis major apparere, quam cum è celsioribus locis conspicitur, idque propter humidiores & crassiores aerem in iuvo puteo. Si fieri posset, ut per parietes & solida quævis corpora Sol spectaretur (ut de Lynceo fabulata est antiqua Græcia) major multò conciperetur, ut rectè docet Posidonius. Orientem itemque occidentem Solem majorem videmus (præsertim in altis maribus) inquit Strabo. Majorem dicimus, non tamen decuplo, quanto majorem apud Indos quam alijs in locis Solem apparere Ctesia rerum Indicarum Eclogæ fabulantur; multo minus centuplo, ut (ad extremum Hispaniæ promontorium, quod *Sacrum* vocarunt, occidentem Solem còspici) dixit Artemidorus, quod in eo merito taxavit Posidonius. Alfraganus hujus rei causam vult, quia vapores è terra elevati, aspectui & orienti Soli interpositi, majorem nobis Solem exhibent. Eandem volunt Strabo & Cleomedes ex Posidonio: neque hoc multum alienè ab optimorum Physicorum mente. Hæc hætenus.

Spectantur etiam in parte mundi Austrina stellæ multæ,
quarum

Quarum, quod ab artificibus nostri orbis observari non possent, nulla ad nos pervenit notitia. Ex his etiam memoratis multa nobis non conspiciuntur, ad Borealem mundi polum magis accedentibus. De stellis prope Austrinum mundi polum apparentibus, accipe historiam verè admirandam, quam ex Americo Vespuccio retulit Franc. Patricius Senensis in fine l. 15. Novæ Philosophiæ. Sic habet. Cælum decētissimè exornatur sideribus quibusdam, quæ sunt nobis incomperta. Quorum ego consignantissimè memini, percensui fere viginti, tantæ claritudinis, ut apud nos Venus & Iupiter. Deinde. Pro comperto itaque habui, majoris esse magnitudinis quàm autem mortales, & imprimis tres Canobos conspiciatui sum, duos claros admodum, tertium obscurum & dissimilem alijs. Et mox. Quæ verò ipsum polum ambiunt tria sunt, quæ figuram præ se ferunt trianguli orthogoni; quorum id, quod medio loco visitur, circumferentiam habet grad. novem cum dimidio: & ubi hæc exoritur, à leva conspicitur Canobus albicans eximia magnitudinis. Postea. His succedunt tria alia præclara sidera, quorum medium habet diametrum circumferentiæ grad. duodecim cum dimidio, & in medio eorum cernitur alter Canobus. Hunc sequuntur sex alia conspicua sidera, quæ claritate cunctis octava sphaera sideribus præstant, quorum medium in superficie firmamenti diametrum habet circumferentiæ grad. 32. Hæc astra concomitatur Canobus ingens sed niger, quæ omnia cernuntur in via lactea. His et Corfalius addit quæ sequuntur. Quæque eas verò Corfalius fixipit, duas nubeculas satis magnas circum polum versari, & inter eas stellam esse à polo gradibus circiter 11, distantem: supra quas, ceruj ait crucem admirabilem inter 5. stellas quæ eam circundant, cum alijs quæ cum eâ revolvuntur, procul à polo grad. 30 quæ tanta sit pulchritudinis, ut nullum cæleste signum ei possit comparari. Hæc est historia verè mira de Austrinæ mundi partis Phænomenis. Auditum admissi risum teneatis? Tres præcudit Canobos Vespuccius, unicuique agnovit Ptolemæus & antiqua Græcia, in temone Argûs navis constitutum. Hoc est præterea animadversione dignum, quod Patricius (quantum ego ex illius sc. ipsis coniecere possum) ex malè expressis Vespuccij verbis, ab ipso peius intellectis, stellam, quandam diametri apparētis

magnitudinis grad. 32 pulchrè sibi efformavit, cum Solis diameter minuta 32 vix attingat. Quæ autem nobis còperta sunt & explorata de his Austrini mundi Phænomenis in navigatione plusquàm annua 1591 & 1592 ultra æquinoctialē circulum, sic se habēt. Tres solum stellæ primæ magnitudinis nobis conspectæ sunt, quas nostra Anglia nō cernit. Ptolemæus in Alexandria has omnes vidit. Prima est in temone Argûs, Canopū vocāt. Secunda in extremitate Eridani. Tertia in dextro Centauri pede. Si quartam adjicies, quæ in sinistro Centauri genu spectatur, valde còspiciuam, nō multū adversabor. Alias primæ magnitudinis Austrina mundi pars nō videt: vix unā aut alteram secundæ magnitudinis ostēdit Ptolemæo nō còspectas. Neque enim aliqua universi cœli pars paucioribus & minoris luminis stellis ornatur, quàm quæ Austrino polo vicinior. Vidimus Andreæ Corsalij nubeculas, alteram alteri diametro quasi subduplam vel subtriplam, colore non absimiles circulo lacteo, ab ipso polo non admodum remotas. Nostrates hæutæ Megellani nubeculas solebant nominare. Admirandam quam Corsalius vocat crucem, Hispani cruero, nostrates *Crofers* nominant, conspeximus. Stellæ ex quibus constituitur, vidit Ptolemæus, sunt enim lucidiores in posterioribus Centauri pedibus. Hæc omnia sæpius eoque diligentius idēdō spectavimus, quod de admirandā magnitudine stellarum Austrini orbis, non dissimilia ijs, quæ refert Patricius, apud Cardanum legisse meminera.

TERTIA PARS.

CAPVT I.

De Geographica descriptione Globi Terrestris, & partibus terræ cognitis.

TOTAM tellurem, tanquam immensam Insulam Oceano cinctam, Dionysius Afer in initio suæ periegeseos tradit. Idem ante eum Homerus & Eratosthenes (quem Dionysium in plurimis secutum monet Eustathius ejus

ejus Scholiaſtes) voluerunt, ut docet Strabo. Idem poſt eum Mela. Ad Boreã terminarunt mari glaciali, quod Saturninum & mortuum vocat Dionyſius; ad Orientem Eoo, quod & Sericum vocant; ad Meridiem mari Rubro (Indicum Ptolemæus vocat) & Æthiopico; ab Occidente Arlantino alluitur. Ex hoc Oceano in tellurem ſe infundunt (ut antiquioribus Geographis placuit) quatuor ſinus præcipui. Duo à Meridie ex Erythraeo mari influunt, ſinus ſc. Perſicus & Arabicus. Ab Occidente ex Oceano Atlantico immittitur ſinus vaſtus, qui Mediterraneum vocatur mare. A Septentrione ex Oceano Scythico Caſpium mare infundi voluerunt; quod præruptis & excelsis rupibus magna ex parte clauſum eſt; unde flumina tanta vi devolvuntur, ut cùm ad præcipitia pervenerint, aquam in mare, ne conſperſo quidem littore, tam lóginquè ejaculentur, ut litus quaſi flumine conſectum exercitibus ſit pervium, referente apud Strabonem Eudoxo. Caſpium mare Oceano (ut diximus) Scythico confluere Strabo, Plinius, Mela, Solinus voluerunt: ſed eorum errorem, præter recentem & comprobata experientiam, hoc etiam extorquere poſſet; quod ejus aquam dulcem eſſe, Magnus primum Alexander, deinde Pompeius deprehenderunt; ut qui cum Pompeio militabat, teſtatur M. Varro apud Solinum. Atq; hac præcipue ratione id ipſum probare apud Strabonem nititur Polycletus. Hoc omne quidam antiquiorum in duas diviſerunt partes, Aſiã & Europam. Qui ſecuti ſunt, tertiam adjecerunt, quam Africanam, interdum Libyam vocant. Ex his Aſia eſt maxima, ſequitur Libya, Europa eſt omnium minima, ſecundùm Ptol. l. 7 Geographiæ.

Europa ab Oriente, quã Aſiæ adjacet, terminatur interjacente mari Egæo (nunc *Archipelago*) Ponto Euxino, quem terris undiq; coactum paludis olim in morem cõſtituiſſe, & magna fluminum acceſſione auctum, vi viam aperuiſſe in Propontidem & Hellespontum, apud Strabonem exiſtimavit Strato. hodie autem vocatur Pontus Euxinus *Mare Magiore*, palude Mæotide (*Mare delle Zabacche*) Tanai fluvio (vulgo *Don*) & Meridiano, qui inde ad Scythicum vel glaciæ

mare protenditur. Reliquis ex partibus mari alluitur. Ad Meridiem ab Africa dirimit fretum Gaditanum & Mediterraneum pars. Hujus freti longitudinem stadiorum 120 voluit Strabo: totidem & Plinius. Latitudinem Strabo 70 stad. Mela 10 mil. passuum, id est, 80 a. stadiorum posuerunt. T. Livius & Cor. Nepos, maximam latitudinem 10 m. pass. vel 80. stadiorum, minimam 7 m. pass. vel 56 stad. At à Mellaria Hispaniae vico, ad Promontorium Africae Album dictum, 5 solum mille passuum vel 40 stadia numerantur à Turanino Graccullo, qui juxta ea loca genitus est, referente Plinio in Praef. lib. 3. Europam quondam Africae continentem adhassisse Eratosthenes putavit. Tradiderunt ejus loci incolae (inquit Plinius.) Isthmum Isthmum labore Herculis fabulamur. Ab Occidente Europa finitur Oceano Atlantico. Britannico, Germanico & Glaciali, quâ Boream spectat.

Africam ab Asia separat (ut Dionysio & Mela placet) Nilus fluvius & Meridianus per ejus defluxum ad Ethiopicum usque mare ductus. Ptolemaeo magis placet, ut dirimantur sinu Arabico (quem minus recte vocant Mare Rubrum) & Meridiano, qui inde ducitur ad Mare Mediterraneum per Isthmum, qui eadem se jungit, quique Egyptum Arabiae & Iudaeae facit continentem. Neque enim videtur ei congruum, ut Egyptus dirimatur, & pars ejus Africae reliqua Asia tribuatur: quod fiet, si Nilus fluvius statuatur terminus. Neque hoc Straboni videtur inconcinnum, cum ejus Isthmi longitudo, quâ duo maria efficiunt, 1000. stadiis major non sit. Et recte videtur dixisse non maior stadiis 1000.

Victrique enim Posidonius paulo pauciora numerat 1500 stadiis, Phnius tamen non amplius 115. M. pass. hoc est 920. stadiis, continere voluit. Idemque Strabo à Pelusio ad Heroum urbem in intimo recessu sinus Arabici sitam, distantiam 900. stadiorum posuit. At si Plutarcho attendere libeat, quâ Isthmus maximè coarctatur & constringitur duo maria non amplius 300. stadiis distabunt. Atque hac (cum ab Augusto navali prelio copiae Antonij fractae, & res penitus accisa essent) Cleopatra

tram Romanorum servitutem refugientem, conatam esse subductam classem trajicere, ut novas sedes à Romanis quam remotissimas quæreretur, in Antonij vitâ idem refert Plutarchus, Quâ mēte inter duo maria 15. vix stadia superesse dixerit Copern. l. 1. cap. 3. planè non intelligo, nisi quòd mendum existimem quòd operarum incuria irrepsit. Atque, hoc erratum utcumque sit grave, utinam hoc solum hujus excellentissimi viri scriptis insideret. Isthmum hunc ab antiquis temporibus aquis coopertum, prius quam Oceanus Atlanticus Mediterraneo mari conflueret, Eratosthenes existimavit: atque hâc Menelaum Homericum ad Æthiopes navigasse, Grammatici quidam Homeri Scholiastæ comminiscuntur Strabone attestante. Huic autem Eratosthenis relationi (sive historiam, sive fabulam, vel conjecturam malis dicere) quæ videntur fidem facere, paucula quædam adjiciemus. Primò Ægyptum (si non universam, eam saltem quæ infra Delta sita, inferior Ægyptus nominatur) Nili (vel potius Maris) donum, ex aggestione limi & arenæ, ante Strabonem Herodotus conjectavit. Pharon itx super insulam, quam Alexandriæ ponte conjunctam suâ ætate refert Plin. lib. 5 cap. 31 (ideoque & peninsula à Strabone dicta videtur) integræ noctis & diei navigatione ab Ægypto quondam fuisse disjunctam, ex Homero referunt Strabo & Plinius. Atque hinc Strabo conjicit, Homerum (cùm Thebarum in Ægypto sæpius mentionem faciat) Memphis omnino non meminisse; quòd aut exigua tum fuerit, aut prorsus non fuerit, terrâ aquis Homeri ætate coopertâ, ubi postea Memphis ædificata est. Huc etiam facere videtur interjecti littoris inter duo maria depressio, quæ tanta est, ut de perducendâ inter eâ fossâ, primùm Sesostris, deinde Darius, postremò Ptolemæus cogitarint. Et littus Ægyptij maris ultra montem Casium, mari inundatum suâ ætate se vidisse memorat Strabo. Item magnæ recessiones æstus, quæ fiunt tum in sinu Arabico tum etiam Persico, ab hac conjectura Eratosthenis non multum alienæ videntur. In tantum enim minuuntur æstus in sinu Arabico, ut inde quæsitam esse occasionem memoret Jul. Scal. calum-

niandi miraculosum transitum 600 amplius millium Israelitarum per mare rubrum, quem factum esse dixerunt prope intimum recessum maris, observatâ æstus recessione, eodemque affluente Ægyptios esse submersos. Et prope fauces sinus Persici juxta promontorium Macarum, refert Plinius, Numenium Antiochi præfectum contra Persas dimicantem, primum classe, deinde recedente æstu equitatu etiam eodem die, 'bis ibidem superasse. Plin. lib. 6 cap. 28. Atque hæc de Eratosthenis conjecturâ. Redeamus nunc ad Africæ terminos. Ab Oriente (ut diximus) ab Asiâ separat meridianus per sinum Arabicum & mediterraneum mare ductus. Reliquis ex partibus circumambit mare: Meridlem versus, Æthiopicum, Atlanticum ab Occidente, ad Boream Australis Europæ terminus. Ptolemæi ignorancem de Australi parte Africæ, quam facit Asiæ continuam per incognitam terram, Australem maris Indici & sinus Æthiopicæ partem ambientem, si antiquorum relationes non probent; nec Herodoti, qui refert quosdam à Dario missos totum hunc ambitum circumnavigasse; nec Heraclidis Pontici, qui perhibet Magum quendam à Gelone venisse, qui se diceret navigio totâ hanc oram circumivisse (quia suspectas habet Posidonius contra Polybium); neque Eudoxi Ciziceni historia à Posidonio approbata, quam Strabo, Plinius, & Mela ex Cornelio Nepote gravissimo viro refert, (quia hanc historiam non multum abesse à Pythææ Evemeris & Antiphanis mendacijs existimavit Strabo); neque Iubæ regis traditiones de hac eadem re à Solino relatæ; utut inquam antiquiores istæ traditiones Ptolemæi ignorantiam non probent: manifestissimè tamen evincunt Lusitanorum recentiores navigationes, factæ per Promontorium Africæ extremum (quod Bonæ spei vocarunt) ad extremas usque Indias. Mitto interim inter antiquorum relationes, quod refert Plinius, regnante Cæsare Augusti filio, in sinu Arabico reperta & agnita esse signa ex naufragijs navium Hispanicarum: & Carthaginis potentia floreante, Hannonem à Gadibus ad Arabiam circumvectum navigationem eam scripto prodidisse.

Asia ab Europa & Africa (utranque autem ab Occidente spectat) quibus separetur terminis, dictum est. Reliquis ex partibus Mare alluit; cōgelatum vel Hyperboreum ad Septentrionem; Oceanus Sericus & Eous ad Orientem; Rubrum & Indicum à Meridie, Borealia Asiae, ut & Europæ non mari sed incognita terra ambiri voluit Ptolemæus, volunt quidam recentiores, qui Groenlandiam quam vocamus, Indiæ continentem arbitrantur. De hac eorum opinione ut plurimum dubitemus, faciunt nostratum multæ navigationes, qui extrema Norvegiæ longè intra Arcticum circulum præterveſti, ultra strictum illud, quod novam quam vocant Zemlam à Russia separat, omnia mari circumdari testantur, ut mittam quod ex Cornelio Nepote, gravissimo scriptore refert Mela, datos esse Q. Metello Celeri (qui Proconsul Galliis præerat) à Suevorum rege, Indos quosdam, qui vi tempeſtatum abrepti, ex Indicis æquoribus in Germaniam delati sunt, & quod Patrocles apud Strabonem asserit, posse per oram maritimam Bactris, Hircania marique Caspiæ multò septentrionaliore, Indiam usq; circumnavigari, ijs autem locis præfuit Patrocles, & quod refert Plinius, totam hanc oram ad Ortum, ab India ad usque mare Caspium, enavigatam esse armis Macedonum, Seleuco & Antiocho regnantibus.

De quantitate habitatae terræ variè scripserunt antiquiores. Ptolemæus ejus longitudinem ab Occidente Orientem versus definivit Meridiano transeunte per insulas Fortunatas, & eo qui per Synarum Metropolim ducitur: ut complectatur semissem equatoris, sive gradus 180. horas æquinoctiales 12. stadia in equatore 9000. Latitudini terminum Australissimum posuit parallelum, qui ultra Æquatorem vergit ad Meridiem grad. 16. m. 25. Borealem terminum fecit parallelum, qui per Thulem ducitur, grad. 63. ab æquinoctiali distantem: ita ut tota latitudo 79 gr. 25 m. vel integris 80. gr. concludatur, stadijs 40000. proximè. Excurrit itaque in Ortum & Occasum longius quam in Austrum & Boream, sub æquinoctiali dimidio paulo amplius, in parallelo Borealissimo

realissimo quinquagesima parte propemodum. Merito itaque extensionem terræ in Ortum & Occasum Longitudinem, in Austrum & Boream Latitudinem vocarunt antiquiores, attestante Ptol. l. 1. Geograph. c. 6. Strabo longitudinem agnoscit, quantam Ptol. 180 grad. æquatoris, item & Hipparchus, utcunque in stadiorum numero plusculum dissentiant. Nam posuerunt longitudinem quæ est sub æquatore 126000. stadiorum, secuti Eratosthenis mensurâ, quæ tribuit uni gradui 700 stadia. Latitudinem multo minorem fecit Strabo, stadiorum paulo minus 30000. & definivit parallelo ducto per Cinnamomiferam regionem stadijs 8800. ab æquatore ad Boream distante, eoque qui transit per loca Britannæ Borealia stadijs circiter 4000. Parallelum per Cinnamomiferam Australiorem Taprobana, aut per ejus extrema Meridiem versus transire facit Strabo. Sed magnam prodit ignorantiam, cum ejus pars Australior ultra æquatorem excurrat attestante Ptolemæo 7. Geograph. c. 4. ut mittam nuperas Lusitanorum navigationes. Dionysius Afer longius etiam aberrat, qui Taprobanam Trópico Cancrî subjecit.

Haftenus de finibus & terminis orbis habitati ab antiquioribus constitutis. Nostri ætate Hispanorum & nostratium navigationibus, Africæ ora maritima ad 35. amplius Austrinæ latitudinis gradum penitus lustrata est, & Europæ pars Borealis intra Arcticum circulum ad 73. usque gradum latitudinis cognita est, præterquam quod novæ orbis partes inventæ, ultra spem & fidem antiquiorum, ne vel solo nomine ipsis cognita.

America, quasi alter orbis excurrens ultra 52. Austrinæ latitudinis gradum, terminata freto Magellanico, ad Boream se projicit intra circulum Arcticum: quæ ex parte Mari etiam terminari, nostratium multæ navigationes magnum faciunt fidei argumentum. Mitto oras maritimas obiter conspectas, nondum satis lustratas, ultra mare illud, quod Borealia Europæ & Asiæ ambit, itemq; eas quæ sunt Australiores Mari Indico & Erythræo: quas, quin Australiori freti Magellanici ter-

ra continentis judicemus, nulla dum experientia contrarium potest evincere.

Europa (sive ab Europa Tyria Agenoris, aut ut alijs placet, Phœnicis filia, ut videtur Herodoto; sive ab Europa Nympha Oceani, ut vult Hippias apud Eustathium; sive ab Europa quodam, ut Nicia placet apud eundem Eustathium; nomen fortitur) has præcipuas continet regiones: Hispaniam, Galliam, Italiam, Germaniam superiorem & inferiorem, Slavoniam, Græciam, Hongariam, Poloniam, Moscoviam sive Russiam, Norvegiam, Suediam & Daniam. Huic adjacent Iusulæ præcipuæ Britannicæ: Altera Scotiæ & præcipuè Angliæ imperio nobilis: Altera est Hibernia Angliæ regno subdita. Deinde sunt Açores & multæ insulæ in Mediterraneo mari, ut Sicilia, Sardinia, Creta, &c.

Africa sive ab Aphro quodam nomen accepit, socio expeditionis Herculis contra Gerionem, ut vult Eustathius; vel ab Iphrico quodam Arabum rege, unde in lingua Arabum Iphrichia vocatur, ut testatur Iohannes Leo; vel à torrente æstu, ut dicatur *αφεικη*, quasi sine frigore, ut alijs placet) has habet præcipuas regiones: Proximè freto Gaditano (quod hodie dicitur, fretū Gibraltar) jacet Barbaria, antiquitus dicta Mauritania, quæ continet regna, Marocco, Fessæ, Algeriæ, Tuncti. Proximè Barbariam Ægyptus est Mari etiam Mediterraneo adiacens. Interius post Barbariam sequitur Biledulgerid, antiquioribus dicta Numidia. Tertia est, quæ Latinis & Græcis Libya dicitur, Arabes Sarram vocant. Sequitur Nigritarum regio, adiacens fluvio ejusdem nominis, qui Niger dicitur. Hodie vocant multi Senagam. Multa ignobilia regna continet, ut sunt Gualata, Guinea, Melli, Tombutum, Gagos, Guberis, Agades, Canos, Casena, Zegzega, Zanzara, Burnum, Gaoga, Nubia. Succedit amplissimum imperium Æthiopum regis, quæm Prætegiiani vocant, Christiana religione ab Apostolorum usque temporibus nobile, Abyssinorum nomine notum; rectius Habassinos vocandos esse monet Arias Montanus in Itineratio Benjaminii Tudelenfis. Eorum imperium in Asia

etiam jampridem latissimè patebat. His ad Occasum adjacēt obscura regna, Manicongo & d'Angola : ad Ortum & Meridiem, Melinde, Quiloa, Mozambique & Benamataxa. Insulæ præcipuæ quæ huic adjacent, sunt Madagascar, Insulæ Canariæ, & Cap. Viridis, & Insula S. Thomæ Equatori subjecta.

Asia (sive dicta sit ab Asia matre Promethei, ut vulgò volunt; sive ab Asiæ quodam Heroe, ut placet Hippiae apud Eustathium) tota hodie subjecta est Turcarum Imperatori & Persarum regi ad usque Indiam Orientalem, quæ plurimum subjecta est regibus Chinæ & Pegu. Borealia Asiæ occupant Muscovitæ, Tartari, & qui regionem Cathaiæ incolunt. Insulas habet, præter Cyprum & Rhodum in Mediterraneo mari; ad Austrum, Sumatram, Zeilam, Iavam utranque, Moluccas, Philippinas, Borneo, & infinitas propemodum alias; ad Ortum jacent Iapones Insulæ.

America, quæ ab Americo Vespuccio, qui primus hanc terram aperuit, nomen accepit, fines ac terminos habet; ab Oriente (quæ Europam spectat & Africam) Oceanum Atlanticum; ad Occidentem, Mare quod vocant del Zur: Australissimam partem claudit fretum Magellanicum: Borealissimam partem adhuc incognitam, Mari congelatq terminatam magnum fidei argumentum faciunt multæ nostratium navigationes, D. Martini Forbisher, & Ioann. Davis. Has præcipuas numerat regiones: ad Boream terram Laboris, quæ Hispanis dicitur Tierra de Labrador. Succedit Baccaleatum regio, inde nova Francia: deinde Virginia, postea Florida, proximè nova Hispania, urbe Mexicana maximè nobilis. postrema est Brasilia & Peruvia ad Austrum vergentes. Multas habet adjunctas Insulas. Plurimæ in sinu jacent Mexicano, Americæ ad Ortum, quorum insigniores sunt Cuba, Hispaniola, & multæ ignobiliore alia.

Sunt præterea alia orbis partes nondum satis lustratæ & cognitæ: ultra mare Indicum terræ Australis, Nova Guineæ, utrum insula an continens terræ Australi, nondum satis cognitum: Borealis orbis partes, Europæ, Asiæ & Americæ objectæ, quas nostratium multæ navigationes detexerunt.

CAPVT II.

*De ambitu terra, vel maioris in ea circuli, & de mensura
unius gradus.*

DE ambitu maximi in terra circuli, cū ad Geographiæ studium & navigandi scientiam apprimè sit necessaria ejus cognitio, restat ut dicamus. Neque videbor (spero) ab instituto aberrare si aliquanto prolixius huic argumento insistam: præcipue quia magna est in hac re dissensio inter magni nominis scriptores, ut quem sequamur, etiamnum sit in cōtroverso Aristoteles in fine 2 de cœlo (idque ex Mathematicorum, ut ait, sententia) circumferentiæ terræ 400000 stadiorum attribuit. Cleomedes 300 millia numerat. 1. 1. Lysimachię enim & Syenes vertices per decimam quintam ejusdem Meridiani partem distare, sciotericis instrumentis deprehensum refert. Intervallum autem 20000 stadiorum ponit, unde ambitus 300000 elicietur, tantus enim numerus exurget, si 20000 per 15 multiplicaveris. Eratosthenes (si Straboni, Vitruvio, Plinio, & Censorino credimus) 252000 completi voluit. Hipparchus (attestante etiam Plinio) adjecit stadiorum paulo minus 25000 Strabo eadem qua. Eratosthenes usum mēsurā, cum alibi tum in fine 2. Geograph. docet: ubi inquit, ex Hipparchi sententia quantitatem terræ continere stadiorum 252000 quantam & Eratosthenes tradit. Eratostheni suffragatur fabulosa Dionysiodori relatio apud Plin. lib. 2 cap. ult. *In sepulchro Dionysiodori reperta est (inquit) epistola scripta ad superos, quæ testabatur semediametrum terra ad 4200 stadiorum continere.* Hic numerus sexies assumptus 252000 producit.

Cleomedes, Eratosthenis & Posidonij observata referens, aliquanto minorem circuitum ex Eratosthenis sententia facit, nempe 250000 stadiorum. Syenem enim & Alexandriam sub eodem ponit Meridiano. Syene sub æstivo posita Tropico, Sole Principium Cancrī obtinente, gnomones

mones habet meridiæ expertes umbrarum. Profundum puteum in hujus rei fidem effossum eodem tempore totum illuminatum id ipsum testari, ante Plinium retulit Strabo. Alexandriæ Sole in eodem loco constituto, eodem tempore gnomon umbram projicit ad quinquagesimam partem peripheriæ, cui ad rectos angulos erigitur, ut ejus summitas ejusdem peripheriæ sit centrum. Intervallum autem Syenes & Alexandriæ esse stadiorum 5000. præter Eratosthenem, Plinius & sæpiusculè Strabo posuerunt. Quod si 5000 per 50. multiplicaveris, exsurgit numerus 250000. quot stadia universæ terræ ambitui Eratosthenes attribuit. Posidonius (methodo nō multum absimili) circumferentiam terræ 240000 stadia continere, nititur probare. Primò Rhodum & Alexandriam sub eodē posita Meridiano pro confesso sumit, quod & Ptolemæus agnoscit l. 5 Alm. c. 3. Canobus autem stella lucidissima in temone Argûs (quam Græcia non cernit, ideoque videtur Aratus ejus non meminisse) in Rhodo primū conspicitur; at in ipso horizonte, statimque ad mundi cōversionem occidit; aut (ut ait Proclus) ægrè conspicitur, aut certè ab editis locis. Ac cum à Rhodo Alexandriam usq; perveneris, sublimis apparet. Quarta enim signi parte, cum ad Meridianum accesserit, ab horizonte attollitur, hoc est quadregesima octava parte Meridiani per Rhodum & Alexandriam. (Eadem Proclo mens, si legeris, *Canobum in Alexandria conspicue cerni quarta circiter signi portione supra horizontem extante*. Mendosè vulgo legitur, *in Alexandria non cerni*, fortasse αφαες pro ευφαες irrepsit.) Distantiam autem Rhodi & Alexandriæ definit stadiorum 5000. quantam & Plinius. 5000 autem per 48 multiplicata, producant 240000 numerum stadiorum totius terræ circumferentiæ congruentem ex Posidonij sententia. Ptolemæus passim in Geographia, & ante eum Maximus Tirius, 500 stadia tribuerunt uni gradui maximi in terra circuli, qualium totus ambitus 360. continet, ut tota circumferentiā complectatur non amplius 180000 stadijs. Ptolemæi mensuram terrestris ambitus antiquioribus cognitam, ab ipso Posidonio approbatam testis

testis est Strabo lib. 2 Geographiæ.

Magna hæc dissensio de terrestribus ambitus mensura. Et quævis opinio maximorum virorum auctoritate se tuetur. Quem sequamur, dubium. Causam quæris dissensus? Aque hoc in dubio. Nonius & Peucerus diversis usos stadijs volunt. Maurolycus & Philander è passuum diversitate stadiorum discrimen ortum arbitrantur. Maurolycus multum desudat; ut consensum faciat, at frustra, non patiuntur. Multa docent passuum genera. Verum. At stadiorum quærimus, saltem pedum. Passibus (quod sciam) non dimetiebantur Græci stadium, sed pedibus aut *ὀπυιαῖς*. est autem *ὀπυία* extēnsionis manuum cum interjecto pectore mensura, sex pedes complectens, familiaris nostris nautis mēsurā in dimetienda Maris aut fluminum profunditate. Passum multi vertunt, nescio quā rectē, judicent eruditi. Xylander in Strabone transferēdo ulnam semper vertit. Stadium pedes habet 600 inquit Herodotus bene antiquus Græcæ scriptor, idem Suidas multo recentior. Stadium continet orgyas 100: orgya cubita 4: cubitum pedem unum cum dimidio vel 24. digitos, attestante Herone Mēchanico (saltem ejus Scholiaste) ex infima opinio Græciæ antiquitate. At Censorinus, inquires, tria stadiorum genera proponit. Italicum quod est 625 pedum, quod in mundi mensura potissimum intelligendum esse docet. Aliud est Olympicum, quod 600 pedum. Prætereaque Pythicum pedes 1000 complexum. Verum enimverò omisso stadio Pythico, si attentius paulo rem consideremus, deprehenditur, Italicum & Olympicum, utrunque nomine discrepent, re non differre. Italicum enim quod 625 pedes Rom. complectitur, quod & Plin. testatur l. 2 c. 23 æquale erit Olimpico quod 600 pedes Græcos continet: quoniam 600 pedes Græci æquantur 625 Romanis pedibus. Pes enim Græcorum excedit pedem Romanum vigesima quarta parte, quanta est differentia inter 600 & 625.

In tanta opinionum diversitate conjiciamus & nos, quæ tanti dissensus causa, & quem ex his sequamur. Mittamus autem Aristotelem, cuius assertio solo nomine defenditur. Cleo-
medis

medis enim opinionem de 200000 stadijs vix mentione nostra dignaremur, nisi Archimedes Syracusanus ejusdem, ut suo aro non penitus reprobata, meminisset. Discutiamus Eratosthenem & Posidonium, quorum opiniones certis fundamentis niti videntur. Causam dissensus existimamus, quod Eratosthenes & Posidonius locorum distancias quas tradunt dimensum non sunt, sed ex vulgari peregrinantium traditione acceperunt: præterquam quod Posidonius in suis etiam observatis longius aberravit. Ptolemæus autem ex dimensis intervallis suam firmatam esse sententiam, cum ait: Cognita terræ latitudo est partium 76 unius tertiæ ex una duodecima vel integrorum grad. 80 stadiorum 40000 ut unus gradus completatur stadia 500. quod ex accuratioribus dimensionibus deprehensum est. Eratosthenem in designandis locorum intervallis longius aberrantem insecatur Hipparchus, & incredibilem locorum ignorantiam refellit, attestante Strabone l. 1. Ab Alexandria Carthaginem usque ultra 13 stadiotum millia numerat Eratosthenes, cum non sint plura 9 millibus, inquit Strabo. Posidonius quod ponit intervallum, inter Rhodum & Alexandriam 5000 stadiorum, ex nautarum opinione desumptum, quorum alij 4000 alij 5000 tribuunt, fatetur apud Strabonem Eratosthenes: se autem deprehendisse ait sciotericis instrumentis, non esse majus 3750. Strabo paulo etiam minorem facit distantiam, stadiorum 3640. Ptolemæum itaque qui accuratioribus dimensionibus suam comprobata & stabilitam fateatur opinionem, veritati propius accessisse par est ut credamus.

Franciscus Maurolycus Messanenensis Abbas, dum Posidonio adversus Ptolemæum patrocinator, incautus decipitur. Suspectam habet Ptolemæi fidem in designanda Rhodi latitudine, quam posuit graduum 36. Corruptos in tabulis Geographicis esse numeros monet, quod certissimum. In Rhodiensi latitudine quæ probet, videamus. *Posidonij inquit observata non minorem faciunt ejus latitudinem, gr. 38 cum dimidio, nisi in Alexandrina etiam latitudine falsus sit Ptolemæus, quod non posse fieri existimat Maurolycus. At nos contra dicimus, Ptolemæum*

lemzum adversari huic latitudini, non solum in libris Geographi-
 cis, sed passim in libris magnæ constructionis præser-
 tim 6 c. l. 2 ubi eandem Rhodi latitudinem, quam in Geogra-
 phicis tradit, adjicit etiam maximi diei quantitatem, Meridia-
 nas gnomonum umbras tum æquinoctiales tum Tropicas,
 quæ omnia id ipsum evincunt, eandem etiam latitudinem sæ-
 piusculè in Planisphærio ponit, nisi dixeris, in eo etiam trans-
 ferendo Massæ interpretem Arabicum, aut qui ex Arabico
 Latinum fecit, Rodolphum Burgensem nobis imposuisse.
 Usque dum sumus ergo pares. *At Posidonio* (inquit) *savente*
Proclus, & Eudoxi Cnidii observata à Strabone tradita. Hoc quid
 sit videamus. *Posidonius* (inquit *Strabo*) *refert se de excelsâ qua-*
dam domo in urbe à freto Gaditano ad 400 stadia distante, stellam
vidisse, quam existimavit esse Canobum, & qui inde versus meridiem
ex Hispania paululum progressæ sunt, fatentur se eum cernere. Est etiam
in Cnido Eudoxi specula, non multo domibus sublimior, ex qua is
fertur Canobum spectasse. Est autem *Cnidus in Rhodio Climate, in*
quo & Gades & eius ora maritima. Hæc *Strabo.* Quid hinc con-
 tra *Ptolemæum*? *Canobum in Cnido conspici posse?* Non
 negamus. *Cnidum in Rhodiaco Climate?* Agnoscit *Ptole-*
mæus, neq; enim majorem gr. 36. 15 m. statuit l. 5 *Geograph.*
 Annon in *Cnidia* etiam latitudine falsus *Ptolemæus*? Non
 majorem esse *Rhodiensem* latitudinem quam *Ptolemæus*
 posuit, è *Proclo* etiam convincitur. Longissimum diem *Rho-*
di horarum 14. cum dimidio facit *Proclus.* Æqualem *Ptole-*
mæus Rhodo & Cnido attribuit. Idem *Strabo,* nisi quod se-
 niel horarum 14 posuit, unde sequeretur minorem habere la-
 titudinem. Sic autem habent *Procli* verba. *In Rhodio Horizonte*
ita Tropicus ab horizonte dirimitur, ut cum circulus universus in 48
partes secetur, 29 supra horizontem appareant 19 sub terra lateant.
 Ex qua divisione sequitur, ut apud *Rhodos* longissimus dies
 horas æquinoctiales habeat 14 cum dimidia, nox autem 9
 cum dimidia. Non inficior, *Posidonij* traditionem de portio-
 ne *Meridiani* verticibus *Rhodi & Alexandria* intercepta, *Pli-*
nium, Proclum aliosque fefellisse. *Alfraganus* secundum suum
 Clima

Clima ducit per Cyprum & Rhodum, ejusdem maximum diem facit horarum 14 cum dimidia, latitudinē 36 cum duabus tertijs, exigua admodum differentia ab ipso Ptolemæo. Ipse etiam Maugolycus, dum in Dialogis Cosmograph. parallelolos numerat, eum qui per Rhodum ducitur latitud. 36 cum parte duodecima facit, longiusculē à Posidonio discedens. Eratosthenis etiam observationes Posidonio plurimum adversantur. Intervallum Rhodi & Alexand. 3750 stadiorum sciotericis gnomonib. deprehendit Eratosthenes. Hoc quid sit dispiciamus. Latitudinis differentiam inter hæc loca, sciotericis suo more deprehendit graduum 5 paulo plus. Huic differentię ex assumpta sua de ambitu terrę mensura (700 stadia cuique gradui numerans) 3650 stadia tribuit. Neque enim aliud artificium novimus, quo per scioterica stadiorum numerus inter duo loca investigari possit, nisi prius stadiorum numerum vel totius terrę circumferentię, vel datę ejus parti convenientem assumpserimus.

Videamus jam nunc, ecquid ex ipsius Eratosthenis observatis comprobare possimus, non posse Posidonij nedum Eratosthenis de mensura terrę opinionem defendi. Observationem autem de differentia latitudinis Alexandrię & Syenes non excutimus, ut probemus, ex ipsius Eratosthenis assumptis, non posse ambitum terrę ultra 241610 stadia extendi, quod demonstrat Petrus Nonius 18 c. 1, 2 de Navigatione. Neque quærimus, quā rectē horum locorum intervallum faciat stadiorum 5000. cum Solinus ab Oceano ad usque Meroē non numeret amplius 620. milliariibus, quę sunt stadia 4960. Meroē autem longē ultra Syenem sita est. Neque interpellabo de exigua illa differentia, qua dissentit ab eo Plinius, qui ab Elephantine Insula (quę est infra novissimum Cataractem 3 M. pass. & supra Syenem 16 M. pass.) Alexand. usque intervallum ponit 586 M. P. unde inter Syenem & Alexandriā spatium nō erit amplius stadijs 4560. Aliam longē huius nostrę probationis rationem inimus. Vnicum hoc postulamus: Quantum spatium sui orbis Solis diameter occupat, per simile spatium

Ipatium in orbe terrestri gnomones fieri umbrarum expertes, cum Sol verticibus imminet. Hoc si concedatur (quod ultro apud Cleomedem fatetur Posidonius) evicimus, Solem in principio Cancris constitutum, Syenes vertici imminere, ibique & ad 300 circiter hinc inde stadia, gnomones umbrarum immunes facere tradit Eratosthenes. Videamus, quantam sui orbis partem Solis diameter subtendat. Hinc enim, si vera sit quæ præcessit Eratosthenis positio, elicietur ambitus terræ mensura. Firmicus Maternus, Solis Lunæque diametrum non minorem uno gradu facit. At at aberrat longius. Majorem iusto quamque nos postulamus quantitatem ascripsit. Aegyptij per instrumenta hydroscopica invenerunt Solis diametrum occupare septingentesimam quinquagesimam partem sui orbis. Quod si septingentesimæ quinquagesimæ parti totius ambitus terræ respondeant stadia 300 totus ambitus non erit major 225000. Instrumenti hujus fabricam & usum docet Proclus c. 3 designationum Astronomicarum. Multa Theon de eo in Com. in 5 l. Alm. Ptol. & Maurolycus Dial. 3 Cosmograph. At hoc observationis genus Ptolemæo non probatur. Multis obnoxium erroribus ostendunt Theon & Proclus. Vtius ergo discutiamus oportet.

Aristarchus Samius, referente Archimede, Solē apparentem septingentesimam quinquagesimā partem circuli Zodiaci obtinere dixit, id est 30 m. & æqualē esse apparenti Lunæ diametro 7 & 8 (ut memini) prop. sui lib. de mag. & dist. Solis & Lunæ. Idē voluit Aristarchus. Interim nō explico me ab eo scrupulo, quē injecit mihi suppositio ejusdē Aristarchi in eodē libro de diametro Lunæ 2 gr. Archimedes Syracusanus ex suis observatis per instrumenta dioptrica definivit, Solis diametrum majorem esse ducentesima parte anguli recti, hoc est, 27 m. minorem verò centesima sexagesimā quartā parte anguli itē recti, hoc est 33 m. Atqui non adeò fidendum esse his etiam observatis per instrumenta dioptrica, ut diametros Luminarium inde exactè sumi posse credendum sit, idem fatetur Archimedes; cum neque visus, neque manus, neque instrumenta quibus

experiri oportet satis habeant fidei ad exquisitam demonstrationem. Ptolemæus per eadem instrumenta dioptrica, itemq; per eclipsium rationem, deprehendit Solis diametrum esse 31 m. 20 sec. æqualem Lunæ, cum est in maximâ à terrâ distantia, utpote in plenilunio & coitu. Quod autem hanc magnitudinem eandem perpetuo & immutabilem dixit, suspectum habere videtur Proclus 3 cap. designation. Astrôn. motus Sostigenis Peripaterici autoritate, qui in ijs libris, quos inscripsit de revolutionibus, advertit, in eclipsibus Solaribus quandoque perspicui orbiculum quendam Solis luminosum, extrema Lunę undiquaque ambientem, quod si verum sit, fieri non potest, ut Solis apparens magnitudo semper sit æqualis Lunæ in oppositionibus & conjunctionibus. Hæc fortasse de causa, quæ Ptolemæum secuti sunt, accuratius ista examinare conati. Primus Albateni deprehendit, Solis diametrum in Apogæo sui eccentrici esse 31 m. 20 sec. quantam voluit Ptolemæus, sed in Perigæo esse 33 m. in 40 sec. Ultra hoc Copernicus invenit diametrum in maxima distantia 31 m. 48 sec. cum proximè ad terram fertur 33 m. 54 sec. Sequamur quod videtur in inedito posui. Accipiamus diametrum 32 m. Vnde ex superius præmissis si 300 stadia respondeant 32 m. totus ambitus non erit maior stadijs 202500. minor ambitus, quam Posidonius, multo minor quàm quem Eratosthenes posuit. Hæc de mensura terrestris ambitus è Græcorum traditionibus dicta sunt, salvo maximorum virorum iudicio.

Nostrates 60 milliaria vel 20 Leucas uni gradui tribuunt, ut tota circumferentia sit milliariorum 21600 idque ad Ptolemæi mætrem exactè congruit. Pedem enim nostrum Anglicum Græcorum pedi æqualem invenimus, cõparatione facta tum Græcorum pede, quem Agricola & alij ex antiquis monumentis tradiderunt. Milliarc autem 5000 pedes complectitur nostrates. Stadium 600 Græcos. Si mensuram stadij per 500 (tot enim stadia Ptolemæus uni gradui tribuit) item si milliariis mensuram, quæ est 5000 pedum, per 60 (quot nos milliaria uni gradui damus) multiplices, par utrinq; numerus producit

300000. sc. pedum : ut ex his fundamentis extra controversiam sit, receptam Nostratium Nautarum opinionem cum Ptolemaica convenire.

Itali 60 item milliaria unius gradus mensuram faciunt, sed mensura minor est Ptolemaica. Germani 15 tribuunt uni gradui, quorum singula quatuor milliaria Italica cōplectuntur: æquē infra Ptolemæum. Nam ex eorum traditione uni gradui respondent non amplius 480 stadia, quum singula milliaria Italica cōplectantur 8 stadia, (nisi forte magis placet Polybij sentētia, qui apud Strabonē præter 8 stadia 2 plethra, hoc est, tertiam partē stadij cuilibet milliari convenire docet, quæ est ipsissima nostri milliariis mensura.) Appianus docet 15 milliaria Germanica æquari 60 Italicis : 60 Italica 480 stadijs, minor mensura Ptolemaicā 20 stadijs. milliariibus Italicis 2, cum dimidio.

Hispani uni gradui tribuunt Leucas, partim 16 cum duab. tertijs, partim 17 cum dimidia. Quanta sit eorum mēsurā cōparata stadijs Græcorū vel milliariibus nostris, Italicis aut Germanicis, nondum habeo compertum. Videtur Nonius Leucam Hispanicā schæno aut Parasangæ æquare, quod si verum sit, qui Leucas 16 cum duabus tertijs tribuunt uni gradui, æqualem mēsuram Ptolemaicā assumunt : qui 17 cum dimidio, aliquantō majorem.

Restant Arabum traditiones de hac re. Eorum antiquiores circumferentiæ totius terræ addixerunt milliariorum 24000. sive parasangas 8000. ita ut unus gradus cōplectatur 66 milliaria cum duab. tertijs. Hac mēsurā utitur Alhazenus in fine libelli de crepusculis. Alfraganus & recentiores à temporibus Almamonis 20400 milliaria amplexi sunt, ut gradus unus 56 cum parte tertiā, milliaria cōtineat. Albifedea in principio operis Geographici membra, præcepto Alimanonis regis Arabum, seu Caliphæ Babylonij, quosdam ablegatos, qui in campis Singar & vicinis maribus, juxta rectum iter & poli situm observarent, quot milliaria responderēt uni gradui cœlesti & deprehensum esse ab ijs in cōficiendo uno gradu 56 milliaria

sine ulla fractione, nonnunquam præter 56 tertiam partem miliaris requiri, hoc est 1333 cubita cum duabus tertijs. Quæ sit ratio miliaris Arabici, ad nostra, Italica, vel Germanica comparati, non est explicatu facile. Non minus 10 stadijs, unumquodque cõplecti arbitramur. Parasanga (ut Iacobus Christmannus ex Abulfedeâ magno Arabum Geographo nos docet) tria milliaria Arabica cõtinet, tam apud vetustiores quam recentiores. Parasanga autem (ut ex Herodoto, Xenophonte & alijs patet) triginta stadia complectitur, ideo milliare unum 10 stadia comprehendit. Hoc accedit ad faciendam fidem. Duo Cubitorum genera Græci tradiderunt. Commune sive mediocre, quod pedi Græco uni & dimidio æquatur, & continet digitos 24. qualium pes habet 16. Alter cubitus erat regius in usu apud Persas, major communi tribus digitis. Alfraganus autem docet, milliare Arabicum cõtineri 4000 cubita, prout cubitum est in mediocri mensura. Hic cubitus si sit æqualis Græco, continebit unum milliare 6000 pedes Græcos, quot 10 stadia complectuntur. Parasangæ autem cum alijs 40 stadia, alijs 60 annumeret: nemo tamen minus 30 attribuit. cui opinioni si cum Herodoto, Xenophonte & alijs acquiescamus (neque enim nostri est instituti discutere, utrum diversis in locis, diversis Parasangæ mensuris usi sint, ut existimare videtur Strabo, qui de Schœnis Ægyptiorum id ipsum observavit, cum Nilo flumine, ab urbe ad urbem subveheretur, aliàs alijs schœni mēsuris usos esse Ægyptios subindicans) si inquā ijs acquiescamus, qui 30 stadia uni Parasangæ attribuunt; milliare unum nō minus stadijs 10 comprehendet. Hæ conjecturæ si veræ sint, non est assentiendum summis viris P. Nonio & Iacobo Christmanno, qui Arabicum milliare æquant Italico. In tantâ opinionum diversitate de mensura terræ, sequatur quisq; quemlibet. Nisi autem Arabum recentiores nobis obstatent, qui dimensis etiam itineribus ferunt suam sententiam comprobata, non dubitaremus Ptolemæi opinionem ceteris antepone. Omnium opinionū, quæ aliquid habent probabilitatis, hæc est Synopsis.

Ambitus universæ terræ est stadiorū.	{	252000	{ Straboni. Hipparcho.
		250000	{ Eratostheni.
	{	240000	{ Posidonio & Antiquioribus Arabum.
		180000	{ Ptolemæo & nostratibus.
	{	204000	{ Arabibus recentior.
	{	172800	{ Italis & Germanis.

Vnius gra- dus men- sura est stadiorū.	{	700	{ Straboni. Hipparcho.
		684 $\frac{1}{2}$	{ Eratostheni.
	{	666 $\frac{2}{3}$	{ Posidonio & Arab. antiqu.
		500	{ Ptolemæo & Nostratibus.
	{	566 $\frac{2}{3}$	{ Recent. Arab.
	{	480	{ Italis. Germanis.

Milliare est stadiorum.	{	8 ut Italicum.
		8 $\frac{1}{2}$ Anglicum.
		10 Arabicum.
		22 Germanicum.

QVARTA PARS.

De Globorum usu.

HACTENVS de Globis, eorum circulis, & instrumentis ad eorum usum necessarijs. Sequitur, ut quam varius & multiplex sit eorum usus videamus, & ad praxim deveniamus Eorum usus Astronomiæ Geographiæ, & artis navigandi cognitionem expetētibus apprime necessarius. Nam & ad inveniendum Solis locum, longitudes, latitudines, & positiones locorum, dierum quantitates & horas, itemque ad inveniendam longitudinem, latitudinem, declinationem, ascensiones rectas & obliquas, amplitudinem ortus & occasus Solis & stellarum, aliaque huiusmodi propemodum infinita, methodum tradunt facillimam. Principuos usus brevi percurtemus, singulos pertractare nimis prolixum. Hæc autem omnia quæ Globorum usu deprehenduntur, multo accuratius numerorum ope, per doctrinam Triangulorum Planorum & Sphæricorum, inveniri posse norunt Matheseos periti. Sed hoc artificium, præterquam quòd tardium ob prolixitatem afferat, multam in Mathematicis exercitationem desiderat. At per Globorum praxim, promptè, expeditè, vix aliquam matheseos cognitione adhibita, inveniri possunt.

CAPVT I.

De longitudine, latitudine, distantia, & positionis angulo, vel situ locorum, in Globo terrestri expressorum.

TErminum metiendæ longitudinis locorum, antiquiores à Ptolemæi usque temporibus posuerunt Meridianum per Fortunatas Insulas ductum. Canarias hodie dici receptum est à plurimis; quàm rectè non examinamus. Obiter monemus, latitudinem Ptolemaicam Fortunatarum, longiusculè aberrare

aberrare à latitudine Canariensium, propius accedere ad latitudinem Insularum, quas hodie vocant Capitis Viridis. Fortunatas omnes Ptolemæus intra gradum 10. 30 m. & grad. 16 latitudinis boreæ posuit. Canariæ autem 27 minimum, ab æquatore gradibus remotæ sunt. Arabes intimum recessum Oceani Alantici principium numerandæ longitudinis statuerunt, à quo Fortunatas insulas grad. 10, ad Occidentem distare, Jacob. Christmannus ex Abilfedea docet. Recentiores plurimum ab Insulis, quas Canarias vocant, longitudines numerant. Nonnulli ab ijs, quas Açores nominant : & ab hoc termino in his Globis longitudines numerantur.

Est igitur longitudo, arcus æquatoris interceptus meridianis dati loci & Insulæ S. Michaelis (quæ una est Açorensium), vel alterius cujusvis loci, unde longitudinis initium determinare solent.

Si verò longitudinem alicujus loci in Globo expressi cognitam velis, eundem locum meridiano adjuuge, & signato, loco æquatoris quem meridianus pertransit, numera à Meridiano Insulæ S. Michaelis gradus æquatoris ad eum locum interceptos, tot enim sunt gradus longitudinis dati loci.

Eodem modo & differentiam longitudinis inter duos quævis loca expressa, mensurare poteris. Est enim differentia longitudinis nihil aliud quàm arcus æquatoris interceptus duorum datorum locorum meridianus. Differentiam hanc longitudinis observatione investigandi multi multos modos tradere conati sunt. Certissimam rationem esse per eclipses præsertim Lunares, eruditioribus in confesso est. Sed eclipses rarò accidunt, rarius conspiciuntur, ratissimè ac paucissimis locis ab artificibus observantur : unde paucorum locorum longitudines hac ratione designatæ inveniuntur. Orontius & ante eum Iohannes Wernerus, ex cognito, ut præsupponunt, Lunæ motu, ejusque transitu per alicujus loci meridianum, differentiam longitudinis dari posse arbitrantur. Labilis & inconstans ratio, multis subiecta difficultatibus,

Alij alias aggressi sunt. nempe per observatum spatium horarum æquinoctialium inter duorum locorum meridianos: quod deprehendi posse arbitrantur per horologia vel automata, vel hydraulica, vel arenaria, vel hujusmodi alia. Hęc omnia jampridem excogitata, accuratiori examine & judicio perpensa, ab eruditioribus omnibus (saltem maturioris judicij) rejecta sunt & reprobata, neque enim quod desideramus præstabunt. At nugivendæ impostores, hęc aut alia his peiora magnâ cum ostentatione divulgant, & magno ære divendunt melioris notæ & conditionibus hominibus, at minoris eruditionis ac judicij. Horum instrumentorum errores & incertitudines non discutio. Obiter moneo, ut (quod vulgo dicunt) caveant emptores, ne emuncti ære serò ab impostorum laqueis se expediant. Apagesis nugacissimos homines cum suis tricis & quisquilijs.

C A P V T II.

De latitudine locorum.

Latitudo est distantia, qua Zenith aut vertex alicujus loci ab æquatore removeretur. Hanc si velis cognoscere, expressum aliquem locum in Globo, Meridiano applica, & numera gradus in Meridiano, quibus idem locus ab æquatore distat, tanta enim erit dati loci latitudo. Hoc etiam advertere licebit, latitudinem cujusvis loci æqualem esse elevationi poli ejusdem loci. Quot enim gradibus vertex alicujus loci distat ab æquatore, totidem polus ab Horizonte attolletur, si ejusdem loci verticem ita statuas, ut 90. gradibus ab Horizonte undiquaque distet.

C A P V T III.

De Distantia duorum locorum, & angulo positionis vel situ inveniendæ.

SI Terrestrem Globum ita statuas, ut alterius datorum locorum vertex 90 gradibus ab Horizonte undiquaque removeatur; & quadrantem altitudinis eidem vertici affigas; deinde eoque quadrantem circumagas donec alterius loci verticem pertranseat: gradus quadrantis, duorum locorum verticibus intercepti, in stadia milliaria, aut Leucas (ut libuerit) cōversi, datorum locorum distantiam indicabunt. Quadrantis autem terminus ad Horizontem indicabit partem vel plagam mundi, in quam alter locorum ab altero vergat, sive angulū (ut vocāt) positionis. Est enim positionis angulus is, qui comprehenditur meridiano loci alicujus, & circulo majori per vertices datorum locorum transeunte. Hujus quantitas in Horizonte numeranda.

Londinum in Anglia, longitudinis est gr. 26: latitudinis Borealis graduum 51 cum dimidio. Ab hoc quæratur distantia, & positionis angulus ad insulam S. Michaelis, quæ una est Açorensium. Hoc ut inveniamus, eleuetur polus boreus grad. 15 cum dimidio; quanta est Latitudo Londini. Quadrantem altitudinis affigamus vertici, hoc est 51 cum dimidio, grad. Bor. ab æquinoctiali. Inde circumferamus quadrantem hunc. usque dum transeat per insulam S. Michaelis. Et deprehendemus distantiam interceptam verticibus Londini & S. Michaelis esse graduum 11. 40 m. proximè, Leucarum nostratum 280. & si observemus, in qua parte Horizontis quadrantis terminus insistat, deprehendemus angulum positionis esse inter Meridiem & Occidentem grad. 50 proximè, inter Africum & Africo ad Favonium, *Southwest, and Southwest and by West.* unde situs hujus insulæ a Londino patebit.

CAPVT IV.

De Altitudine Solis aut stellarum.

Altitudo est distantia Solis aut alicujus stellæ ab Horizonte, numerata in circulo majore per verticem alicujus loci & corpus Solis aut stellæ transeunte. Observandam

esse per Radium, Quadrantem, aut aliud huiusmodi instrumentum, adeo notum est, ut frustra mouerim. Gemma Frisius per Gnomonem sphaericum Solis altitudinem observare docet. Sed hic modus observandi non ita multum placet. Multis obnoxium erroribus, qui periculum fecerit, facile deprehendet.

CAPUT V.

De loco Solis inveniendi, ejusque declinatione ad diem datum.

Cognitum mensis diem in Calendario, quod in Horizonte Globorum describitur, quæras. Huius è directo in eodem Horizonte respondet signum Zodiaci ejusque gradus, quem Sol eodem die occupat. Sed si annus sit bissextilis, post 28. Februarij accipe Gradum ejus signi, qui adscribitur diei datum diem proximè sequenti. Vtpote si scire velis quem gradum Zodiaci Sol obtinet ad diem 29. Februarij, accipiens est is gradus, qui primo diei Martij adjungitur, & pro primo Martij secundum accipe, & sic consequenter. Hoc tamen potius suaserim, ut cum Solis locus accuratè sit indagandus, ex tabulis ad singulos dies cujusque anni ritè calculatis (Ephemerides vulgò vocant) locum Solis investiges. Neque enim per Globorum præxim, ea accuratione, quæ sæpè requiritur, deprehendi poterit.

Locum Solis inventum Meridiano applica, numeràque in Meridiano gradus, quibus Solis locus ab Equatore distat, tot enim erunt gradus Solaris declinationis ad datum diem. Est enim Declinatio tum Solis tum cujusque sideris, distantia ejusdem ab equatore, numerata in Meridiano. Declinationem Solis multo exactius inveniemus ex tabulis, qualibet Nautæ utuntur, in quibus ad singulos dies Meridiana Solis declinatio, quæ & quanta sit, exprimitur. Vnum hoc obiter moneo de hisce tabulis, ut recentioribus plurimum utamini. Omnes enim post aliquod temporis spatium suos habent errores. Atque
ideo

Ideo moneo, quia vidi nonnullos, qui antiquioribus tabulis magna diligentia & cura manu exaratis (qui sæpiusculè 10 m. interdum amplius, à recētiori calculo & ab ipsa veritate aberrant) studiosè & cum quadam quasi religione uterentur. Hi magno labore & industria magnos & non negligendos errores sibi comparant.

CAPVT VI.

*De inveniendâ loci latitudine, ex observata Meridiana
altitudine Solis aut stellarum*

Meridianam Solis altitudinem observa radio, quadrante, vel huiusmodi quovis instrumento, & Solis locum in ecliptica Globi inventum Meridiano applica, & Meridianum hâc illâc in suis fissuris consistentem circumducas, usque dum idem Solis locus totidem gradibus ab horizonte attollatur, quot sunt observatæ Solis altitudinis. In hoc Globi situ polus alter, supra Horizontem eminens, indicabit latitudinem loci in quo fueris. Hujus rei hoc esto exemplum.

Iunij die 12 juxta stylum veterem, Sol obtinet initium Cancrî, & maximam habet declinationem ad Boream graduum sc. 23 cum dimidio. Eo die observata sit Solis altitudo meridiana gr. 50. Querimus loci latitudinem, in quo facta est hæc observatio. Illud autem sic inveniemus. Initium Cancrî Meridiano adjungamus, quem hâc illâc circumducemus, donec idem principium Cancrî Meridiano applicatum, gradibus emineat ab horizonte 50. quot sunt Meridianæ Solis altitudinis observatæ. In hoc situ, Globi polus Boreus elevabitur grad 63 cum dimidio, & tanta erit loci latitudo, in quo facta est illa observatio.

Non dissimilis est modus, quo vulgò Nautæ locorum latitudes indagare solent, per meridianas Solis altitudines, & tabulas declinationum: quem missum facimus, quòd ejus explicatio ad nostrum nō spectat institutum, & adeò vulgò notus, ut hoc loco ejus tractatio non sit necessaria.

Idem

Idem effe ceris observata altitudine meridiana alicujus stelle in Globo expressæ. Si enim Globum ita constituas, ut stella observata, Meridiano applicata, tanto ab Horizonte intervallo distet, quanta est ejus altitudo Meridiana observata; poli ab Horizonte elevatio latitudinem loci demonstrabit. Sed moneo, ut per Meridianam Solis altitudinem potius locorum latitudines exquiras, quam per stellarum fixarum altitudines, quoniam stellarum declinationes plurimum, ut supra probatum est, mutantur, nisi si quæ per recentiores observationes suis locis restitutæ sunt.

Alij non solum per Meridianam Solis aut Sideris altitudinem, sed per duplicem ejus observationem, cognito temporis intervallo aut Horizontali distantia inter duas observationes, id ipsum facere pollicetur. Sed hæc praxis prolixa est & dubia, præterquam quòd observationum multitudo multis erroribus, & difficultatibus est obnoxia.

In hoc tamen genere, faciliorem aliquam methodum non novi, quam sit quæ sequitur.

*Cognito Solis aut stella loco, & observata duplici ejus altitudine,
cum temporis intervallo, latitudinem loci
exquirere.*

Primum intercepto cruribus circini complemento altitudinis prioris observationis, (est autem complementum altitudinis differetia, quâ observata altitudo minor est 90. grad.). alterum circini pedem figimus, in eo eclipticæ gradu, quem Sol eo die occupat: altero delineamus arcum peripheriæ in superficie Globi, vergentem quodammodo in Occidentem, si observatio sit antemeridiana, vel in Ortum, si fuerit pomeridiana. Facta autem secunda observatione, & intervallo temporis notato, Solis loco Meridiano applicato, volvatur Globus versus Ortum, donec tot gradus æquatoris Meridianum pertranseant, quot spatio temporis inter duas observationes elapso congruent, numerando cuiq; horæ gradus æquinoctiales.

les 15 signatoque loco in Solaris declinationis parallelo, quē Meridianus post hanc conversionem intersecat: fixoque ibidem altero pede circini, ad complementum secundæ observationis extensi describatur arcus peripheriæ priorem peripheriam intersecans. Cōmunis intersecctio harum peripheriarum verticem loci, in quo fueris, indicabit: cujus ab æquatore distantiam si numeres in Meridiano, patebit loci latitudo.

Idem efficies, si ad eundem modum cum data & bis observata aliqua stella operabere, aut si ad complementa duarum stellarum, quæ eodem tempore observantur, duas circumferentias sese intersecantes descripseris.

CAPVT. VI.

De Ascensione recta & obliqua Solis & Stellarum invenienda ad datam quamlibet loci latitudinem & tempus.

Ascensio Solis vel stellæ est gradus equatoris, qui cum iisdem supra horizontem emergit. Descensio est æquatoris gradus, qui cum iisdem deprimitur infra Horizontem. Vtraque vel est recta vel obliqua. Recta est gradus equatoris, qui ascendit aut descendit cum Sole aut Sidere in Sphæra recta. Obliqua, qui cum iisdem oritur aut occidit in obliqua Sphæra. Illa simplex: est enim unicus situs Sphære rectæ: hæc multiplex ac varia, prout Sphæra varijs modis inclinatur.

Si ascensum rectum aut descensum cupis cognoscere alicuius stellæ ad datum aliquod tempus & locum, adijunge Meridiano materialis Globi stellam datam: & æquatoris gradus, quem meridianus in eo situ intersecat, indicabit ascensum & descensum rectum: idem occidit etiam & cœlum mediat cum eadem.

Ascensionem vel descensionem obliquam si velis cognoscere, Globum statuas ad latitudinem loci, stellamque Orientali Horizontis parti applica: Horizon signabit in æquatore gradum ascensus obliqui. Occidenti item adijunge eandem stellam

stellam. Horizon in equatore monstrabit descensum obliquum. Eodem planè modo Solis aut alicujus gradus eclipticæ ascensionem obliquam invenire oportet, cognito prius ex supra traditis loco Solis. Hinc reperiri poterit differentia ascensionis rectæ & obliquæ, unde diversa oritur dierum longitudo.

Exempli causa. Sol primum Capricorni gradum obtinet die 11 Decembris juxta stilum veterem. Hujus gradus eclipticæ cognitam volo ascensionem rectam & obliquam in latitudine 52. gr. Primum igitur Capricorni gradum applica Meridiani ubi Meridianus interfecabit gradum æquatoris 180. qui erit gradus ascensionis rectæ. Sed si Globo constituto ad latitudinem gr. 52 eundem gradum Capricorni Horizonti adjeceris, invenies oriri cum eo grad. æquatoris 303. 50 m. proximè, & differentia ascensionum (270 gr. rectæ & 303. gr. 50. m. obliquæ) erit grad. 33. 50 min.

CAPUT VIII.

Quomodo inveniatnr ad datum tempus & locum differentia horizontalis inter meridianum & circulum verticalem Solis aut stella alicujus, quem vocant Azimuth.

Observata altitudine Solis aut Stellæ quacunque vis hora, Globum ad latitudinem loci compositum volvas, usque quò observata stellâ, aut Solis locus, tantum ab horizonte emineat, quanta est observata altitudo. Hoc autem invenies, si quadrantem altitudinis vertici dati loci affixum, unâ cum stella aut Solis loco hac illac commoveas, donec incidat in eum quem per observationem in instrumento notatum habes. In hoc situ quadrantis terminus ad horizontem monstrabit distantiam circuli verticalis, in quo Solem aut stellam observasti, à Meridiano. Exempli causa.

In latitudine Boreali grad. 51 die Martij 11 juxta stilum veterem, quo tempore principium Arietis Sol occupat, observata sit ejus altitudo ante meridiem gr. 30 supra horizontem.

Quart-

Quæritur Azimuth sive distantia Solis à Meridiano. Globo primum ad latitud. 51 grad. posito, & quadrante altitudinis vertici affixo, volvatur deinde Globus donec principium Arietis grad. 30 supra horizontem attollatur. Quadrans altitudinis eidem Arietis initio applicatus, monstrabit in horizonte Azimuth Solis, sive distantia à Meridiano, gradū proximè 45.

CAPVT IX.

De inveniendâ hora, itemque amplitudine ortus & occasus Solis & Stellarum, ad datum aliquod tempus & latitudinem alicujus loci.

Solem in diversis Horizontis partibus, diversis anni tempestatibus, orientem & occidentem cernimus. Tres autem insigniores & maximè differētes habet ortus & occasus. Æ qui noctialis dicitur locus ille, quo Sol oritur aut occidit, cum æquatorem percurrit. Solstitialis est ortus aut occasus Solis, cum æstivum Tropicum describit. Brumalis, ubi oritur aut occidit, cum hybernū Tropicum obtinet. Ortus & occasus æquinoctialis in omni Climate simplex est & unicuſ. Equator enim Horizontē in iisdem semper punctis intersecat, quæ 90 gr. utrinque à Meridiano distant. Reliqui pro varia sphaeræ inclinatione, varij sunt & mutabiles, horæque diversæ.

Horam autem & distantia Ortus aut Occasus Solstitialis & Brumalis, aut alicujus intermedij, (quā vocāt amplitudinē ortivam aut occiduā) si cupis cognoscere ad datum aliquod tempus & latitudinē loci: sic operabere. Primò statuatur Globus juxta latitudinem loci. Quæsitum deinde Solis locum, ad tempus datum, Meridiano adjuuge, & cuspidē indicis horarij applica 12 horæ cycli horarij: & cōverso Globo, usque dum Solis locus Horizontē ab Oriētali parte attingat, index in horario circulo Ortus horæ, Solis locus in horizontē Ortus amplitudinem indicabit, quā ut diximus numerare oportet ab ipso Orientis cardine, sive intersectione æquatoris & horizontis.

Si vertatur Globus, donec idem Solis locus horizonti ab Occidente accedat, hora Occasus, & amplitudo occidua eodem modo deprehenditur.

Si ad idem tempus eandemque latitudinem, horam & amplitudinem ortus aut occasus, itemque mediationem cœli alicujus stellæ in Globo expressæ, cognitam velis: Globus convertatur (manente eadem latitudine, eodem indicis situ, quod prius) usque dum stella data horizonti accedat, vel ab Oriente, vel Occidente, hora & latitudo ortus aut occasus, eodem planè modo quo in sole deprehenditur. Si eandem stellam Meridiano applies, patebit hora transitus per Meridianum, quam Mediationem cœli vocamus. Temporis autem itemque amplitudinis ortus & occasus Solis hoc esto exemplum.

Sole occupante principium Tauri (quod nostra ætare evenit circa diem 11 Aprilis juxta stilum veterē) cupio cognoscere horam & amplitudinem ortus Solis ad latitud. Bor. gr. 51. Hoc ut cognoscamus, statuatur Globus, ut polus Boreus emineat 51 grad. ab Horizonte. Deinde primus gradus Tauri Meridiano adjungatur, & index horarius horæ 12 cycli horarij. Postremò versato Globo versus Orientem, donec principium Tauri horizontem attingat: inveniēmus illud punctum contingere horizontem gr. 25 proximè ad Boream Cardinis Orientis: tantaque erit amplitudo ortus Solis eo die. Index autem horarius horam 4 cum dimidia cycli horarij monstrabit, quo tempore Solem eo die oriri dicimus.

CAPVT X.

De triplici ortu & occasu stellarum.

PRæter quotidianam stellarum emersionem & depressionē ab Horizonte ad mundi conversionem, triplicem earum ortum & occasum solent considerare. Matutinum sive Cosmicum, Vespertinum sive Acronychum, & Heliacum vel Solarē. Ortus matutinus alicujus stellæ est, cum stella supra horizontem

Item simul cum Sole attollitur. Occasus matutinus, cum stella aliqua oriente Sole è regione occidit. Ortus vespertinus est, cum occidènte Sole stella è regione ab Horizonte emergit. Occasus est, cum occidehte Sole stella una deprimitur. Ortus Heliacus (quem emersum rectè dixeris) est, cum stella, quæ prius radijs Solaribus illustrata conspici non poterat, ab iisdè emergit. Occasus (quem occultationem licet nominare) est, cum Sol stellam aliquam motu proprio assequitur, ut ob fulgorem radorum ejus cerhi non possit.

Volunt plurimi, stellas fixas primæ magnitudinis oriri vel emergere, si in supero maneant hemisphærio, cum Sol 12 grad. infra horizontem deprimitur: stellæ autem secundæ magnitudinis demersionem Solis ad 13 gr. requirunt: tertiæ magnitudinis, si sint 14. gr. quartæ, 15: quintæ, 16: sextæ, 17 nebulosæ & obscuræ, 18 grad. depressionem Solis requirunt. Ptolemæus in hac re nihil definivit. Difficilem ejus determinationē rectè monet 8 Almag. c. ult. Inæquali æris dispositione inæqualem fieri hanc distantiam Solis ad emersionem & occultationem siderum, probè advertit. De hac vulgata sententia scrupulum nobis injicit, quod Vitellio depressionem Solis infra Horizontem ad 19. gr. requirat, ut finiatur crepusculum vespertinum. Nebulosas autem & obscuras ante finitum crepusculum conspici posse vix persuadebunt. Vtunque autem se res habeat, sequamur vulgatam sententiam.

Si igitur anni tempus, quo stella aliqua in quovis climate oritur aut occidit matutinè vel vespertinë, cognitum velis, sic indagare licebit. Stellam datam horizonti Globi ad latitudinem loci constituti adiungas ab orientali parte horizontis. Innotescet gradus eclipticæ, quocum stella data oritur. Cosmictè & occidit Acronychè. & è regione ab Occidente Horizonti indicabit gradum eclipticæ, quocum stella data oritur Acronychè & occidit Matutinè. Ortus enim Cosmicus & occasus Acronychus, item occasus Cosmicus & ortus Acronychus, idem sunt, juxta vulgatos versiculos:

Cosmice descendit signum quod acronyche surgit.

Cronyche descendit signum quod Cosmice surgit.

Sed hæc sunt latius intelligenda. Neque enim cum eodem gradu eclipticæ stella mane oritur & vesperi occidit. Austrinæ stellæ gradum ortus sui in occasu anteverunt : Boreales sequuntur, si polus Boreus supra Horizontem attollatur; contra, si Austrinus emineat. Invenio autem gradu eclipticæ, quocum data stella oritur aut occidit, si ejusdem signi gradum in Horizonte quæras, mensem ejusque diem expressamprehendes quo Sol eundem occupat.

Ortum & occasum Heliacum sic invenies. Globo ad latitudinem loci composito, stellam datam horizonti applices ab Occidente, è regione ad Ortum exquiras gradum eclipticæ, qui ab Horizonte attollitur gr. 12. 13. 14. aut alia quavis distantia, quam stellæ postulat magnitudo. Hujus gradus oppositum cum Sol occuparit, stella ea occidit heliacè, sive occultatur radorum Solarium fulgore. Si conversè, applicatâ stellâ Orienti exquiras eclipticæ gradum, qui è regione ab Occidente totidem gradibus supra Horizontem eminet : huic oppositum cum Sol occupaverit, stella oritur heliacè vel emergit è radijs Solaribus. Hos autem eclipticæ gradus si in Horizonte perquiras, mensis & ejus dies patebit, cum Sol hos gradus obtinet. Vnde manifestum erit tempus occultationis & emergence ejus stellæ. Exemplum hoc esto, sed occultationis stellæ fixæ primæ magnitudinis. Emerfio inversione hujus operationis invenitur.

Syrius lucida stella est præfulgens in ore Canis majoris. Hujus occasus heliacus sive occultatio sit exquirèda ad latitudinem Borealem 51 grad. Syrius autem (cum sit stella primæ magnitudinis) occultatur, cum Horizontem tangit in supereo hemisphærio Sole 12 gr. infra horizontem depresso. Si igitur stellam hanc Horizonti adjicias ab Occidente, (Globo prius iuxta latit. 50 gr. Bor. constituto) & è regione ab Ortum exquiras gradum eclipticæ, minimo sumpto intervallo 12 grad. supra horizontem eminentem (is aut. m. est 11. proxime gr. Scorp.

Scorp.) hujus oppositum in ecliptica gradum, hoc est 11: Tauri cum Sol occuparit, stella illa occultatur radijs Solaribus. Hunc autem gradum Tauri Sol obtinet circa 22. Aprilis, circa quoddam tempus Occasum Heliacum Syrii esse dicimus. Si eodem modo operabere, adjiciendo stellam hanc Horizonti ab Oriente, innotescet ejus Ortus Heliacus sive emerfio.

Non absimilis est modus investigandi crepusculorum initia & fines, ea autem sequitur.

CAPVT XI.

De inueniendo crepusculorum initio & fine, ad datum quodvis tempus & Latitudinem loci.

Crepusculum definiunt dubiam lucem inter diem & noctem ante orientem & post occidentem Solem. Alterum vocant Matutinum, alterum Vespertinum. Illius initium & hujus finis æquali temporis spatio ab ortu & occasu Solis remota sunt: utcumque duratio interdum major sit, interdum minor in utrisque. Æstate enim longiora sunt crepuscula, hyeme breviora. Mensuram vulgò faciunt, cum Sol 18 grad. infra horizontem latet. P. Nonius rectè monet, non posse dari certam aliquam mensuram, pro diversa aëris affectione, atque altiore vel depressiore vaporum à terra elevatione, variam esse advertit. Vitellio, ut ante eum Alhâzenus, graduum 19. occultationem posuerunt. Vtcumque se res habet, sequatur sententiam vulgò receptam. Si igitur ex hoc fundamento horam cognoscere cupis, qua crepusculum inchoatur aut finitur, ad datum tempus & locum: Globum statuas juxta loci latitudinem, & Solis locum dato tempori congruentem Meridiano adjungas, & indicem horarium 12 horæ sui cycli. Signato deinde gradu eclipticæ, qui è diametro Solis loco opponitur, vertatur Globus, donec idem gradus oppositus Soli 18 grad. ab Horizonte attollatur à parte Occidentali & index in cyclo horario, monstrabit initium crepusculi matutini: si à parte Orientali, vespertini crepusculi finem indicabit.

CAPVT VI.

*Quomodo ad datum aliquod tempus & locum inueniatur quantitas
diei artificialis aut noctis, vel quantitas paralleli Solaris, quæ su-
pra Horizontem manet quæque infra latet. Idem etiam
de stella aliqua inuenire.*

DIEM supra diximus esse duplicem. Naturalem, qui defi-
nitur integra revolutione æquatoris, cum ea etiam por-
tione æquatoris quæ respondet arcui eclipticæ, quem Sol mo-
tu proprio in uno die conficit. Integram æquatoris revoluti-
onem (missa ea portione, quæ proprio Solis motui respondet)
dividunt in 24. partes æquas, quas horas vocant æquales, quia
semper inter se æquantur, quindecim æquatoris gradibus ori-
entibus & occidentibus in singulis horis. Hujus diei diversa
initia (alij enim ab occasu Solis inchoarunt, ut Attici & Iudæi:
alij à media nocte, ut Ægyptij & Romani: sunt etiam qui ab
ortu Solis, ut Chaldæi: vel à Meridie, ut Umbri, & vulgò so-
lent Astronomi, initium sumpserunt) nostri instituti non est
pertractare. Diem artificialem definiunt spatio eo, quo Sol in
supero hemisphærio versatur, cui opponunt noctem, dum in-
ferum percurrit. Diem artificialem, itemque noctem in 12.
utrinque partes dividunt, quas horas vocant inæquales, quo-
niam diversis anni tempestatibus majores sunt aut minores,
neque idem semper spatium obtinent.

Artificialis diei quantitas sic exquiritur. Globo ad latitudi-
nem loci composito, inveniatur gradus eclipticæ, quem Sol
dato tempore occupat. Eundem Meridiano adjungas & in-
dicem horarium 12 horæ. Conuerso deinde Globo, dum So-
lis locus Horizontem ad Orientem attingat: index in cyclo
horario monstrabit horam Solaris ortus: si Occidenti appli-
cetur, hora Occasus similiter patebit, unde tota diei quanti-
tas inuenietur. Horarum numerum si multiplices per 15 (tot
enim, ut sæpè diximus, æquatoris gradus unius horæ æquali
congruant)

congruunt) prodibit numerus graduum Solaris paralleli supra Horizontem apparentis, quos si demas è 360 grad. relinquitur quantitas paralleli latentis. Vel conversò, licebit primò quantitatem arcus diurni, deinde horarum numerum per divisionem colligere. Globo enim posito ad latitudinem loci, & notato gradu eclipticæ, quem Sol obtinet, exquiras per præmissa differentiam ascensionis rectæ & obliquæ ejusdem gradus eclipticæ ad latitudinem ejus loci. Hæc enim differentia erit semissis, qua dies artificialis eo loco & tempore excidit aut deficit à die æquinoctiali. Addenda est itaque, dum dies sunt majores noctibus (quod fit ab 11. Martij ad 12 Septembris) subtrahenda autem reliqua anni parte, cum dies sunt minores noctibus.

Exempli causa, 12 die Junij juxta stilum veterem Sol obtinet principium Cancræ, cujus ascensio recta est gr. 90. at in latitudine grad. 52. Si principium Cancræ Horizonti applicetur, inveniemus ascensionem obliquam gr. 56. 10 m. prox. differentia est gr. 33. 50 quam si adjicias 90 grad. semissi diei artificialis grad. 123. 50 & totus arcus diurnus 247 grad. 40 m. quos si divides per 15 quotus erit 16. cum dimidio ferè, numerus horarum diei artificialis 12 Junij latitud. 52.

Hinc investigatur quantitas diei maximi, minimi & alicujus intermedij, ejusque ad datum tempus & locum incrementum & decrementum. Cleomedes augeri & minui dierum quantitates hac ratione voluit: ut primo mense ante & post factum æquinoctium augeantur & minuantur quarta parte totius differentitiæ inter diem maximum & minimum: secundo mense sexta parte: tertio verò duodecima parte, utpote, si tota differentia inter diem maximum & minimum sit horarum 9: augentur aut minuuntur dies mense proximè præcedente aut subsequente æquinoctium, horâ unâ cum dimidia, hoc est parte quarta horarum 6: secundo mense, integrâ horâ: tertio mense, semisse unius horæ Atqui hæc quidem ut sint vera ad aliquâ datam & definitam latitudinem, in universum se ita non habent. Nam ad diversas inclinationes spheræ diversa ratione

augmentum capiunt & decrementum. Cum enim paralleli in omni latitudine secantur ab Equatore dissimili ratione, dissimilis erit incrementi & decrementi ratio.

Frustra dixerim de inveniēdo arcu apparente paralleli alicujus stellæ. Eadem planè ratione deprehenditur, qua parallelus Solis diurnus.

C A P V T XIII.

De inveniēda hora diei & noctis tam equali, quam inæquali ad datum quodvis tempus & latitudinem loci.

Horam diei æqualem si lubeat cognoscere, Globus statuaturs ad datam loci latitudinem, Solis altitudo observetur. Deinde locum Solis in ecliptica Meridiano adjunge, & indicem cycli horarij horæ 12. Postremò Globum volvas, vel ad Ortum vel Occasum, prout facta observatio postulat, usque dum Solis locus tot gradibus ab Horizonte emineat, quot congruunt observationi factæ, ut in inveniēdo Solis Azimuth dictum est. Globo enim sic constituto, index in circulo horario monstrabit horam diei, quā facta est observatio. Eodem modo horam noctis deprehendas, observata altitudine alicujus stellæ cognitæ & in Globo expressæ. Index enim maneat, ut prius, ad locum Solis accommodatus, & Globus circumagatur, donec stella obtineat altitudinem ab Horizonte æqualem altitudini observatæ: & index horam noctis indicabit.

Ad inveniendam horam diei inæqualem hæc est ratio. Primò inveniēda est per præmissa, quantitas vel numerus horarum diei artificialis, itemque ejusdem diei hora æqualis exquirēda est: unde per proportionis regulam investiganda est hora inæqualis.

In latitudine graduum 49 maximus dies est horarum 16. Cum fuerit ejus diei hora decima antemeridiana vel sexta ab Ortus Solis, cupio cognoscere, quanta sit ea hora inæqualis.

Dispositio terminorum proportionalium sic habet. 16 dant 6, ergo 12 (tot enim horas inæquales singulis diebus itemque noctibus attribuunt (dant 4 cum dimidio).

Quot etiam gradus æquinoctiales uni horæ inæquali congruant, hinc licebit exquirere, si totum numerum graduum arcus diurni divides per 12. Vtpote, si dies artificialis sit 16 horarum æqualium, arcus paralleli diurni erit graduum 240, quos si per 12 divides, quotus 20 indicabit numerum graduum æquinoctialium, qui conveniunt uni horæ inæquali. Simili methodo noctis hora inæqualis ejusque quantitas investiganda est.

CAPVT XIV.

De inveniendâ longitudine, latitudine, & declinatione stellarum fixarum, ut in Globo exprimuntur.

Longitudo stellæ est arcus eclipticæ interceptus duobus circulis majoribus ductis per polos eclipticæ, quorum alter transit per intersectionem æquatoris & eclipticæ, alter per centrum stellæ. Latitudo est distantia stellæ ab eclipticâ, numerata in eo circulo, qui per ejus centrum transit.

Hæc si cupis cognoscere, accipiendus est quadrans altitudinis, vel alius quadrans in 90 gr. commodè divisus: cujus alter terminus applicandus est polo Zodiaci Boreo vel Austri-
no, prout postulat stellæ latitudo. Transeat deinde per medium stellæ ad usque eclipticam, ubi alter quadrantis terminus notabit gradum longitudinis ejusdem stellæ, quæ à principio Arietis numeranda est. Ea autem portio quadrantis, quæ intercipitur inter ipsam stellam & eclipticam, indicabit ejusdem stellæ latitudinem.

Declinatio est distantia ab æquatore, numeranda in circulo majore transeunte per æquatoris polos. Itaque si aliquam stellam Meridiano applices, faciliè innotescet ejus declinatio,

numeratis gradibus & minutis Meridiani (si quæ sunt) quæ comprehenduntur inter medium stellæ & Æquatorem.

CAPVT XV.

*De inveniendâ deflexione acus magnetica à veri Meridiani situ
(quam vulgò vocant nostrates Compassi variationem) ad
datam quamvis latitudinem.*

TErrum tactum magnete ab intersectione veri Meridiani & Horizontis varijs locis variè deviare tam est testatum & comprobatum quam quod maximè. Neque est hæc assertio solum nautarum commentum ad suos errores tegendos, ut voluit P. de Medina Nauclerus regis Hispaniarum. Neque accidit hoc, quòd magnetis vis longo usu & exercitatione debilitata defecerit, ut persuasum habuit P. Nonius: aut quòd ab origine non sit rectè indita, ut alij frigidè coniectant. Suâ ipsa naturâ ita fertur. Hujus deflexionis causam, hætenus frustra quesitam, nemo assecutus est. In hoc, ut & in alijs abditis & abstrusis naturæ miraculis cœcutimus prorsus. Norinâ aliquâ sive canonem huius deflexionis, quasi regularis esset & ordinata, tradere conati sunt, & hoc frustra. Inordinatam enim testatur experientia, non ea solum, quæ ex crassiore nautarum coniecturâ desumpta est, longiusculè sæpè à vero aberrante. Accuratioꝛibus multò observatis compertum est.

Apud insulas, quas vocant Açores, à Meridiani, situ omnino non deflectere, tradunt vulgò. Apud eas, quæ sunt Occidentales, vix aut non multum deflectere ausim affirmare. Si ad Orientem ab ijs insulis navigaris, cuspis ea, quæ Boream respicit, paululum ad Ortum vergit Antuerpiæ in Brabantia 9. circiter grad: propè Londinum in Anglia 11 amplius grad. aberrat à vero Meridiano. Si ad Occidentem ab ijs insulis processeris, deflectet eadem cuspis ad Occidentem. In ora Americæ maritima latitud. 25 circiter aut 36 grad. amplius 11 grad. à vero Meridiano deviat. Ultra æquatorem diversa longè est ratio. Prope extremum Brasilæ promontorium in Ortum

tum excurrans, (C. Frio vocant vulgò) 12 amplius grad. à Meridiano deflectit. Intra fauces Orientaliores Freti Magellanici 5 vel 6 grad. Si ab eo quod diximus promontorio ad Ortum Aphricam versus navigaris, augetur ea deflexio ad 17 aut 18 usq; gradus. quod (ut conjectura assequi potuimus) contingit in Meridiano non multum distante ab eo, qui transit per Açores. Inde minuitur deflexio ad 9. aut 10 gradus, quod accidit propè insul. S. Helenæ, paulum ad Occidentem. Inde ferunt minui, usque dum C. Bonæ Spei prætervectus sis, ubi volunt in ipso Meridiani situ jacere propè flumen illud, quod ab ea causa vocarunt Lusitani R. de las Agulias. Atque hæc tota deviatio est ad Ortum.

Hæc ex observatis (quantum patitur instrumentorum perfectio, quorum usus in navigando conceditur) satis accuratis, per Sphæricorum triangulorum doctrinam calculatis, comperta habemus & explorata. Vnde multa, quæ de hac deflexione vulgo feruntur, partim falsa partim suspecta habemus. Quod in eo Meridiano, qui Açores Insulas pertransit, ferrum hoc verum Meridianum ubivis respicit exactè: quod in orâ Brasiliæ maritima cuspis Borealis in Occasum declinat (ut quidam ferunt) falsum deprehendimus. Quod ad terram Bacalaos (vocât nostrates *Newfoundland*) integris gradibus 22 amplius ad Occasum flectere prodiderunt, suspectum habemus; quod cum ea observatione, quam in ora Americæ factam diximus, deflexionis gr. circiter 11 parum videtur congruere, cui tantum fidimus ut præterea nulli. Faceessant igitur, qui unicum hujus aspectus punctum quærunt, vel in terra, (ut magneticos montes non multum remotos ab Arctico polo) vel in cælo (utpote caudam minoris uræ, ut Cardano videtur vel quod in Meridiano Açorensium jacet (16 cum dimidio gradibus ultra polum Boreum) ut Mercator voluit. Faceessant etiam, qui ex hac deflexione calculum investigandi locorum longitudo- nes institui posse arbitrantur: quod utinam præstare possent, & revera fieret si unicum punctum semper respiceret.

Sed ijs missis videamus, quomodo hujus deflexionis quã-

titas, mediante usu Globi, quovis loco cognita latitudinis inveniatur. Primò parandum est instrumentum aliquod quo distantiam Solaris Azimuth à situ magneticæ acus observare liceat. Utuntur vulgò nostri Compasso vel indice nautico in 360 gradus diviso, filo transversim centro indicis in pixide imminente, quod objectum Soli umbram projiciat in centrum indicis. Hoc instrumentum nostri Nautæ vocant Compassum variationis. Neque incommodum videtur hoc instrumentum ad hunc usum. Sed velim ut aliquantò majore cura & accuratione, quàm vulgò solet, conficeretur. Hoc instrumento, vel alio quovis hujus generis, observetur distantia Solaris Azimuth ad quodvis tempus & locum à projectione acus magneticæ. Quantum autem idem Solis verticalis eodem tempore à vero Meridiano distet, supra docuimus exquirere. Differentia, quæ est inter distantiam Solis à vero Meridiano & à situ ferri magnetici, est Compassi variatio. Præterea docuimus superius, quomodo veri Ortus & occasus amplitudo inveniatur. Si igitur hujusmodi instrumento, quod diximus, observetur, quot gradibus Sol oriatur aut occidat ab eo indicis seu compassi termino, quod Ortum aut Occasum videtur indicare: patebit similiter deviatio acus magneticæ à vero Meridiano, si qua sit.

CAPVT XVI.

Quomodo per Globum construatur horologium sciotericum ad datam quamlibet loci latitudinem.

INtegrum artificium construendi horologia non pollicemur. Prolixius est quam quod hoc loco præstari possit, & quam nostri instituti ratio patitur. Sat erit paucula quædam delibasse, & nonnulla hujus artis fundamenta quasi digito monstrasse: quoniam per Globorum usum commodissimè concipi possunt.

Duo horologiorum genera hoc loco monstrabimus, quæ maxime

maximè vulgaria : alterum vocant horizontale, quod describitur in plano horizonti parallelo : alterum vocant murale, quod describitur in plano erecto ad horizontem, ita ut Boreā aut Austrum respiciat. Sed utrunque non incommodè dixeris horizontale, non quidem respectu ejusdem loci, sed diversorum. Iraque si planum horizontale sit, si erectum, si quovis modo inclinatum, unicum erit horologium in eo describendi artificium.

Videamus igitur, quomodo in plano horizontali alicujus loci horologium delineetur. Preparato igitur plano horizonti parallelo, ducatur in eo linea Meridiana Septentrionem & Austrum quam fieri potest accuratè respiciens. Hanc transversim secet ad angulos rectos alia linea Ortum & Occasum indicans: illa horæ 12. erit index: hæc 6. antemeridianæ & pomeridianæ. Centro facto in harum linearum concursu describatur peripheria in eodem plano ad quamlibet distantiam, quā secabimus in 360 partes; quæ vulgata est divisio omnium circulorum. Has etiam, si fieri possit, in minutiores æquales partes distribuere, non est inconcinnum. Restat ut in hac peripheria exquiramus distantias linearum horariarum ad datam loci latitudinem. Hoc ut præstemus usu Globi, constituatur Globus ad loci latitudinem. Majorem deinde aliquem circulum in Globo delineatum, eorum (inquam) qui per polos mundi transeunt, (utpote Colurum, si placeat, Æquinoctiorum) Meridiano applica, in quo situ horam indicat 12 sive medium diem. Volutato deinde Globo versus Occasum si libet, usque dum 15 Æquatoris gradus pertranscant Meridianum, signetur gradus horizontis quem idem Colurus in horizonte interfecat. Is enim in horizonte indicabit distantiam horæ primæ & 11 à Meridiano: quarum utraque unâ hora distat à Meridie. Volutato rursus Globo, dum alij 15 grad. percurrant Meridianum; idem Colurus indicabit distantiam horæ 10 quæ duabus horis Meridiem antevertit, & secundæ, quæ duabus item horis Meridiem subsequitur Eodem modo reliquarum horarum distantia in horizonte signa-

signabuntur, 15 *Æquatoris* gradibus in singulis horis Meridianum percurrentibus. Sed cavendū hoc est, ut numerentur hæ distantia ab ea horizontis parte, quā polus attollitur: utpote à Borea horizontis parte, si polus Boreus eleuetur, ab Austrina, si Austrinus emineat. Has deinde horarias distantias in horizonte Globi notatas transferas in planum fabricando horologio destinatum, numeratis in ejus circumferentia gradibus numero æqualibus ijs, quos Colurus in horizonte Globi signavit. Erigendus postremò est in plano stilus sive gnomon. Vbi hoc observandum (quod est præcipuum ac propè unicū in hac arte præceptum) ut ea gnomonis acies aut linea, quæ horas sua umbra indicat, in omni horologiorum genere sit parallela axi mundi, ita ut cum suo plano æqualem faciat suæ inclinationis angulum atque axis mundi cum horizonte. Oportere gnomonem, Austrum & Boream respicere, sive in Meridiani situ jacere, adeò notum est, ut frustra monuerim. Hæc est ratio construendi horologium in plano aliquo, horizonti parellelo.

Si erigatur planum horizonti ad perpendicularum Boream, aut Austrum respiciens (vocat vulgò Murale) hoc unum cōsideretur (cujus ignoratio eos, qui vulgò tradunt artificium describendi horologia, in multos labores & difficultates conjecit) unum inquam hoc advertatur, planum illud, quod uno loco erigitur, in alio loco esse horizontale, in eo inquam loco, cujus vertex 90 gradibus ab eo loco distat ad Austrum aut Boream. Exempli causa. Construendum sit horologium in plano aliquo erecto ad latitudinem 52 grad. Hoc nihil est aliud quam describere horologium in horizonte latitud. 18. Si planum sit erectum ad latitud. 27 erit horizontale ad latitud. 63. Eadē de cæteris omnibus ratio. Hinc manifestū est, horologiū horizontale & verticale idem esse ad latitud. 45 gr.

Hoc artificio licebit describere horologium in plano quovis modo ad horizontem inclinato, modò inclinationis quantitas cognita sit. Vtpote, in plano inclinato ad horizontem in latitud. 52 Bor. cujus inclinatio est graduum 10 ab horizon-

te ad Austrum, si inscribendum sit horologium: describendum est in eo plano horologium horizontale ad latitud. 62 grad. Bor. Si planum in eadem latitudine attollatur 16 gr. ab horizonte ad Boream, erit illud horizontale ad latitudinem gr. 36 Bor. Hæc de fabricandis horologijs monuisse sat esto.

P A R S V L T I M A.

De Rumbis in terrestri Globo delineatis, & eorum usu.

LINEAS eas, quas navis sequuta acum magneticam sui itineris ducem in æquoris superficie describit, Petrus Nonius latinè vocat Rumbos, mutuatus hoc nomen à suis Lusitanis. Quoniam autem usus obtinuit, ut inter eruditiores etiam usurpetur hæc vox, licebit nobis etiam uti. Rumbi in globis exprimuntur circulis vel majoribus vel minoribus, vel lineis quibusdam tortuosis & incurvatis. In chartis suis marinis nautæ rectis lineis exprimere solent. Sed hoc est à veritate alienum, nec ullo modo ab erroribus defendi poterit. Inventio hæc & cōsideratio delineandi Rumbos in Globo aliquantò est antiquior. Petrus Nonius Lusitanus multa de his in duobus lib. quos de navigandi ratione conscripsit. Mercator etiam in suis Globis eas expressit. Sed usus eorum usque dum non adeo vulgo notus. In horum itaque explicatione par esse duximus, ut prolixius paulo insisteremus, & eorum naturam atq; originem alius repetentes, ad eorum usum in ratione navigandi deveniremus.

Ordinemur autem ab explicando ortu atque natura indicis Nautici, quem Compassum vocant nostrates Nautæ. Esse autem planum rotundum, cujus circumferentia in 32 partes æquales secatur, rectis lineis per centrum transeuntibus, tam est notum quam quod maximè. Vnicum ejus punctum, cui supponitur acus magneti affricta, Boream respicit, cujus opposi-

tum

tum necessario Austrum respiciet; & reliqua ejus puncta certas & fixas in horizonte sedes (oportet enim, ut Compassus sit horizonti parallelus) respicient. Fixas voco docendi gratia, non oblitus ferrum magneti affricum, præterquam quod sua natura variè aberrat varijs in locis, à Meridiani situ (quam vocant variationem Compassi vulgo:) pro diversarum gentium more variè etiam in Compasso positum esse. Sunt enim qui gradibus 5 m. 37 amplius seponunt ad Orientem ejus puncti, quod Borealem mundi plagam indicat, ut Nostrates & Hispani. Sunt qui gr. 3 m. 18 fere. Sunt qui integris gr. 11 eunt parte quarta ab eodem puncto separant. His tamen non obstantibus supponamus, ferrum perpetuò respicere Boream & Austrum. Sunt autem hæc lineæ in Compasso Nautico expressæ; communes sectiones horizontis & circulorum verticalium, vel potius his parallelæ. Ea, cui acus subjicitur, communis est sectio Meridiani & Horizontis. Hanc quæ rectè secat, communis est sectio Horizontis & Verticalis circuli ducti per Ortum & Occasum Æquinoctialem. Sic habemus quatuor præcipuos mundi Cardines. Et totus horizon in quatuor æquas partes dividitur, quarum quælibet 90 grad: cõplectitur. Si quævisque ex his partem rursus dispescas in 8 partes, per 7. Verticales circulos ab utraq; parte Meridiani ductos per verticem, totus Horizon in 32 æquas partes secabitur, quarum quælibet grad. 11 cum quarta parte complectetur. Tot autem mundi plagas nautæ in suis profectionibus quam fieri potest diligenter solent considerare, minutiores partes & divisiones non sectantur. Hæc est Indicis nautici origo, quem ducent suarum profectionum sequuntur Nautæ.

Videamus proximè: quales lineas navis secuta Compassum ducent in suo cursu describât. Ad faciliorem autem hujus rei intelligentiam hæc præmittenda ducimus: quæ si rectè perpendantur facile & perspicuum reddent totum hoc negotium.

1 Omnes omnium locorum Meridiani per utrumque polum transeunt: *Idoque* secant Æquatorem & omnes ejus parallelos ad rectos angulos,

2 Si dirigatur nostrum iter aliò quam versus alterum polorum, novus subinde introducitur Meridianus novusque horizon.

3 Ferrum, si magneti affricetur, communem Meridiani & Horizontis sectionem indicat, & alter ejus terminus Boream alter Austrum perpetuò respicit quodammodo. Non possum hoc loco tacere gravem lapsum Gemmæ Frisij, qui in Corollario ad 15 cap. Cosmogr. P. Appiani affirmat, ferrum magneti affrictum spectare polum Boreum citra Æquatoris lineam, Austrinum ultra Equatorem. Cujus opinioni refragatur experientia tum nostra tum aliorum. Fefellit opinor eum nimia credulitas. Adhibuit fidem vanæ alicui relationi temerè contra veritatem effictæ. Vtut res se habet, gravis error & tanto viro indignus. Futilem hanc relationem meritò jam antea damnavit illustriss. Iul. Scaliger ex fide navigationum Ludovici Vertomanni & Fernandi Magellanes.

4 Idem Rumbus secat omnes omnium locorum Meridianos ad æquales angulos, & similes mundi plagas in omni Horizonte respicit.

5 Circulus major per verticem (ab æquatore remotum) ductus, non potest secare diversos Meridianos ad æquales angulos. Itaque non assentior P. Nonio, qui voluit Rumbos confici ex portionibus maximorum circulorum. Cum enim portio majoris circuli intercepta diversis Meridianis vel minimè ab invicem disjunctis, inæquales cum ijs faciat angulos, non potest ex ijs Rombus conflare per propositionem præcedentem proximè. At inæqualitas hæc angulorum (inquit) non percipitur sensu nisi in Meridianis longiusculè remotis. Estò. At arte & apodixi hujus positionis error percipitur. Non decuit summum mathematicum præceptiones artis sensu metiri.

6 Circulus major per verticem alicujus loci ductus & ad Meridianum inclinans, majores facit angulos cum alijs omnibus Meridianis, quàm cum eo, à quo primò ducitur.

Oportet itaq; ut ea linea, quę cum diversis Meridianis æquales facit angulos (ut sunt Rumbi) incurvetur ad Meridianum. Hinc fit, ut navi procedente secundum unum & eundẽ Rumbum (præter quatuor primarios & cardinales) linea describatur ad helicum formam incurvata, quales in Globo terrestri delineatos videas.

7 Portiones ejusdem Rumbi inter duos quosvis parallelos quorum differentia latitudinis est æqualis, intercepti, & ipsę sunt æquales. Itaque æquale ejusdem Rumbi segmentum, æqualiter ubivis locorum latitudinis differẽtiam immutat. Verum igitur est vulgare nautarum præceptum, æquali spatio alicujus itineris in eodem Rumbo, alterum polorum æqualiter attolli aut deprimi. Et fallitur Mich. Coignet, qui ex male assumptis fundamentis contrarium sibi habuit persuasum.

Ex quarta propositione hoc oritur confectarium, Rumbos productos non transire per polos. Cum enim idem Rumbus æqualiter ad omnes Meridianos inclinetur, Meridiani autem omnes per polos transeant: sequeretur, si Rumbus polos ingrederetur (ut eadem linea in eodem puncto infinitas alias lineas ad æquales angulos secaret, quod est impossibile, quoniam anguli alicujus pars toti non potest æquari. Neque facit cõtra hoc confectarium, quod in postrema propositione diximus, inter quosvis parallelos æqualium distantiarum æquales ejusdem Rumbi portiones intercipi, ut inde sequeretur, segmentum alicujus Rumbi inter parallelum latitudinis grad. 80 & polum, æquale esse segmento ejusdem Rumbi inter aquatorem & parallelum latitud. gra. 10 intercepto; quoniam polum non est parallelus. Verè hoc à Nonio positum est, Rumbos polum non intrare. At non a quę feliciter probatum. Nittitur enim fundamentis contra veritatem assumptis, ut prius diximus. Perperam Gemma Frisius in append. ad 15 c. Cosm. Appiani dixit, Rumbos in polis concurrere; ut & alij, quos merito taxat Mich. Coignet.

His animadversis facile erit intelligere, quas lineas navis secuta magnetem sui itineris ducem in mari describat. Si pro-

fa na-

ra navis dirigatur in Austrum aut Boream, quas plagas ferrum magnete tactum respicit; sub eodem semper Meridiano fit profectio. quia ut 3 prop. diximus, ferrum hoc Horizontis & Meridiani intersectiones respicit, & in ejusdem Meridiani plano situm est. Si prora dirigatur in eam partem, quam indicat Rumbus Orientis & Occidentis; delineabitur vel æquator, vel circulus ei parallelus. Si enim vertex in principio instituti itineris sub æquatore sit, navis delineabit æquatoris segmentum. Si vertex ab æquatore remotus sit vel in Austrum vel Boream, describet noster cursus parallelum tantæ ab æquatore distantæ, quanta est latitudo loci unde sumus profecti. Vtpote, concipiamus institutum esse cursum ab aliquo loco æquatori subiecto secundum Rumbum Orientis & Occidentis: progrediemur semper in ipso æquatore, hac enim conditione iter conficimus, ut cum novo Meridiano, qui subinde in progressu exoritur, linea nostri cursus rectos faciat angulos. Nulla autem linea præter æquatorem hoc præstare potest, ut ex primæ prop. Corollar. manifestum est. Igitur hujusmodi cursu æquatoris portio describetur. Si ab aliquo loco extra æquatorem instituamus cursum secundum eundem Orientis & occidentis Rumbum, sub eodem semper parallelo versabimur. Omnes enim paralleli æquatoris secant omnes Meridianos ad angulos rectos per primæ prop. Corol. Licet autem prora semper spectet exortum vel occasum Solis æquinoctialem, sive intersectionem æquatoris & horizontis: æquatori tamen in progrediendo non appropinquamus, sed æqualiter semper ab eo disjungimur. Neque enim eò pervenimus, quò spectat prora, sed delineamus cursum, qui novum Meridianum, qui semper nobis progredientibus suboritur, secat ad angulos rectos, qui necessario erit parallelus. Si conficiendum sit iter sub aliquo Rumbo ad Meridianum inclinato, non fiet cursus in circulo aliquo vel majore vel minore, sed in linea incurvata ad formam hujusmodi. Si enim duxeris majorem circulum per verticem alicujus loci inclinatam ad Meridianum, idem circulus secabit proximum Meridianum sub majori angulo

gulo quàm priorem secaverit, per 6 prop. præcedentē, ideo nō constituet aliquem Rumbum: qui idem Rumbus secat omnes Meridianos sub eodem semper angulo per 4 prop. Paralleli autem omnes secant Meridianos rectē, Per Corol. 1 prop. Non igitur ad Meridianum inclinant.

De lineis, quæ in profectionibus fiunt marinis, quæ ducem habent indicem nauticum dirigente acu magnetica, Gemma Frisius in Append. ad 15 c. par. 1. Cosin. P. Appian. sic habet. *Verum hoc obuer annotandum duxi, haud parum differre itinera pedestria ab ijs quæ navigijs fiunt. Nam illa per circulos Sphæra magnos fieri intelliguntur, ut rectē Warnerus demonstravit Commentarijs in Ptolem. editis. Marina verò profectiones maximâ ex parte curvæ sunt: quoniam rarò per circulos magnos fiunt; sed aliquando per æquatoris parallelos, dum navis in ortum aut occasum tendit; aliquando verò per maximos in Sphæra circulos, ut quando ab Austro in Septentrionem aut è contra navigatur, item sub æquatore tantum in Ortum Occasumve navigantibus. Alijs autem omnibus, directis licet secundùm magnetis ductum, navigationibus, curvæ fiunt itinera, quæ maximis circulis non sunt similes, neque parallelis, sed neque circuli sunt, sed lineæ curvæ tantum, omnes tandem in polorum alterum concurrentes. Rectē hæc omnia, nisi quòd lineas has in polo facit concurrentes, quod alienum esse à natura Rumborum supra monuimus.*

Hactenus de origine & natura Rumborum sive linearum, quas navis in Mari describit secuta acum magneticâ viæ ducē. Videamus, quem habeant usum in terrestri Globo delineatī.

De usu Rumborum in Globo terrestri.

In navigandi arte quæ docet, quæ via & ratione dirigenda sit navis, ut ab uno loco ad alterum proficiscamur, quatuor præcipuè considerantur. Locorum longitudines, & latitudines, vel earundem differentiæ, Rumbus, & intervallum sive distantia inter duo loca secundùm iter marinum dimensa. Intervallum enim alio modo Geographi alio Nautæ accipiunt. Illi majoribus circulis locorum distantias metiuntur, ut post Wernerum Peucerus demonstravit in libello de dimensione terræ.

Nautæ

Nautæ circulis interdum majoribus, interdum minoribus, ut plurimum lineis incurvatis, cum itinera conficiant, distantias etiam metiantur par est.

Quæ & quot ex his danda sint, ut inveniantur reliqua, oportet ut consideremus. Loca autem, inter quæ iter nostrum conficimus, differunt vel sola longitudine, vel sola latitudine, vel utrisque.

Si sola differant latitudine, sub eodem constituta sunt Meridiano, ideo Rumbus, qui ducit ab uno ad alterum, erit Septentrionis aut Austri. Reliqua sunt, differētia latitudinis. & intervallum, quorum uno dato alterum facile invenietur. Si data sit differentia latitudinis in gradibus & minutis, quomodo solent Nautæ, multiplicatus ille numerus graduum & minutorum per 60 (quot milliaria nostratia uni gradui vulgò tribuunt secundum Ptolemæi mentem, ut supra demonstravimus) prodit numerus milliariorum confecti cursus. Si per 17 cum dimidio eundem graduum numerum multiplicaveris, prodit itineris intervallum in Leucis Hispanicis. Contra si detur intervallum in milliariis aut Leucis, si divides eorum numerum per 60. vel 17. cum dimidio; quotus indicabit numerum graduum & minutorum, qui congruit differentiæ latitudinis inter duo data. Vtpote, si ab extremo Angliæ promontorio Occiduo (quod vocant *the Lizard*) versus Austrum navigetur, usque dum perventum sit ad promont. Hisp. quod C. Ortegál vocant; quorum differentia latitudinis est gr. 6. 10. m. si distātiā cupis cognoscere inter hæc loca, multip. 6. grad. 10. m. per 60. prodit 370 numerus milliariorum nostratium inter duo data loca. Multo autem rectius per milliaria nostratia instituetur calculus, quia 60. ex his respondent uni gradui, ut uni minuto unum etiam milliarc congruat, unde prolixus & operosus per fractiones labor plurimum vitabitur.

Sequuntur loca, quæ differunt solâ longitudine, quæ si Æquatori sint subiecta, cognito intervallo differentia longitudinis invenietur: vel cōversò, per multiplicationem aut divisionē, eo modo, quo inventa est supra latitudinis differentia.

Quòd si posita sint extra Æquatorem, alia ratio est ineunda. Cum enim paralleli omnes minores sint æquatore, qui propiores sunt paulò, qui remotiores sunt magis, qui prope poli maximè: hinc fit, ut certa aliqua & determinata mensura omnibus parallelis nō possit attribui. Vulgus Nautarum gravius aberrant, dum tribuunt uni gradui cujusq; paralleli equalem mensuram cum uno gradu Æquatoris, unde multi errores in navigando orti sunt, & multæ terræ partes proprijs sedibus expulsæ in alienas introductæ sunt.

Hac etiam ex parte ut consulerem ijs, qui in Mathematicis minus sunt exercitati, Tabulam sub hoc signo * adjeci, quæ monstrat, quā habeat rationem unus gradus cujuslibet paralleli ad gradum unum æquatoris, unde cujusq; paralleli propria mensura inveniri possit. In hac autem Tabulâ prima semper Columella proponit parallelos æquatoris singulos per unum latitudinis gradum abinvicem distantes. Secunda ostendit minuta & secunda æquinoctialia, quæ uni gradui cujusque paralleli congruunt, quæ si convertas in milliaria, cognitum erit, quot milliaria convenient uni gradui cujusque paralleli.

*

Mediante hac Tabulâ, si facta sit navigatio sub aliquo parallelo, & cognoscatur spatium confecti cursus, longitudinis differentia invenietur per proportionum regulam: vel cōversò, si data sit differentia longitudinis, intervallum invenietur. Exempli causa. Ab occiduo Africæ promontorio, quod vocant vulgo C. Dalguer, navigatum sit versus Occidentem per 200 Leucas Anglicas, hoc est 600 milliaria nostratia. Quærimus longitudinis differentiam. Promotorium illud est latitudinis grad 30. Bor. Vni autem gradui in eo parallelo congruunt m. 51 sec. 57 hoc est milliaria 51 & quinquaginta septem sexagesimæ partes unius milliar. Hinc fiet dispositio terminorū proportionalium ad inveniendam differentiam lōgitudinis. Milliar. 51. 57 m. (vel integra 52 quia tam exigua est differentia) dant unum gradum. Ergo 600 dant grad. 11 & viginti octo quinquagesimas duas partes, tantaq; erit differentia longitudinis

dinis inter locū à quo processeris, eumq; ad quem perveneris. Invertendi autem sunt termini, si data sit differētia longitudinis, quæratur autem intervallum. Sed illud est minus accōmodum. Neq; enim solemus datā longitudine intervallum quærere, sed cōverso. Neq; enim adhuc modum observādi longitudinū differentias habemus cognitum, utcunq; vani quidam homunciones magna ostentatione hoc ipsum pollicentur. Verū *Expectata seges vanis deludet avenis.*

Sequuntur, quæ longitudine simul & latitudine differunt, quorum magna est varietas & multiplex differentia. Quatuor diximus in navigandi ratione considerari: Differentias longitudinis, itemque latitudinis, Intervallum, & Rumbum confecti itineris. Duobus ex his datis inveniri possunt reliqua. Datorum autem & quæditorum transmutationes in his quatuor terminis 6 esse possunt ad hunc modum.

Data differ.	{ Longitud. }	inveniuntur	{ Rombus. }
	{ Latitud. }		{ Intervallum. }
Data	{ diff. long. }	inveniuntur	{ Latit. differ. }
	{ Rumbo }		{ Intervallum. }
Data	{ diff. long. }	inveniuntur	{ Latit. differ. }
	{ Intervallo }		{ Rombus. }
Data	{ diff. latit. }	inveniuntur	{ long. diff. }
	{ Rumbo }		{ Intervallum. }
Data	{ diff. latit. }	inveniuntur	{ Rombus. }
	{ Intervallo }		{ long. disse. }
Data	{ Rumbo }	inven. differ	{ longitud. }
	{ Intervallo }		{ latitudin. }

Singulis binis datis singula bina exquiruntur. Pleraque ex his, (imò omnia, quæ aliquem usum præstare nobis possunt) per Globorum praxim perfici possunt. Hoc autem de universis semel admonuisse sat esto. Preter hæc data, latitudinem loci unde profecti sumus, & quartam mundi partem, quam in navigando secuti sumus, necesse est ut habeamus cognita: aliàs enim non poterimus commodè quæsitis satisfacere. Causa est, quia longitudinis, itemque latitudinis differentia, in duas mundi partes numerari solent, hæc quidem in Septentrionem & Austrum; illæ verò in ortum & Occasum. Præcipue verò: quia à singulis Meridiani partibus & ab utroque ejus termino ducuntur Rumbi æqualium angulorum sive inclinationum, ideo nisi quarta mundi pars cognoscatur, versus quâ progressi sumus, incerta erit inventorum notitia. Si quærenda sit latitudinis differentia, ea quidem invenitur, at non poterimus definire, utrum ea numeranda sit versus Austrum vel Boream. Si longitudinis differentiam quæramus, eam licebit dare, at ignorabimus, utrum oporteat numerare versus Ortum aut Occasum. Cum Rumbus quæritur, inclinationem ejus ad Meridianum licebit dicere, sed non poterimus suam ei denominationem tribuere, nisi quarta mundi pars sit cognita, versus quam alter locorum ab altero vergat. nam à singulis Meridiani partibus Rumbi habent æquales inclinationes. His præmonitis singula disquiramus.

I.

Cognitâ differentiâ longitudinis & latitudinis duorum locorum, invenitur Rumbus & intervallum.

Vertas Globum, donec Rumbus aliquis intersecet Meridianum in latitudine loci, à quo processeris. Deinde volvas versus Ortum aut Occasum, ut res postulat, donec gradus æquatoris numero æquales differentię longitudinis duorum locorum Meridianum pertranseant. Postea vide utrum assumptus

sumptus Rumbus interfecet Meridianum in latitudine loci, ad quem perveneris, quod si fecerit, is est confecti itineris Rumbus : sin secus, alius assumendus est, usque dum occurrat qui hoc præstiterit.

Sierra Liona Africæ promontorium est longitudinis grad. 15. 20. m. latitud. Bor. grad. 7. 30. m. Inde navigandum est ad Insulam S. Helenæ long. grad. 24. 30. m. lat. Austral. 15 grad. 30 min. Quæritur Rumbus, in quo conficiendus sit cursus, quem ad hunc modum inveniemus. Adjungamus Meridiano gradum 356. 40 min. longitudinis. Et observemus Rumbum, quem Meridianus interfecat in lat. Boreali 7. grad. 30. m. (quæ est loci latitudo, à quo progredimur) Is est Thracius & Leuconotus, sive ut nostri vocant, *Northnorthwest and Southsoutheast*. Volvatur deinde Globus versus Occidentem (quia S. Helena Orientalior est Sierra Liona.) donec grad. æquat 9. 10. m. (quot sunt differentia longitudinis) pertranseant Meridianum. Et inveniemus in hoc Globi situ eundem Rumbum secari à Meridiano in latitud. Austr. grad. 15. 30. m. quanta est latitudo S. Helenæ. Hic ergo est Rumbus, qui ducit à Serra Liona ad S. Helenam. Hoc modo licebit invenire Rumbum inter duo quævis loca, vel expressa in Globo, vel concepta cum hac conditione, ut differentia latitudinis & longitudinis cognoscatur.

Si loca expressa sint in Globo, inter quæ Rumbum quæris extentis circini cruribus datorum locorum distantiam intercipe, eamque cuique Rumbo applica (sed in ijs locis ubi transeunt parallelos latitudinis datorum locorum) usq; dum invenias Rumbum, cujus portio intercepta datorum locorum parallelis, conveniat distantia inter circini crura intercepta. Exempli causa, si velimus cognoscere, quis Rumbus ducat nos ab occiduo Africæ Promontorio (quod C. Can- tin vocant) latitud. 32. 20. ad Insulam quæ vocatur Canaria latitud. 28. interceptam locorum distantiam applicamus cuique Rumbo, sed non alio in loco quam inter grad. latitud. 28. & 32 grad. 20 min. quæ sunt latitudines datorum lo-

corum, atque inueniemus distantiam hanc applicatam Rumbo, qui dicitur Africo ad Favonium *Southsouthwest*, ita ut alter circini pes insistant latitud. 32. 20. alterum incidere in latitud. 28 ejusdem Rumbi. Vnde concludere licebit, à C. Cantin ad Canariam navigationem instituendam esse Africo ad Favonium. Sunt qui docent, distantiam hanc locorum interceptam applicare cuilibet Rumbo apud æquatorem in communium concursu. Sed ij falsa nobis tradiderunt, suosque errores conscripserunt. Vtunque enim (quod fatemur) portiones ejusdem Rumbi interceptæ binis parallelis æqualiter ab invicem distantibus in qualibet Globi parte sunt æquales: hujusmodi tamen extensione nō sunt metiendæ. Rumbi enim prope æquatorem proximè accedunt ad majores circulos, remotius plurimum incurvantur.

Invento Rumbo intervallum quærimus. Nonius docet, accepto inter circini pedes spatio 10 Leucarum vel semisse unius gradus, intervalla locorum in dato aliquo Rumbo dimetiri. Alij intercipiunt 20 Leucas vel integrum gradum. Neutrū probo, nec alterutrū rejicio. Hoc solū moneo, pro locorū propinquitate vel remotione ab Æquatore, majorē mensurā vel minorē accipi posse. Prope æquatorē, ubi Rumbi, ut dictū est, ad majores circulos propius accedunt, majorē mensuram interciperi licebit. Cū longius ab æquatore discefferis, quā possis minutissimam distantia oportet intercipias, quia Rumbi plurimum incurvantur. Accuratius tamen multo ex sequenti hac Tabula, cognito Rumbo & latitudinis locorum differentia intervalla locorum mensurabis. Sic autem habet.

Rumb.	gr.	m.	sec.	Hic autem monstratur, quot
1	1	1	10	gradus, minuta etiam & secunda,
2	1	4	56	Æquinoctialis vel Meridiani
3	1	12	9	conveniāt uni gradui in quo-
4	1	24	51	vis Rumbo. Gradui autem, ut
5	1	47	59	sæpè diximus, respondent 60
6	2	36	47	milliaria, singulis minutis sin-
7	5	7	33	gula milliaria, secundis autem

sexage-

Sexagesimæ unius millaris partes siue passus 17 proximè. Hinc licebit per regulam proportionum intervalla locorum in dato Rumbo commodissimè dimetiri cognitâ latitudinis differentiâ; vel converso, cognito intervallo latitudinis differentia innotescet. Exempli causa. A Promontorio Africæ, quod vocant C. Verde, latitudinis Boreal, grad. 14.30 navigatum est Africo ad Austrum *South West and by South*, ad usque Promontorium Brasiliæ C. S. Augustin. latitud. Austr. 8 cum dimidio. Quærimus horum locorum intervallū, ad cuius inventionem sic disponimus proportionis terminos: 1 grad. latitud. in hoc Rumbo, qui tertius est à Meridiano, habet 1 grad. 12 m. 9 sec. hoc est milliaria 72 cum novem sexagesimis partibus, ergo 23 grad. latit. (quot sunt inter C. Verde & C. S. August.) postulant milliaria 1659 & dimidium ferè, siue Leucas nostrates 553 paulo amplius; ut tantum sit intervallum C. Viridis & promontorij S. Augustini in tertio Rumbo à Meridiano dimensum.

II.

*Cognito Rumbo confecti Itineris & longitudinis differentiâ,
quæritur differentia latitudinis & intervallum.*

Globum volvas, usque dum occurrat locus ille, ubi datus Rumbus Meridianum secatur ad latitudinē loci, à quo processeris. Inde vertas versus Ortum aut Occasum, ut par est, usque dum gradus Equatoris pares differentie longitudinis Meridianum pertranseunt: Signaque latitudinis gradum, quem idem Rumbus in Meridiano interfecit. Is enim monstrabit latitudinem loci, ad quem perveneris.

Insula S. Helenæ longit. 24 grad. 20 m. lat. Austr. 15 grad. 30 m. est. Inde navigatum esto ad Corum *West North West*, ad locum aliquem Occidentaliorem grad. 24. Quærimus ejus loci latitudinem. Primo statuatur Globus, ut Rumbus ille interfecit Meridianū ad latit. Austr. 15 gr. 30 m. quanta est la-

Ortum aut Occasum, ut res postulat, donec idem Rumbus fecet Meridianum in latitudine loci, ad quem perveneris. Vtroque loco signato, numera gradus *Æquatoris* interceptos Meridianis utriusque. Tanta enim est longitudinis differentia.

C. D'alguer *Africae* Promontorium est latit. Bor. 30 grad. proximè. Hinc navigatum esto Circio ad Favonium *North west by west*, ad latitudinem 38 Bor. item. Quæritur longitudinis differentia. Vertamus Globum, donec Meridianus secet datum Rumbum in latitud. Bor. gr. 30 quod fiet, si 7 grad. longitud. Meridiano applies. Convertatur inde Globus versus Orientem, usque dum Meridianus secet eundem Rumbum in latitud. grad. 38 Bor. quod fiet, cum gradus longit. 352 Meridiano accesserit. Est itaque locus ille, ad quem perveneris, occidentalior C. Dalguer grad. proximè 15 atque transit ejus loci Meridianus per Orientalem partem Ins. S. Michaelis *Aforensium*. Intervallum quomodo inveniatur cognito Rumbo & latitudinis differentia, dictum est in prima propositione.

V.

Cognita differentia latitudinis & intervallo, invenitur Rumbus & differentia longitudinis.

Rumbus ex ea tabula, quam supra posuimus, commodissimè invenietur. Exemplo res erit manifesta. A promontorio *Africae* maximè occiduo, quod vocant C. Blanco, quod est latitudinis Boreal. 10 grad. 30 m. navigatum esto inter Septentrionem & Occidentem per intervallum milliariorum 1080, ad latitud grad. 20. 30 m. Bor. item. Quæritur Rumbus. Sic autem exquiritur. Differentia latitudinis est gr. 10 intervallum 1080 milliariorum. Hinc oriatur hæc terminorum dispositio. Gr. 10 milliar. 1080, congruunt. Ergo gr. 1. milliarium 108. Quæ si dividas per 60. in quoto 1. grad. 48. m.

titudo S. Helenæ. quod fiet, si gr. lon. 37 Meridiano adjungas. Vertatur deinde Globus versus Orientem, donec 24 gradus Æquatoris Meridianum pertransierint. Signatoque gradum Meridiani, quem idem Rumbus interfecat, qui est grad. Aust. lat. 5 gr. 30 m. proximè. Tanta enim est latitudo loci, ad quæ eo cursu perventum est. Cognito autem Rumbo & latitudinis differentiâ, intervallum ex præmissis facile colligetur.

III.

Data longitudinis differentia & intervallo, queritur Rumbus & latitudinis differentia.

Non est quicquam in tota hac arte, quod difficilius sit inventu, quàm Rumbus ex dato intervallo & differentia longitudinis, neque aliâs quàm operosâ & sæpius iteratâ praxi & multis dimensionibus exquiri potest per Globorum usum. Cumque sit hæc praxis tam prolixa & tanti laboris, minus est necessaria aut prorsus inutilis: quoniam longitudinis differentia difficulter investigatur, ut supra monuimus. Cujus rei inventionem utinam præstarent magni nostri ostentatores, ut liceret tandem aliquid ab his expectare præter nuda verba, vanas pollicitationes & inanem spem. Sunt etiam (fateor) & aliæ praxes ex his, quas hoc loco tradidimus, minus item necessariæ ex eadem differentiæ latitudinis suppositione. At quia eorum praxis est faciliior, liceat exercitationis causa proposuisse.

IV.

Cognita differentia latitudinis & Rumbo, invenitur differentia longitudinis & intervallum.

Statuas Globum ita ut datus Rumbus secet Meridianum in latitudine loci, à quo processeris. Deinde circumagas versus Ortum

48 m. inueniemus. Quem numerum si in tabulâ quæras, inuenies Rumbo 5 adjunctum. Neque enim ille numerus minus est hoc nostro amplius uno scrupulo secundo. Vnde pronuntiare licebit, navigationem esse factam quinto Rumbo à Meridiano inter Septentrionem & Occidentem. Inuento autem Rumbo & cognita differentia latitudinis, longitudinis differentiam per secundam propositionem exquiras.

VI.

Dato Rumbo & intervallo, inuenitur differentia longitudinis & latitudinis.

Hoc etiam per superiorem Tabulam facillè investigatur. Exemplum solum ad hoc etiam monstrandum sufficiet. Ab extremo Africæ Promontorio Austrino, quod C. Bonæ Spei vocatur, latitud. Austr. grad. 35 proximè navigatum est ad Thracium *Northnorthwest*, (qui 2 est Rumbo à Meridiano) miliaribus 642 amplius, vel si placeat integris 650. Quærimus differentiam latitudinis, quod hoc modo fiet manifestum. Gradus & minuta, quæ conveniunt uni gradui latitudinis in secundo Rumbo, convertamus in miliaria. Ea sunt 64.56 m. pro quibus licebit accipere integra miliaria 65. Sic deinde sunt disponendi termini proportionis. Milliaria 65 congruunt uni gradui latitudinis. Ergo 650. decem gradus latitudinis convenient. Quos si demas à 35 latitudinis loci, à quo profectum est, quia navigatum est versus Æquatorem, reliqui sunt gr. 25 latitudinis Australis loci, ad quem pervenimus. Cognito autem Rumbo & inventa differentia latitudinis, ex secunda propositione inuenietur differentia longitudinis.

	m. sec.			m. sec.			m. sec.			m. sec.		
1	59	59	24	54	48	47	40	55	70	20	31	
2	59	57	25	54	22	48	40	9	71	19	31	
3	59	55	26	53	55	49	39	22	72	18	31	
4	59	51	27	53	27	50	38	34	73	17	31	
5	59	46	28	52	58	51	37	46	74	16	31	
6	59	40	29	52	28	52	36	56	75	15	30	
7	59	33	30	51	57	53	36	6	76	14	28	
8	59	25	31	51	25	54	35	16	77	13	26	
9	59	15	32	50	52	55	34	24	78	12	24	
10	59	5	33	50	18	56	33	32	79	11	22	
11	58	53	34	49	44	57	31	40	80	10	20	
12	58	41	35	49	8	58	31	47	81	9	18	
13	58	27	36	48	32	59	30	53	82	8	16	
14	58	13	37	47	55	60	29	59	83	7	14	
15	57	57	38	47	17	61	29	5	84	6	12	
16	57	40	39	46	38	62	28	10	85	5	10	
17	57	22	40	45	58	63	27	14	86	4	8	
18	57	3	41	45	17	64	26	18	87	3	6	
19	56	43	42	44	35	65	25	22	88	2	4	
20	56	22	43	43	52	66	24	24	89	1	2	
21	56	0	44	43	8	67	23	26	90	0	0	
22	55	37	45	42	24	68	22	28				
23	55	13	46	41	40	69	21	30				

	Clima- ta.	Paral- leli.	Dies Æsti- vales.		Latitudo.		Intervall Clintatu	
			Hor.	Scr.	Gra.	Scr.	Gr.	Scr.
Amphiscij	0	0	12	0	0	0	4	
		1	12	15	4	18		
	1	2	12	30	8	34	8	
		3	12	45	12	43		
	2	4	13	0	16	43	7	
		5	13	15	20	33		
	3	6	13	30	23	10	7	
		7	13	45	27	36		
	4	8	14	0	30	47	6	
		9	14	15	33	54		
	5	10	14	30	36	30	5	1
		11	14	45	39	2		
	6	12	15	0	41	22	4	3
		13	15	15	43	32		
	7	14	15	30	45	29	3	4
		15	15	45	47	20		
	8	16	16	0	49	1	3	13
		17	16	15	50	33		
	9	18	16	30	51	58	2	44
		19	16	45	53	17		
	10	20	17	0	54	29	2	17
		21	17	15	55	34		
	11	22	17	30	56	37	2	0
		23	17	45	57	34		
	12	24	18	0	58	26	1	40
		25	18	15	59	14		
	13	26	18	30	59	59	1	26
		27	18	45	60	40		
	14	28	19	0	61	18	1	13
		29	19	15	61	53		

	Clima- ta.	Paral- leli	Dies Æsti- vales. Hor. Scr.	Latitudo. Gra. Scr.	Intervalla Climatum. Gr. Scr.
Heterofcij.	15	30	19 30	62 25	1 1
		31	19 45	62 54	
	16	32	20 0	63 22	0 52
		33	20 15	63 46	
	17	34	20 30	64 6	0 44
		35	20 45	64 30	
	18	36	21 0	69 49	0 36
		37	21 15	65 6	
	19	38	21 30	65 21	0 29
		39	21 45	65 35	
	20	40	22 0	65 47	0 22
		41	22 15	65 57	
	21	42	22 30	66 6	0 17
		43	22 45	66 14	
	22	44	23 0	66 20	0 11
		45	23 15	66 25	
	23	46	23 30	66 28	0 5
		47	23 45	66 30	
	24	48	24 0	66 31	0 0

Perifcij.	Menses.	
	1	67 15
	2	69 30
	3	73 20
	4	78 20
	5	74 0
	6	90 0









